

人物志序

監利者舊由漢以來相望於簡策將由地氣炳靈世載其英歟無亦先正典刑未替代相漸被人自琢磨故卓然有以表見後世歟至於閨襜女士亦秉禮度義不爽其德凜凜與秋霜琨玉比潔嗟乎豈不盛哉夫均是血氣均是心知彼槁項黃馘與草木同朽者往往皆是也獨若而人者書之旂常而不滅酬之俎豆而不替垂之竹冊而不蝕圖之禮宗勒之茗華而不刊無他行芳志潔其素所樹立者然也今列其梗概著之於篇使夫慕義者知所勉焉其他流寓方技

監利縣志

卷之

人物志序

釋老之倫苟可稱道亦附次之無俾湮淪志人物

經濟

伍舉楚之世族其父參晉楚邲之戰料晉必敗卒如所言舉善爲說辭獻規進諫婉而多風靈王會諸侯於申陳以古誼止其侈心惜王不悟未克令終子鳴奢鳴嘗逆舉使復歸楚奢則員之父也

奢爲舉子左傳杜註國語韋註及史記註皆可証舊志以爲鳴子誤

奢嗣父舉位平王使爲太子建師以費無極副焉無極楚之讒人也建娶於秦極探知其美勸王取之而陰行



其譖奢未忍迎合主意遂遭殺戮子尙員尙已仕楚假其父命召之以致之死員遂逃

員字子胥奢之次子未嘗仕楚方家居聞其父兄以無罪被戮遂逃於吳吳王闔廬甚見信任使爲行人聯結諸國皆歸心焉柏舉之戰吳狗蔡請興師伐楚楚幾不國員亦假以報昔之讒其父者後闔廬爲越所傷而卒員輔其子夫差克報父仇夫差不能慎終如始員爲力諫賜劔自盡吳終爲越滅員嘗屬其子於鮑氏傳記以度實之後之伍氏則皆謂度之所出者

鞭尸之事春秋三傳皆無之雖出史記前儒多不以

監利縣志

卷之十

人物

二

爲然今册有辨在後

伍被子胥之後爲漢淮南王安中郎安招致英雋以百數被爲之冠後安有邪謀被數進諫致繫其父母無有異詞及安敗乃自詣獄

申無字一曰芊尹無字靈王初爲令尹以王旌田無宇斷之及卽位納亡人以賓章華之宮無宇之闔人馬王不聽其執終守法不撓王滅蔡使弟棄疾爲蔡公無宇承王問以末大必折尾大不掉爲王戒

棄疾靈王之弟舊志以爲其子誤今正之芊從干據

康熙字典



申亥無宇子乾谿之難王公夏將入郢亥曰吾父再奸王命王弗誅惠孰大焉乃求王遇諸棘闈以歸王縊亥以其二女殉而葬之

申包胥伍員之友員之亡也曰我必覆楚國包胥曰我必存之吳人郢包胥求救於秦七日七夜哭不絕聲秦乃救楚卒復其國及頒賞胥不受

戰國策作焚  
冒勃蘇

胡剛西漢人清高有志節平帝時大司農馬宮辟之值王莽居攝剛解其衣冠懸府門而去遂亡命交阯隱於屠肆之間後莽敗乃歸鄉里

胡廣字伯始剛之六世孫父貢爲交阯都尉廣少孤貧

### 監利縣志

#### 卷之十

人物

三

親執家苦長大隨輩入郡爲散吏太守法雄之子真從家來省其父會歲終應舉雄勅真助其求才雄因大會羣吏真於牖間密占察之乃指廣以白雄遂舉孝廉旣到京師試以章奏安帝以廣爲天下第一旬月拜尙書郎五遷尙書僕射順帝欲立皇后而貴人有寵者四人莫知所建議欲探籌以神定選廣與尙書郭虔史敞上疏諫其不可帝從所議以梁貴人良家子定立爲皇后時尙書左雄議改察舉之制限年四十以上儒者試經學文吏試章奏廣復與敞虔上書駁之曰竊爲選舉因才無拘定制六奇之策不出經學鄭阿之政非必章奏



甘奇顯用年乘強仕終賈揚設耳亦在弱冠不從廣典機  
事十年出爲濟陰太守以舉直又不實免復爲汝南太守  
入拜大司農漢安元年遷司徒質帝崩代李固爲太尉  
錄尙書事以定策立桓帝封育陽安樂鄉侯以病遜位  
又拜司空告老致仕尋以特進徵拜太常遷太尉以日  
食免復爲太常拜太尉延熹二年大將軍梁冀誅廣與  
司徒韓縝司空孫朗坐不衛宮皆減死一等奪爵土免  
爲庶人後拜太中大夫太常九年復拜司徒靈帝立與  
太傅陳蕃參錄尙書事復封故國以病自乞會蕃被誅  
代爲太傅總錄如故時年已八十而心力克壯繼母在

監利縣志

卷之十

人物

四

堂朝夕瞻省旁無几杖年不稱老及母卒居喪盡哀率  
禮無愆性溫柔謹素常遜言恭色達練事體明解朝章  
雖無寒直之風屢有補闕之益故諺曰萬事不理問伯  
始天下中庸有胡公自在公台三十餘年歷事六帝禮  
任甚優其所辟命皆天下名士與故吏陳蕃李咸並爲  
三司每朝會輒稱疾避廣時人榮之年八十二熹平元  
年薨使五官中郎將持節奉策贈太傅安樂鄉侯印綬  
給東園梓器謁者護喪賜冢塋於原陵謚文恭侯拜家  
一人爲郎中故吏自公卿大夫士議郎以下數百人  
皆緘絰殯位自終及葬漢興以來人臣之盛未嘗有也



初楊雄做虞箴作十二州二十五官箴其九箴亡闕後  
涿郡崔駰及子瑗又臨邑侯劉騶駮增補十六篇廣復  
繼作四篇文甚典美乃悉撰次首目爲之解釋名曰百  
官箴凡四十八篇其餘所著詩賦銘頌箴弔及諸解詁  
凡二十二篇熹平六年靈帝思感舊德乃圖畫廣及太  
尉黃瓊於省內詔議郎蔡邕爲其頌云

本後漢書參縣志

舊志已列胡廣名於經濟中孝行又及之府志刪今  
從府志

劉翼字子羽洪武中任安慶訓導擢御史巡按河南時  
河南大旱人相食翼上疏言狀請蠲卹之親王有假法

### 監利縣志

#### 卷之十

人物

五

駕出城者已獲俞旨翼諫不可且曰陛下所言者骨肉  
之私情臣所言者君臣之公義忤旨繫獄十餘年釋出  
尋卒崇祀鄉賢

鄧之和字以行洪武時國子生姿儀瓌大太祖幸學見  
而奇之授福建右布政使賜襲衣寶鈔之和典蕃政宏  
達經要人以爲知體坐事被逮久之事白復官未及任  
卒

趙緯字大經初爲大興教諭靖難時畱守北下永樂中  
歷禮科給事四川按察副使以言事調浙江先是仁宗  
在東宮祥奏對嘗忤旨及帝卽位入覲補嘉興典史尋



沒後仁宗憐其忠勅祭葬

以上本府志

裴璉字汝器弱冠有才識補郡博士弟子員湘獻王辟署巴東學靖江王入賀見而奇之召與同舟濟江賦詩留別薦入太學洪武中授湖州知州賜襲衣寶鈔諭遣之任擢浙江按察僉事永樂中改江西事免尋起爲御史璉善論事不避權貴成祖謂之真御史平阜山賊遷河南按察副使復坐事免再起爲御史時階州賊方熾遣璉按治擒斬首惡餘黨數千人在文州黑山者皆不殺懽聲到山谷西土以甯後改春坊中允又改刑部主事忤當事者意出知易州洪熙初召爲工部侍郎改行

監利縣志

卷之十

人物

六

在刑部侍郎以言事忤旨出知涪州以子綸貴乃乞歸卒璉與少保楊溥尙書劉儁知州何忠尙書張純齊名人謂之荆南五君子楊溥謂其以豪傑之資敏達之才敷歷中外四十餘年得失不介於心夷險不易其節楊榮謂其廉介不阿歷官中外行益修名益著恬守晚節足爲世勸著野舟集崇祀鄉賢

唐修洪武中貢入大學精於法令官刑部侍郎

艾良字從善爲人沉靜寡言與物無忤以裴璉薦爲御史擢詹事府丞尋轉大理寺丞以詳慎見稱

裴綸字景宣璉次子永樂十九年進士廷試一甲第三



人及第授編修爲史官講官同輩俱相推服以終養歸後復入翰林時王振擅權綸與侍講劉球素善球忤振振矯旨杖死而扼綸不得朝一日英宗顧問綸奚在振始不敢加害景泰初舊臣多外補乃出爲山東布政使劾罷鎮守太監覃廣有顧御史者酗酒使氣綸稍諷之遂與交章論詰直氣勁節有父風焉所著有汨菴詩文集英宗復辟贈禮部尙書謚文僖

府志

鄭重威字子修嘉靖丙戌進士除遂甯知縣歲大祲盜起發粟振貸擢戶部主事遷臨安知府條陳五邦甯遠等州事宜如其議恢復故土幾千里平阿迷蒙白等賊

### 監利縣志

### 卷之十

人物

七

累遷雲南右布政

府志

徐棟

復姓

字木仲爲諸生時邑有劇盜兵備使者楊招

議撫勦孰便棟意主勦楊從其言遂平盜嘉靖乙酉舉於南畿爲乾州守捕猾胥甚急以胥誣罷歸

舊縣志

劉昇

舊志作昇

字成之舉嘉靖辛卯鄉試除巫山知縣舊有

茶稅令多侵漁人已昇不欲自染乃請輸於府地當峽口要道民苦迎送昇出金募人應役由是民力少紓縣人立祠祀之子承範字洪卿隆慶元年恩貢除浙州知縣治最擢普安知州又遷韶州府同知承範爲政明敏輔以權略所至有聲在普安計擒土酋在韶州條議香



山澳事宜洞中機要上官重之

府志

李夢祥字幼徵嘉靖乙未進士除温州推官時宰張孚敬欲鑿河城中環其居夢祥持不可忤其意因誣以他事禍且不測上遣御史往勘民遮道訴其冤願借李公復為司理事白轉工部主事治水山東有疏河賑饑功晉郎中營建太廟工成賜白金文綺出知思南府叛苗陷思州石阡急攻思南夢祥竭力捍禦得存郡人德之夢祥性和易質直居鄉時人無少長皆喜從之遊拯人患難殫竭心力而不自言其恩時服其醕德子桃孫元實自有傳

府志

監利縣志

卷之十

人物

八

夏茂字仲亨博學多才究心濂洛之學舉嘉靖癸卯鄉試知延津縣減郵傳復流民善政尤著抗節不附權貴幾被中傷賴士民保留而止鄰邑苦豪強兼并者皆就延津申理茂為則壤定賦流徙皆復業所在祠之遷廬州府通判尋致仕歸性嚴毅惡聞人過人憚其直著有雲渚野航集曾孫起載自有傳

湖廣通志卷之八十一 崇祀鄉賢

劉良采字寅之嘉靖癸卯舉人除遂甯知縣遷成都府同知值龍州土司薛兆乾叛會兵進勦良采奉檄督餉訶得要領遣使入賊巢獲其渠魁境內以安錄功遷龍安知府解組歸家法嚴整世皆師之壽八十九卒子中



春曾孫在朝元孫懋夏懋彝等自有傳湖廣通志卷之十崇祀

姜奇方號守冲嗜學力行舉嘉靖辛未進士初令宣城轉倅杭郡遷都勻守終轉運皆有治績其文章爾雅丰采端凝一時名流多推服焉通志府志

劉彥字晉所萬厯癸酉舉人性曠達喜獎掖後學人以是樂親之除金堂知縣天旱助民灌溉是歲仍有秋擢知廣安州以治行稱湖廣通志府志

李元寶字士貞夢祥孫舉萬厯丙戌進士厯戶郎視權九江以廉潔遷鳳陽知府鳳陽本帝里勲戚錯布號為

監利縣志卷之十 人物 九

難治元寶執法不阿豪貴斂迹擢福建兵備副使殫力防海以勞卒官子舉人逢時扶柩歸葬惟圖書數篋而已府志

胡賓字六合舉萬厯丙午鄉試除補浦江知縣以清節著調繁平陽擢甯波知府改淮安府分司河道考最以憂歸時值多故遂不復出府志

謝璉字君賓萬厯壬子與弟道同舉於鄉丙辰成進士授南兵部主事厯遷廣東右布政駐潮州禽討海賊有巨憝穴山中與賊為聲援璉掩捕殲之閩廣以安舉卓異入覲會推遼撫以奏事忤旨被逮崇禎四年冬山東



兵亂乃起璉巡撫登萊與山東徐從治並命時登州已陷從治遂與璉同守萊州賊攻萊輦原登萊巡撫孫元化所製西洋大礮穴城多頽城內投火灌水穴者死無算又遣死士突出掩擊毀其礮臺當是時外圍日急諸援軍頓昌邑不敢進兩撫臣困圍城中於是建議更設總督一人以兵部右侍郎劉宇烈任之統師往援而兵部尙書熊明遇主撫宇烈無籌略師次沙河遣使十輩往議撫旣而從治中礮死宇烈亦敗走青州旋抵昌邑於是萊州推官屈宜陽請入賊營講撫賊佯禮之宜陽使言賊已受命宇烈爲奏得請乃手書諭賊令解圍賊

監利縣志

卷之十

人物

十

邀宇烈宇烈懼不往賊令宜陽還萊言文武官出城開讀圍卽解總兵官楊御蕃不可璉曰圍且六月宜且從之乃出賊目執璉送至登囚之五年八月山東巡撫朱大典合兵救萊圍解賊遂殺璉於登州後事平詔贈璉兵部右侍郎賜祭葬建祠蔭子斯茂爲詹事府錄事

徐從治傳參縣志

國朝乾隆四十一年

賜諡節愍

鄧炳字其文又字樸野萬厯庚辰進士除上海知縣剖決如流颶風作海溢漂溺人民炳察災傷請蠲卹募疏



渠活災黎甚多性好士多所識拔歷上海長興皆劇邑以治最聞擢戶部主事監兌蘇松遷員外郎中有齷齪持千金請居閒峻拒之歸遂堅卧不起身處脂膏清白自矢始終一節吳越人皆立祠祀之

劉在朝字長孺天啟乙丑進士除福清知縣改國子監助教遷戶部主事督餉山海關歷員外郎中出知保定府崇禎八年秋京師戒嚴以城守功遷易州兵備副使坐累解職歸築采隱樓聚書教子忘其身繫物望也著采隱樓集國變後卒

府志

潘世標字翰苑博學洽聞華亭董其昌督學楚中甚器

監利縣志

卷之十

人物

士

重之以副榜選知資縣潔已憂民加意士類崇禎丁丑流賊躡川中世標完城郭嚴守禦賊不能犯壬午解組歸未抵里監邑已爲賊據二子諸生有毅有彝俱抗節死國變遂不復出性至孝嘗主陽春書院與友同宿一夕心動謂曰吾母其念我乎急具舟歸而母適病癰調護惟謹獲痊人以爲誠感著有初照亭集南華註評蜀遊草資志備考清時繹說詩文僅存集

府志

鄧應捷字濟民以明經爲隨州訓導遷墊江知縣獄有大辟重囚百餘應捷察其誣者數十人釋之後張獻忠入蜀棄官回里遇前所脫者數人效死捍衛得免於難



未幾卒子鍾岱扶櫬歸葬

湖廣通志府志

聶開基字恢遠弱冠起家豐城縣尉縣有雄黃塹隨築輒圮開基治之以釜甕立骨河底乃盛土砌石屹然金湯民德之立聶公祠於其上擢撫州經歷權廣西桂林縣事值經略洪文襄引師徇滇黔檄主軍中支發士無敢譁者時隨營敘功之員奉例宜先校試用策及制藝各一開基得高等授雲南黑鹽井提舉舊額餉十萬有奇當滇餉之半兵燹後井廢竈丁逃匿開基設法鑿通竈民復集餉遂溢額凡陋規盡却之是時吳逆以平西王開藩滇南占山木禁民樵採薪騰貴竈丁復散餉額

監利縣志

卷之十

人物

三

復滅逆藩將以是陷之開基走總制所訴其事得直奸黨乃戢其不畏強禦如此民感其惠爲生立祠遷臨安同知入覲

召對

獎諭有加以病乞歸居家好行其德邑隄防有事道府縣敦請督理經畫盡美邑人德之

鄭欽簡號韻菴素以詩文擅場明季筮仕隴西與同鄉胡上達相依變亂中達深倚之及順治時除授雲南臨安府蒙自知縣地與安南接壤聲教久不通欽簡奉令傳檄招安遂通使如舊功擬陞授會目疾不痊乞致仕



胡上達字孺成文學有名明崇禎己卯歲貢復中本科副榜選授隴州州同順治初服官如故改慶陽司理明刑慎獄人仰其慈號為省事推官 府志

易言翼字十菴順治中貢任永甯知州城外鐵索橋久圯奉 詔營之壘苗變遠近震言翼召民入城為堅

守計卒無事土司入謁者為宣布

朝廷寬仁在官數年百廢俱興擢大理寺丞晉工部郎出權粵東鈔關革除苛歛商民便焉遷補刑部郎請假歸卒著有嶰谷亭詩集 府志

監利縣志

卷之十

人物

三

龔榮遇字素若順治辛卯舉人壬辰進士除府谷縣知縣下車之日招流亡寬徭役修學宮城垣縣衙治術甚美署神木單騎定其變五日而事平遷行人歷刑部郎預修大清律例出為平涼知府政條清簡居二年遷西甯僉事平涼兵變士民多甘棠之思乃改固原副使以慰撫之移病歸子啟正字懋存由明經除黃安訓導歷遷四會知縣在職四年有治行乞歸卒 府志

劉懋夏字公蕃良家元孫舉順治辛卯鄉科乙未成進士除青州推官判決平允昭雪冤誣以明慎著康熙六年缺裁歸里不復赴補性孝友博聞強記著有竹齋集



子鴻誥康熙己未進士兩爲縣以廉能著遷永甯知州

移病歸遂卒

湖廣通志  
府志

聶士貞字元次順治甲午舉人辛丑進士除定遠知縣民以逋賦捕繫者眾士貞力言於大府題請豁免多所全活丁內艱服闋補浙之鎮海康熙乙卯五月海賊闖伺內地邑戍將謀翻城以應之事覺會兵擒誅次日賊艘數百集城下士貞指官齋後一水謂其子曰設有不濟吾必死此乃灑泣乘城同鎮海總兵等率其民與賊搏戰殺傷始退膺卓異特薦擢內閣中書以在縣積勞成疾不赴補而歸邑人感其德建生祠埭像以祀子社

監利縣志

卷之十

人物

十四

康熙壬午舉人

府志

張逢吉字枚從質敏學優尤具經世之才康熙丙午舉於鄉任涑水知縣潔已愛民八載勞瘁兩叨卓異一沐行取分房文武兩闈以能員隨巡口外兩次己卯春致仕歸宦囊蕭然值縣令郭重建文廟卽捐金助修其恤族睦鄰慷慨好義多類此

曾文壽字眉士舉康熙癸卯鄉試選奉化知縣豁逋賦革弊蠹修廟學繕城隍課生徒恤窮孤邑瀕海最貧瘠逋賦迫迫呼文壽力請減豁又革征糧用里民充役之病民爲立石頌德而歸卒



曾鵬壽字羽九幼穎異年十二補邑諸生以歲貢教習  
期滿授富川知縣邑有八都者當四省之會陵谷窳奧  
其人好盜喜殺阻險抗賦號爲蠻民從未有長官敢入  
其穴者鵬壽單騎至其地諭以禍福曉以禮義羣羅拜  
馬前帖然順命大府廉其賢能屢登薦牘居二年竟卒  
官時論惜之

楊之陞以士伍從征吳逆又赴閩勦海寇克復海壇金  
門廈門等處銃傷左股功上優敘歷遷象山副將因傷  
發乞休卒

以上皆本府志

周士元字善長康熙十三年吳三桂反雲南以士伍隨

監利縣志

卷之十

人物

五

任攻辰龍關爭先血戰追擒馬寶所在有功部帥黎耿  
然深器異之薦於滇黔總制范承勳授雲南督標守備  
歷遷至嚴協副將嚴郡水亟具舟拯救漂溺又購米賑  
卹全活無算晉福甯鎮總兵平巨寇高松香設沿途巡  
遊官以譏察非常閩東安枕調鎮南澳會海賊陳君元  
逃亡計擒之設立礮臺修築城垣以勞卒官

賜祭葬長子彬字文若康熙壬辰進士選庶吉士授檢  
討雍正元年改東川知府調夔州府丁未歲楚中大饑  
流民入夔州者日千計彬捐俸設廠授食置茅屋數千  
楹爲其棲止有病斃者給棺掩埋之又請於大府放關



十日俾商人運米赴楚以卓異薦遷松茂道終平慶道  
乞養歸卒次子麟康熙辛丑武進士選侍衛雍正三年

卒於京邸妻蔣投繯以殉

士元妻蘇氏及媳蔣氏列女有傳

三子松化州知州卒於官

湖廣通志卷周氏家狀府志

楊自欽字端叔祖且有至行鄉里稱長者自欽舉康熙  
辛卯鄉試戊戌進士雍正三年選授知縣引見稱旨特  
改曹州知州在任懲蠹弊除陋規發奸摘伏遠近稱神  
明州糧向於張秋水次完納張秋距州可三百里一遇  
泥潦輸者苦之自欽請改在城征收官爲運送民甚便  
焉州界有桃園集其地錯隸七州縣劇盜每錯伏其間

### 監利縣志

#### 卷之十

人物

六

吏不能捕自欽廉其故乃請歸併曹州管轄并移本州  
同知駐之用資彈壓地方以安嘗於城內捐創義學一  
所四鄉亦各有設立雍正庚戌州旱賑粟六千石次年  
又水憲使議照前數賑卹自欽懇請加賑乃得粟九千  
石以勞卒於官自欽少好學爲諸生三十年勤於講授  
從遊者多所成就著有鳴鶴堂集子志道增貢生由知  
縣陞授金華府知府志治附貢生志濂候選州同  
鄭家任字堪夫年十九遊泮未數歲卽食餼歲科試多  
冠軍文名噪一時久困舉場康熙庚子科始舉於鄉辛  
丑會試未第及雍正癸卯成進士則其年五十二矣戊



申除山東朝城知縣清白自矢承辦軍需賑卹災黎具有勞績以老致仕歸刊有文稿行世家任原名劉以任成進士後具呈吏部乃易名歸宗子禾年十八與家任同舉於鄉補桂陽知縣清勤供職猶有父風因公免歸遂卒時多惜之

羅秉芳字蒼期雍正七年以例挑選任睢州知州屢決疑獄人稱神明家居亦有醕行

以上皆本府志

劉青史字廷珥舉康熙甲子鄉試爲蘄州學正二十餘年遷九谿衛教授重修學宮以廉勤著卒於官

監利縣志

卷之十

人物

七

張之珩字愚堂質近於魯而篤志勤學至於飲食不辨其味蓋有弗得弗措者矣院試以第一遊泮文多傳誦康熙丁酉鄉薦戊戌成進士卽以知縣用歷任定興長樂長陽安宿等縣加府衙後告降官黃州府教授爲人恬淡寡營巖峻不苟居官以清廉著尤善判斷致仕後惘惘無華惟以詩書垂訓著有愚堂稿

羅傑芳字 雍正甲辰舉人壬子科分校江西闈卷乙卯科分校陝西闈卷學問優長聘請者多乾隆十七年官直隸順德府任縣知縣治事精明待人寬恕亦卽本所學以爲政也



周聯縉字 監生應雍正乙卯湖北鄉試得列高魁  
乾隆丙辰聯捷成進士官北流知縣其持身嚴其待人  
厚其蒞事勤民皆翕然向化府志於其名下註曰德澤  
及民居官有聲非虛也子光鼎博學能文乾隆丙午鄉  
薦則年已垂暮矣

李玉樹字瑤階少冠童軍文便競傳由是遊泮食餼試  
輒前列乾隆壬申聯捷進士歷任湖南安仁等縣擢靖  
江知州治事嚴明奸宄斂跡分校壬午乙酉鄉闈所識  
拔多知名士

李玉藻卽玉樹之弟舉乾隆己卯鄉試官泰興縣知縣

監利縣志

卷之十

人物

六

其爲文中正和平不蹈茁軋之習其爲政亦然愷惻慈  
祥民自向化庚寅辛卯兩科皆與分校所取亦當子衢  
官知州自有傳

潘宏選字

天資穎悟不凡當其應童子試題屬鳳

兮鳳兮反對衰字不作一衰颯之詞學使深加咨賞取  
以冠軍料不久居林下乾隆壬申與李玉樹同榜於甲  
戌成進士官四川中江縣知縣地當繁衝頗難就理因  
其勢而利導之休養生息民咸安其居致仕歸里依然  
儒素享年八十餘無疾卒

蔡宗建

祖士蓋官訓導父襄郡庠生皆樂善好



施忠厚垂訓宗建宏才偉略能任人之所難任而經營措置動中機宜乾隆庚辰鄉薦挑選知縣分發四川官大竹時厥有政績卽載大竹縣志旋陞眉州知州庚子爲內監試官後陞貴州鎮遠府知府護貴東兵備道皆能應務有餘著有研治堂文集後孫以修亦由四川大竹縣知縣陞江西蓮花廳同知一時以爲佳話

李陟廷字績可遊泮非早鄉薦甚速官直隸新安知縣以寬大行政而事無不舉未及七十致仕優遊林下者有年孫玉檢邑庠生品行端方士林矜式

尹大璋字赤圃年屆四旬始食廩餼乾隆癸卯鄉薦丁

監利縣志

卷之十

人物

九

未會試與邑人李衢輩同行車中所日課誦者古文時文共二十八篇試畢出所作文觀之人人驚服其得力要不出所課誦者遂成進士選授廣東徐聞縣知縣有守有爲無負所學以子累罷官

李衢字亨甫父玉藻令泰興時從武進進士莊綸涓遊得所指授迴出凡儕乾隆己亥鄉薦庚戌會試己入彀總裁嫌策少徵實復搜遺以蔣祥墀憲副易之見蔣行述挑選江西知縣迭任繁劇滌弊除奸多所匡濟擢陞江南邳州知州子懋華廩貢訓導懋萃附貢懋莘自有傳懋荀懋葵俱邑庠孫祥麟浙江知府祥泰

武昌府

訓導



龔傳衡字平菴儀表偉然迥出羣類而氣息冲和有儒者度二親在堂服勞奉養自所必謹其深愛所形見於辭色有任乎天而不雜以人者自少未就外傳朝夕鯉庭時親訓誨行文如水行川如氣在花郊寒島瘦全無其態乾隆甲午舉於鄉時父學典同薦而未售亦可稍釋其憾考取教習候選知縣未及仕卒士林皆以爲憾李金相字琢菴乾隆癸卯舉人嘉慶辛酉挑選知縣分發江西捕授廣豐調署南康星子首邑卒於任爲人寬厚和平家庭鄉里素欽其德居官政簡刑清吏胥是防貪墨是戒死之日民多感泣南康知府龔文虎撰有碑

監利縣志

卷之十

人物

三

文記其實

王愔敘字彝菴天資高邁少年出語已驚其長老勗以從名師遊遂得歸於正大之途甫冠食餼膠庠試無不利一時英才多萃其門乾隆壬子鄉薦挑選直隸知縣理繁治劇動中其宜清白自持依然儒素忽遭風痺之疾遂致仕歸里有才未展爲可惜也子錫麟附貢

龔傳徽字文卿俊偉光明見者莫不歎爲異人行文如長江大河有一瀉千里之勢游泮食餼若操券然乾隆乙卯舉於鄉嘉慶辛酉成進士授職吏部主事告降官四川樂山知縣除莠安良嚴明之中濟以寬厚一時人



皆悅服庚午分校四川鄉試所取文皆氣盛言宜亦與  
其文相似子經圻貢生潤森江甯同知各自有傳

龔經遠字仲來父傳衡銓授知縣未及仕卒遠幼孤承  
祖學典訓誨質敏學勤爲人雍容肅穆一掃浮佻之習  
甫采泮芹卽以冠軍食餼合郡人士皆惜伏嘉慶丁卯  
中湖北鄉試會試三次薦卷兩次堂備未售丙戌挑選  
分發山東歷任海豐新泰等縣知縣爲民興利除害視  
猶子然而剖決疑獄無不曲盡其情狀致仕歸里與族  
黨接中正和平一如未仕時至邑中弊政則往往爲當  
事指陳卽如隄工籤點董事胥吏緣此爲奸鄉民深受

### 監利縣志

### 卷之十

人物

三

其害乃首倡易局徵士之議官民皆蒙其福其他之培  
植士林者尤不勝述也子紹仁道光庚子翰林院庶吉  
士改戶部主事紹儀 以子紹仁貴誥封 大夫

游昌廷原名曰泮嘉慶庚申舉人甲戌進士榜下卽用  
選福建將樂知縣庶務具舉積弊一空分校鄉闈三次  
所取如侍御杜中士輩皆能有所建立時稱得人丁外  
艱回里微時朋好皆深致殷勤起復改授河南輝縣地  
廣民衆方期大展經綸又以丁內艱歸遂卒於家子學  
祺邑庠生

李文培字滄翼品行端方文章爾雅嘉慶丁卯鄉薦以



挑選官雲南祿豐縣及宣威州勤職愛民有古循良風  
道光乙酉鄉試分校得士十二人內有榜首寶埒後成  
進士歷官御史抗直敢言亦足見其識鑒

唐尙倬字雲津幼孤母廖氏青年矢節撫之成立倬幼  
甚聰慧學問尤勤以第一名遊泮旋食餼試必高等嘉  
慶辛酉鄉薦設教多年成就者眾其課徒文世多奉爲  
式挑選官江西上高瀘溪知縣蒞事精明而與聚勿施  
其誠求與慈母同清白自矢宦囊蕭然以病卒官得寅  
好資助子國賓始得扶櫬歸里國賓後官刑部主事  
蔡以傑字喬人早歲官江蘇丞簿督工海塘厥有成績

監利縣志

卷之十

人物

三

後改發湖南值獍狃蠢動之後權理武岡州事勞來安  
集各得其所而聽斷明決凡遇疑獄一鞫卽得其情通  
權達變於祖宗建父忱洵不愧繼武矣子忠洽國學孫  
厚梁邑庠

龔潤森字木民英姿卓犖氣概不凡與父傳猷正相似  
工詩在輦下諸公皆推之文豐瞻爽達尤長論事日未  
移晷草數千言立就犁然曲當人意道光乙酉拔貢官  
江蘇金壇丹徒等縣知縣辦理寶山海塘諸劇務深得  
上官意擢陞江甯同知旋請以知府用不幸早卒子紹  
金官湖南臬司獄



龔昌運字子貞樂山令傳徽之子其兄則江蘇候補知府潤森也昌運少孤力學補弟子員有聲省兄江表值夷警 廷命揚威將軍出師南征草平戎十策遮道上之弗見納援例就博士職選得鍾祥訓導咸豐壬子冬粵逆圍鄂旁郡邑盜起令尹李棟引籌戰守梟誅凶桀邑以靖督雲貴某公駐師襄陽運昌條破賊方略萬言上之亦不用甲寅賊遂蹂沔漢本路觀察羅公檄督鄉兵扼多寶灣賊自他道陷郢昌運分兵還救賊走城復羅公欲爲白大府使行令尹事昌運不可乃止乙卯賊愈熾郡守饒公造門問計乃爲

監利縣志

卷之十

人物

三

出募鄉兵得十餘萬激以大義皆可用又奉檄赴旁邑增募應者益多率之與軍門顏公會戰德安城下拔之與議功者不合僅晉銜至五品京山團卒有變太守檄往平之鍾祥圍卒亦變圍郡城昌運馳還厲聲責其眾曉以逆順眾立散走隨州趙邦璧倡亂昌運適外出乞餉郡爲賊襲陷疾馳還鄉兵聞昌運歸皆來會賊棄城走遂復之旋檄主安郡釐局以廉潔聞奏加內閣中書秩時方旱蝗昌運請緩征主兵者不樂忌者從而間之落職歸士庶送者泣如雨歸數年卒昌運喜爲詩格峻而骨道其官博士時得士民



心過於守令屢上牋記言兵事皆中機要性又廉介  
惟亢直不能取媚上官竟不得展其志子二紹瀛候  
選縣丞縑細邑庠生皆有雋才

唐國賓字穆門父尙倬以名孝廉官江西知縣賓隨之  
任父沒年甫成童扶櫬歸哀毀盡禮性聰穎慨然有  
大志努力青緇毫無宦習粗衣糲食泊如也二十列  
鬻宮三十中癸卯鄉試咸豐四年土匪猖獗賓邀同  
志興團練保護鄉邑甚得其力丙辰成進士授刑部  
主事謂可展布乃感時疾隕年人咸惜之

萬慶洋字南昫祖父世業詩書名列膠庠洋丕承先志

監利縣志

卷之十

人物

十四

不失其舊而才識卓犖於時務尤所深諳邑北鄉與  
江陵沔陽諸州縣鄰自乾隆末年至嘉慶初年北鄉  
諸垵爲瀆水所淹田無可耕民生莫保督憲汪視民  
饑溺由已適臨縣境洋投牒陳議於監利之福田寺  
沔陽之新隄修二石閘期以先年十月十五日開閘  
次年三月十五日閉閘新隄先開十日後閉十日併  
開新河引水急流督憲從其議遂以挽轉沉淪俾斯  
民各得其所學憲朱有懋著勤勞之旌子長源年幼  
拾芹甫冠卽逝著有芸香詩集孫作棟邑庠生  
易經魁字榮廷其父晟嘗拾遺金於田畔待其人予之



蓋時值饑歲合城坑丁從姻家借貸以營生者魁  
登嘉慶辛酉武榜而性耽書籍於今古成敗得失皆  
瞭如指掌饑歲多所調恤族黨有勞難無不爲排解  
之年七十四卒子遇盛邑庠生芝盛歲貢生

孫萬均字匡平幼穎力學十五遊泮十七食餼屢薦不  
售由廩貢補授蘄州訓導課士有方覺生鮑公愛其  
才擢陞四川潼川府經歷興利除弊歷署遂甯蓬溪  
等縣陞授昭化民頌以仁民愛士潔已勤公匾額後  
沒於官

朱家綬字印侯優增生父材哲以戶部郎中之任臺灣

監利縣志

卷之十

人物

三

綬隨侍其地多未開之產又海賊閒發上官委哲辦  
理而察綬材能出眾使佐其事功成保授五品職選  
任廣東大埔知縣邑居海濱而賊之過其境者每多  
所騷擾綬視事半載辦災辦防未有暇時及寇逼近  
縣城竭力拒之始遁積勞成疾遂卒以其忠勤奏請  
視知縣陣亡例議卹蒙諭旨如所請頒給卹典其  
子孫准予廕襲

段正信乾隆戊午亞元乙丑進士丙子選福建建甯鎮  
右營中軍守備調任臺灣城守營左軍守備陞雲南  
曲濬都閫未赴任甲申以年老告歸信膂力過人手



舉千勛精射法發無不中臨陣曾著奇功著有新纂射譜

段大雄乾隆庚寅恩科中式辛卯聯捷進士榜下選授福建桐山營守備陞江南徐州河標左營都閫戊申陞泰州遊擊兼理楊州遊擊歷陳兵民利弊爲舒制軍所器重癸丑提陞江南軍門中衛叅將時海賊入寇防禦上海有功迭膺保奏嘉慶丙寅入覲記名御屏 特授袁臨協鎮丁卯署理江西南贛等處總兵戊辰鎮守江西九江南瑞撫等處總兵 旨主試江西武鄉闈雄技藝出眾材能尤殊故無有僨事

監利縣志

卷之十

人物

美

而爵秩遞進

段大英乾隆壬申鄉魁聯捷進士時年十九乙酉考授湖北省堤塘乙巳考授駐京塘務府癸丑選授江南淮安衛掌印守備裁去漕務陋規以頭二幫困苦詳准減糧地方誦之承審四十八衛重案準情定法性明克允嘉慶庚申冬解組歸家居二十載冲和謙抑有儒者風甲戌重赴瓊林卒年八十七

朱肇泰字疎越俊偉光明有超羣軼類之概中乾隆庚午科武舉而不欲以勇力見長惟汲汲於學問尊禮名儒網羅載籍其行事亦無不主於大公也祖宗遺



業鄉里舊章皆能剖析詳明斟酌至當後人各隨其質文武兼肄子宣築增生孫鴻恩武舉惺哲邑庠生曾孫家拔恩貢家揆邑庠生

朱先植號厚村以兄先茂屢上公車姪材哲久任部員遂專家政而於民生利病甚悉邑江隄最重舊年官征民修歲簽董事吏胥因緣爲奸致有傾家破產者道光間紳耆呈請改爲民征民修邑侯因設土局請植經理相與剔舊習建新章閭邑人民得免董事之害植所居週城坑堤塏年久失修植倡首修築坑人德之爲人宅心寬厚持已清嚴孝友之性尤篤職衛

監利縣志

卷之十

人物

三

千總以姪材哲貴 封

子晉哲候選訓導

督修學宮歷久不懈今已竣事

蔡忠淇字萊泉公本名家子少遭孤露家遂中落然不挫其志益肆力於詩書得補博士弟子員值髮逆蹂躪楚省橫戈從戎嘗陷賊重圍中矢刃交加幾爲賊所獲出奇兵得免俘虜以搗賊有功都統魁公奏補江西安義縣下車後挫豪強撫柔良安邑俗健訟公受牘卽坐堂皇判決如流不淹時日循聲藉甚大府方且重用公惜縱情聲伎不自珍攝嬰疾遽卒士林惜之



李輝麟字濃村公少負奇氣不屑理經生業籍諸生後益權奇自喜豪蕩不羈軍門張公擊賊德安賊鋒銳甚大軍幾坐困公單騎入其幕府爲縱奇兵討猾虜嘗以數千衆破賊大股於萬山中十盪十決賊幾不支惜志驕輕敵不能爲戰備壑營壁中塗遇伏戈矛雨集猝不及防遂爲所殺惜哉

龔縑緗字星槎少有逸才不規規於繩尺爲文洗洋放恣非拘束如轅下駒者籍諸生後遭黔西餘孽未靖慨然有從軍之志隸唐公鄂生幕下治軍政司餽餉出廩入犒一切咸爲主之理軍書過勞驟嬰瘴疾遂

監利縣志

卷之十

人物

美

卒奏聞以補用知州加予卹典

蔡厚權字謹堂以監生援例補江西庫大使公素性寬厚故人有道江右者困資斧輒傾宦橐相贈以至潦倒貧宦饑寒下士咸賑恤之治喪歸里居二年將束裝復往江右忽感疾不起邑人惜之



文學

張勉洪武間國子生上幸學諸生以次講經史勉獨大獲獎賞祭酒題其名於柱以識之

府志

劉忠字良臣以文學著稱中宏治乙卯鄉試任四川資

縣知縣未幾歸隱長於詩著有禡坡集時甯藩聘不往繪採樵圖答之題曰婦囑夫兮夫轉聽採樵須放

擔頭輕昨宵雨過蒼苔濕莫向陰巖險處行果敗

舊縣

志柳亭詩話以此詩為婁妃作誤

夏文璧字廷珍正德丙子舉人好讀書至老不厭博聞強記學者多從質問澹於榮利絕意仕進著有東江

監利縣志

卷之十

人物

无

耄言諸集

府志

李桃字公植幼從父夢祥宦山東登泰山讀秦皇碑曉

起望滄溟日出題詩峭壁上峻絕不羣嘉靖乙卯舉

於鄉丁卯子元寶繼之並上公車而古學自命絕不

肯俛仰時趨甲戌續修邑乘事覈例嚴平居嘗揭澹

泊甯靜先憂後樂之語於座右

本舊縣志

李先芳字伯承又號北山嘉靖二十六年丁未進士縣

志府志選舉類於進士皆列其名而舉人未之及則

以會寄籍濮州也明史王世貞傳其所與遊者各為

標目有前五子後五子廣五子續五子末五子之稱



廣五子謂俞允文廬柁李先芳吳維岳歐大任先芳  
與世貞同年進士又共相結詩社故以列名其中著  
有讀詩私記二篇四庫全書提要與簡明錄皆載之  
言其所釋大抵多從毛鄭毛鄭有所難通則參之呂  
氏讀詩記嚴氏詩緝諸說蓋不專主一家者其官爲  
尙寶司卿非有繁劇之任旣擅詩名更畱心經義則  
其志趣自不同矣

本明史及四庫全書撮要

康樂字成仲乾州守棟之弟也沉酣實學從事經濟當  
時督學使田公頊試尙書義二首更與論六府問子  
房孔明優劣頃刻立就甲辰大旱野有餓殍貸金糴

### 監利縣志

#### 卷之十

人物

三

穀二百石賑宗族鄉黨人誦其義嘉靖丁酉舉於鄉  
而年方富生平著作頗多尤長於詩臨沒述懷云黃  
土文章空有淚百年誰識此心勞大概見焉矣

朱魁字履淳潁資博涉能取而歸諸雅正以薦厯歲薦  
任黃梅教諭與瞿慕川先生往復論議每加嘆服謂  
其學之有本

康礦字治之孝廉樂之孫也少而好學構樓聚書校讎  
其中靡間寒暑於制舉業稟經式雅每試輒首列居  
城中以雅裁倡率一時受業如憲副劉在朝孝廉李  
岱毓和平尹朱穆秀輩事業文章皆名擅一時數奇



不遇萬曆已酉場中擬元已得復失遂以明經終他  
著作甚富尤精於易著有譚易膚義

以上皆本  
舊縣志

王薦早擅才名與修荊州郡志文學崔得立歐陽明太  
史雷思需共結騷壇之盟垂四十餘年著作甚富

鄧維賓元緒湛理欬唾皆有韻致江左名流之雋也淹  
雅好讀書名擅辭壇且久讀哀民部公數章孝友之  
性藹然沁入心脾矣

夏起相家有藏書志存耽嗜以博探遐覽爲務邑中掌  
故備細編輯考定族譜自忠靖公暨東江延津公皆  
有次第云

監利縣志

卷之十

人物

三

李龍友字水修丰韻飄舉學問淹洽自少補弟子員食  
餼尤工辭賦樂府音律諧韻無差平生無一息作戚  
戚容晚年有集唐句及各詩文若干卷年七十餘卒  
劉中春字孟仁博學力行以明經令蒼梧之北流縣曰  
吾得棲遲勾漏師友葛洪足矣性方潔一介不取凡  
覬問上官悉取家所素蓄不以累民蒞邑數年擢通  
守以父良案年老致仕歸

張本豫號清野博學能文貢入成均試義命有自合正  
合之理爲王錫爵所識拔延訓子衡萬曆丙子舉北  
闈任塾江不數月歸著有綠斐軒集



劉如龍字震伯博聞強記十七補博士弟子祖良宋日  
課以十三經廿一史二十二入國學在四川建昌衛  
行都司斷事其地在漢爲越嶲郡獷悍難治如龍行  
潔性誠蠻俗感慕以母老致仕歸崇禎壬午孫懋夏  
奉公避地沔漢間舟中旅舍亦事著述喜讀易卒前  
夕猶溫易一過壽七十三

以上皆本  
舊縣志

李蓮隆號春倩才情宏濶倚馬數千言邑令符公昌祚  
杯酒間索秋月揚明輝古風衝口立就著九編十擇  
今文借箸卷集氣概岸異貧老以終

舊縣志

朱化穆號蘇菴明末諸生生三日而孤母王矢節撫之

### 監利縣志

#### 卷之十

人物

三

稍長博覽羣書工詩與華容黎耳庵嚴平子邑人劉  
畏庵相唱和著有月開園集

府志

鄧祖清字水臣幼補弟子員嫻詩文辭賦諸體咸備著  
作甚多有詩韻訂誤采月錄萬姓滙轉注篇晚年有  
典草各數萬言善書尤工篆隸自鐫圖章做古石刻  
俱極精研

周熙鎬字敬甫苦心研究博極典故歷試諸生八次冠  
軍舉天啟丁卯鄉試後庚辰會試闈中賞其文列爲  
房首袖其牘上之總裁偶匿重袂中覓之不見遂不  
獲第熙鎬亦以是年卒生平重節義喜文章慷慨有



大志下筆頃刻數千言雄偉不羣惜其年不永也以上皆舊縣志

曾選字德推性耽精潔篤志縹緗治書樓於宅左藏書萬卷友人題曰筆花樓萬曆乙卯中鄉試副榜大業未遂年四十二卒兄弟七人皆聲光藝林子文壽中康熙癸卯鄉試

劉起元字太始劉浩六世孫年十二連冠童子軍彝食餼以文名雅重郡邑中副榜者五科遊其門者多成時望著有凝露集五經纂註史記考略

羅朝傑字大千事親極孝及沒後有詩云父馨無粟非

監利縣志

卷之十

人物

三

人矣君卽有美如母何又座右銘云言行擬之古人則德業日進功名付之天命則妄想自消報應念及子孫則作事自不刻薄受盲慮及疾病則居心自能清淡惜年三十餘以秀才終後子本固中康熙丁卯鄉試以上皆本舊縣志

朱泰字履敬兄魁天資穎妙早擅文名泰負質不逮而勤於講習必期於得當始止遂以成名以天啟歲薦任黃州府訓導池州學正及慶元府教授課士勤敏文行兼曷經師人師兩足當之爲鄉飲大賓三次年八十三歲卒著有易學指南禮經撮要諸書泰舊志



劉懋彝字穉恭父諸生在京有學行年十二作玉蘭賦  
乞古逸書文鄉里傳觀以爲才順治辛卯與從兄懋  
夏同舉於鄉九上公車名滿都下竟不第過斷碑殘  
碣古蹟戰場必徘徊登望詩文喜秦漢摹沈宋常語  
子弟輩詩法曰今人多宗鍾譚其格纖靡純是晚唐  
然所選詩歸不可不爲法著有桂堂草從子青史康  
熙甲子舉人爲蘄州學正二十餘年遷九谿衛學教  
授府志參用縣志

戴羲字馭長天啟間由貢生授光祿寺署丞遷遼州同  
知乞養歸事母極孝敬國變後僑居白下日抄二十

### 監利縣志

#### 卷之十

人物

三

一史綴以論斷著有陶照軒集養餘月令詩經簡註  
等書府志湖北詩佩小傳參舊縣志

董政字宸極少入泮宮屢試高等邃於易理有澹園詩  
文集行世

柳逢新字元勻少穎異博通經史以文章名弟逢年亦  
少年大才同列諸生友愛篤至時有柳大被之稱新  
艱於嗣值弟早折撫其姪如已出年至六十連生四  
子曰黃曰藻曰邁曰蕙俱以冠軍入泮著有沼墨齋  
詩邁後登康熙庚午賢書考授知縣

羅朝偉字平子博洽淵茂擅文章之譽累試冠軍著詩



文若干卷順治戊子拔貢考授節推未赴

李星毓字月崖元實之孫逢時第六子少年遊泮食餼行文奇古不偶時蹊康熙壬子明經未仕而卒

朱重光字康侯博聞強記工詩善賦年十三補邑弟子

員著有周易講義樹園詩文諸稿子與禧食餼平江

曾遷字貞父年十二補弟子員屢試高等杜門著書絕

意世情性以課子姪為事凡著籍登賢書及明經諸

登仕籍者皆所手植子三鵬壽選拔考授知縣鸞壽

鶴壽俱庠生

以上皆本舊縣志

李尙隆順治丙戌鄉試第一名文運初開卽膺首選才

### 監利縣志

#### 卷之十

人物

三十五

華暴著人爭慕之其兄尙芳之子惟明亦膺順治丁卯鄉薦芳旣以德行著稱而弟若子皆力學攻文為邦家光則一邑風氣之關係乎此也尙隆貢舉考略註潛江籍惟明別註江陵籍貞元會合之際籍貫靡定要其本原自不可誣耳

朱悛字改之歲貢生學贍才雄縱筆所之無不如意而持身公正卓有儒者風範舌耕三十餘年廓先業而光大之積田至一千六百餘頃與弟恆惕均分毫無所私教諭王如玖廉正人也為其至契分關用印鈐記子作舟英年食餼文名藉甚不幸早卒孫循忠孝



行府志有傳

吳金字品三學務實得經史咸通而行文每自出機杼不肯寄人籬下康熙庚子湖廣鄉試中式十七名與鄭家任吳仕朝諸名流同榜主考惠士奇素以淹博稱一見其文特加奇賞列諸高魁針芥之投非偶然矣後乾隆時修府志於仕朝則曰力學工文而於金則曰學問淵博爲士林望云

吳仕朝字光廷潛心務學於聖賢微言大義實能得其旨要所存故見諸制義凡所闡發無不體會入微而能以文載道康熙庚子與吳金鄭家任同舉於鄉金

監利縣志

卷之十

人物

三十六

以經術勝家任以才華勝仕朝則以理學勝如鼎三足不能相軒輊亦足見一時人文之盛云

朱衣點字應時邑社信德之裔工於制藝爲諸生時其文便已流播雍正甲辰與龔杲楊洋劉德新羅傑芳同膺鄉薦諸人皆一時之雋衣點尤擅文名官太倉州州同戢奸安良民深賴之

胡象龍字占六負才奇偉不受羈勒詩文皆瀟灑自如有陶靖節蘇玉局之風嘗於黃鶴樓賦詩爲 中丞所資賞目以才子惜老於諸生不克和聲鳴盛耳

董廷光苦心績學近鄰朱翁每聞其讀書聲輒嘆羨以



語其子庠生佩蘭謂如此人者必無不發遊泮後然鄉薦後猶然果成進士人以為美談任武昌教授一以其所學者課士必求有實得焉為人中正和平矜躁悉化至今子孫猶食其澤

朱璣字煥廷歲貢生承曾祖秦之遺緒鑽研羣籍得其要旨著有讀書一貫解又務以寬厚守祖訓其弟玟嘗於所濬大池上建菴施茶以濟行路皆璣成之也今改名鴻雪

易大鵬字搏萬雍正丙午舉人自漢以尊經立學官後之取士者遂師其意應試之士令各習一經大鵬丙

監利縣志

卷之十

人物

三

午在闈獨作五經文榜發已列在副車奉 旨列正榜以勵經學至乾隆癸丑會試奉 旨以五經並試永著為令此固 聖代昌明經學之意未始不於大鵬啟其機也

胡履鵬潛心宋儒之學能得其要旨雍正壬子舉於鄉其文精深淵雅一本所學為人性情恬淡不慕榮華從遊之士甚眾訓課有方不問而知為其弟子也

朱任宏邑庠生博學強記著有河圖詳說性理要說中

虛實說魯論例說南華正說諸說

府志

連山應字伊茹家貧力不能從師出入市門嘗執經自



課晚而學成年三十補邑諸生雍正壬子舉於鄉所  
著有四書詩經全然錄諸書生平友悌束修之人與  
兄弟共之屢上公車不第卒

府志

朱盛江字禹奠少以奇童稱乾隆辛酉舉於鄉次年成  
進士選庶吉士不三歲感疾卒於京邸年僅二十有  
八盛江資純氣清長身玉立容止可觀制藝英麗閎  
偉超邁絕倫鄉試出陳勾山先生門下會試又出其  
房沈澁相感如此居館下其學日進方行萬里出門  
而車軸折人以是惜之

府志

謝光天  
天才亮特迴絕等倫髫年遊泮第一試文之工

監利縣志

卷之十

人物

美

傳誦幾徧未弱冠膺鄉薦時爲乾隆甲子科及戊辰  
遂成進士同年朱石君相國亦心異之乃銓選浙江  
知縣到任未幾承辦大差不能盡如上官意鬱鬱以  
卒其科名與朱盛江相接早達早亡亦似之而所遇  
不幸則更甚矣

羅芝芳字名山家世業農芝芳挺然崛起英才偉筆罕  
與爲儔少年食餼膠庠試輒高等乾隆庚午辛未聯  
捷進士未及仕卒其人其遇皆與朱盛江謝光鍾同  
連世讓字儒士博聞強識穎悟過人雖芹且未拾而邑  
中之顯達者罕與爲匹也乾隆二十二年修荊州府



志時總裁爲道憲蕭山來公府憲吳縣葉公二公皆名儒循吏其所聘纂修者則錢塘貢生施廷樞全太史祖望經史問答卷十有云太學生施廷樞善考古茲云貢生猶太學生也全公博雅超出一世乃特稱之來葉二公聘請纂修志書可謂知人善任矣而世讓以儒士亦與分校之事則學識之邁眾可知也志書之流傳者多如荊州府志之精核簡嚴未嘗他見雖施公之力世讓亦或與有勞焉而來葉二公不拘皮貌猶足深人景慕云世讓丙午赴省試泊京口聞婦人哭甚哀詢知其夫負債鬻妻以償卽出數十金

監利縣志

卷之十

人物

三九

予之夫婦如初請世讓姓名笑而不言

楊尙權字應平邑增生承父志治之傳書法宗仰二王一時名手皆爲避舍其摘錄羣籍名曰鼎鑿棄瑕取瑜亦非率爾操觚也子二繼煥繼魯皆能紹其業煥嘉慶辛酉拔貢寶錄館議敘任雲夢黃梅教諭陞宜昌府教授質性爽直訓課精勤魯癸酉拔貢書法道勁擅鐵畫銀鉤之勝爲學使鮑覺生所深賞充八旗官學教習未及外任卒自魯卒後煥撫諸孤如已出皆賴以成立孫之連附貢訓導之杰邑庠鍾麟拔貢李玉擢字雲巖品行高潔迥超時趨雖兄玉樹玉藻皆



居顯宦而淡泊是安雅不欲取脂膏自潤承父文靖之傳學務正大旁門曲徑非所尚也終於諸生未獲與兩兄同獲科名而成就後學爲多邑中之登科者亦往往出其門子楷國學模廩生孫懋烈邑庠懋熊廩生

裴植厚字

質敏學優文筆變化因心能兼前賢之

長歲科試屢次冠軍名震一時年六十始膺鄉薦制藝流傳甚夥後人多俎豆奉之

夏澈字亮才勤於學問才華亦富每應歲科試多居前

列嘗與江陵御史魯贊元相後先困於棘闈未之遇

監利縣志

卷之十

人物

四

也乾隆癸酉已考取拔貢三院會試中丞嫌其貌未愜意爲黜之丙子仍考授歲貢生然文名至今不衰

萬三英字象才學博識高名流皆重之乾隆戊子與李元輔同舉於鄉邑人羣相慶幸以爲如萬三英方不愧科名龔慎徽有詩贈之云幾抱齊門瑟空吹漢閣煙荆瑜終爾剖郢曲更誰賢惜年已半百方得一第又以家寒艱於進取遂致有負所學云

朱正常字

高才偉識於漢儒經學宋儒理學皆能

有以會通其旨每應學使試多冠軍所傳之文世競



誦之乾隆庚寅以拔貢舉鄉試第一主考李文園甚加器重然年已老矣勉上公車恩賜檢討遂以是終王垂泰字持守謹嚴文章秀拔乾隆甲午舉於鄉家不甚豐於外事一無所干誘掖後進最爲婉摯詩筆亦旨遠情深得風人之旨

黃光大字小菴性情曠達文章淹博年未及冠卽采芹旋食餼屢薦未售聲聞四溢每歲科試學使多面稱之詩文多見選刻同邑龔慎徽名儒也嘗爲題贊云昔之幼也江夏無雙今之壯也翹楚吾邦豪乎詩與酒傾一石而擅八斗張目而論古今之臧否人皆謂

監利縣志

卷之十

人物

聖

之狂生我固求此畏友

朱厚銘字自新歲貢生學問淵深於經史及宋儒之書皆能融貫爲人敦忠履信一出以誠其訓及門課藝之餘兼勗以行嘗語之曰儉可助廉靜可養壽勤可立事公可平情則猶不失古聖賢之遺意

王錫瑾字

品端學優有儒者風度行文亦從容大

雅不涉小家乾隆丙午中式五名設教於鄉歷有年所訓誨必盡其誠於寒士玉成尤切子嘉緇道光辛巳舉人官孝感教諭文行與父皆相肖孫名煌同治壬戌舉人



李金鼇字元齋其兄金相已於乾隆癸卯登賢書鼇復於嘉慶戊午列鄉薦爲人和平簡易毫無矜張當其在家課徒養根竢實亦惟前賢之法是遵及選授荆門州學正課士勤敏不敢稍有怠荒而督修文廟學署龍泉書院并文運等橋公正無私人皆諒之子子儀增貢生

吳世蘭字

樸實無華而志專於學窮經玩史味道

之腴乾隆丙午舉於鄉年已非少至嘉慶辛酉成進士則鬚眉皓白居然老叟矣已得酬稽古之勤知縣令理繁治劇非其所能遂降就教職任鄖陽府教授

監利縣志

卷之十

人物

望

課士不尙新異亦不同拘迂惟中正是歸焉

唐德玉字崑圃天姿穎異未嘗拘拘於章句而挹取精華雖窮年績學未之或先也爲文操筆立成無不如意髫年遊泮甫冠食餼歲科試多前列文之外律賦尤邀特賞初頤園學使至以元微之相擬乾隆乙卯鄉薦第四墨藝世多傳誦歷任建始黃岡教諭著有制義稿

周廷勳字贊元父朝盛邑庠生以訓課爲世業勳學優養粹所作文風度於張素存相國爲近嘉慶辛酉舉於鄉戊辰會試登高魁闡藝世多誦習後補國子監



丞以病卒於京子鳳誥道光乙未應試北闈中式十八名工制藝惜早卒

任承昉字性嗜讀書未嘗一時釋手偶爾他往稍有暇晷卽誦習靡倦也其於書中義理與其字句蓋有研精覈微者矣爲諸生時所傳試文經籍之光爛然嘉慶庚申中湖北鄉試七名主考劉金門黃仲民深加嘆賞以舊有癆疾不數年遂卒

郭時望字積學窮理於前賢緒言文律實有獨得之處爲諸生早冠軍食餼文名與任承昉唐尙倬相埒嘉慶癸酉鄉薦名次不甚高闈墨之傳世皆以爲

監利縣志

卷之十

人物

三

是科鮮有其比爲人斂華就實如渾金璞玉後學多奉爲典型焉

劉依德字體仁苦志讀書不甘人下昔明唐臯題漁翁網魚圖有詩云一網復一網終有一網得笑煞無網人臨淵空嘆息依德揭於窗中嘗取以自勵與任承昉居址相近共務爲窮經之學靡有間斷嘉慶戊午中湖北鄉試副榜庚申又中副榜卽與任承昉同科遂赴京考取教習以知縣用告降選穀城教諭其所以課士者亦卽本已之所學云

王嘉暄字暘時甫經拾芹卽中副車爲人樸實和諧喜



於引掖後進每談論文藝輒反復詳明娓娓不倦聞者皆爲心悅子名沂字春泉廩膳生姿性明悟才華邁倫凡有所作皆能自出機杼不蹈常蹊一時名手皆爲折服惜其長轡未騁而蘭玉早彫也

王錫璜字

乾隆丁酉選拔天姿開爽存心忠厚江

陵進士鄭若璜其妹丈也嘗與共相講習爲人亦相似扶掖寒士不惜貲財藉其成就者多官巴東教諭捐費修理學宮士亦爭自濯摩風俗爲之一新

鄒嶧賢字叔愚歲貢生博聞強記驅遣從心嘗應試作拔茅連茹賦胡豫堂學使賞其屬對之巧作燕雁代

監利縣志

卷之十

人物

四

飛賦吳白華學使賞其配合之工名大振與江陵劉士璋並稱其爲人清謹自守無有瑕疵年老無子繼姪兆蘭邑庠生品端學勤亦早卒

鄧銘字極菴歲貢生少時讀書不爲敏捷後乃積學有得遂穎悟頓開先儒之書能探其旨趣論文則法守先民而變化因心一掃陳腐之習從遊者甚眾雖質分高下不同要其歸於正途則一也子廉如邑庠

羅慶懋字澡亭質敏學勤其爲文清華之氣盎然紙上不涉浮濫亦不蹈寒瘦甫冠卽食餼膠庠冠軍亦多次合郡之士皆相欽仰焉年逾五十始叨鄉薦其仕



宦之心甚淡勤於教誨從遊者眾性本好學卽以是爲樂而終其身

蔡以倬字卓人天資學力俱高凡所作文不論何體皆高華典貴光采照人雖徐庾不是過也爲諸生每應試必冠軍時藝詩賦人皆珍若拱璧其雜體詩瑰麗豐碩所爲樂府多奇逸豪放之作頗與陳其年蔣荅生相近道光丙子舉於鄉已卯成進士將謁選未治裝而卒

蔡以儻字魯瞻學有根柢文無浮華平生所宗仰者李安溪相國方望溪侍郎其著作亦與之近蓋不徒求

監利縣志

卷之十

人物

十一

肖於形貌矣道光乙酉鄉薦第三實至名應理固不爽也甫得第卽丁父艱服未滿遂卒子忠淇邑庠生以軍功官江西知縣弟以僂負才奇偉爲時所驚服唐公樹義爲刻季舉遺集行世

朱崑字桂林爲諸生時所業制藝最工日占十數首沛若有餘已益精研經訓服膺宋五子家言又得李安溪遺書尤好之中歲以後息意秋賦博覽子史傳記窮日夜披閱自力過人數行並下至暮年溺苦尤甚皆能默識博而有要尤善持論往往破的性亢直不肯唯阿諧俗交遊鄉黨多嚴憚之然亦服其無私少



卽食貧以授徒自給教人必窮經力行爲先遊其門者始知從事於根柢修人所餘皆市書籍或坐書肆手卷紬繹日昃忘歸其篤嗜若此邑乘纂輯半出其手年八十九卒子公望歲貢生孫詩正邑庠生亦淹洽有祖風

潘學植字芷裳天資英邁學問宏深於文諸體皆工王霞九學使嘗以全才目之道光丁酉由副榜列高魁墨藝爲時傳誦主講公安書院於士兼勗以文行及館於江陵鄧氏子弟多所成就其踵門請業者尤衆無不各洽其意生平竭盡孝友人無間言其待朋好

監利縣志

卷之十

人物

四

懇切周至視之一與已同年逾四十始得一第甫及立旬遂卒經世之才未能稍展爲士林所深惜著有欲然堂詩稿行世他文待梓 子宗質宗籌炳道俱邑庠生

劉觀海字漱六好古力學於諸經及諸秘書無不悉心搜討而有以窮其源委爲文古博淵雅當應歲科試學使多所驚嘆及嘉慶甲子鄉試闈中得其卷相與傳觀謂何博洽乃爾也時文體多趨浮滑幾於日未見書矯其弊者又多所抄襲若庚申之任承昉與劉觀海乃是真好讀書者



朱導泰號致菴力學篤行隱居不仕邑侯曾公倫嘗聘至署談吟累日送別階前請題石獸有曰露爪張牙狐兔潛踪可以想其風矣著有荆竹園集

朱仁政號南臺明歲薦出身導泰元孫性恬淡不樂仕進建東風亭於河干詩酒自娛太守何公造廬而訪勸之仕辭曰吾不爲五斗折腰也何贈以亭聯云阡陌彌延朱氏江頭家第一箕裘累葉東風亭上客三千

朱偉儒字聖臣邑庠生品端學優每登樓講約旁引曲喻議論風生人以張緒擬之

監利縣志

卷之十

人物

四七

朱旭任字方昇性質樸地方義舉知無不爲素爲里黨推服有爭鬪者得旭任片語卽解乾隆初舉鄉介以布衣辭不就壽八十一而終

朱啟堂字肯菴嘉慶己卯科恩貢力學篤行尤善啟迪後學屢薦不售後任南漳教諭年九十三而卒

常錫侯字用康道光戊戌正貢就訓導職少聰穎性嗜學家貧無以自給母及妻勤紡績以供膏火由是錫侯得肆力於文章辭賦旁及星相醫卜無不精曉生平端方自持所交遊皆名下士於及門亦多成就年七十餘以明經終子惺哲孫修蘭邑庠生



吳國珍號海臣一號南亭居士性質樸寡言笑平易坦  
白賢愚咸樂近之弱冠失怙母連孺人勤紡織以勗  
學國珍體志刻勵遊泮食餼爲荆郡名諸生教授生  
徒必就模範得拾青紫者累累方伯胡公蓮舫其著  
也性至孝常以不克侍慈幃爲憂每述北堂勤勞未  
嘗不泣淚下生平學業品望一歸純粹善行草秀勁  
蒼老學右軍而得其神似鄉市多寶之年六十六而  
卒

胡以琳字瑞菴國學生父鳳國勤儉持家寬仁處世自  
奉約利物濟人不少怠一時有長者之稱琳與伯兄

監利縣志

卷之十

人物

吳

以松繼志述事承其緒而廓大之家日以昌友愛最  
篤雖食指浩繁垂老不忍分析子姓二十餘人因材  
器使各有專業皆循循禮法無執袴習家政肅雍克  
紹義門遺型其樂善好施敦行不倦卹有困乏則開  
之貧艱嫁娶則助之大而隄防宗祠廟宇細及橋梁  
道路或獨力成之或捐貲完之鎮有書院本作育人  
材地久爲強橫所踞端士裹足公力反之重加修葺  
創建奎文閣以作士氣而振文風集設賓興大小試  
皆有餽遺寒畯賴之道光辛卯邑大水民饑甚亡賴  
者環富室強丐貸將肆攘奪厥勢洶洶公捐千金助



賑爲之倡眾乃靖宰欲籍亡賴姓名懲之公卒不舉  
賴以存活者無算次歲饑且疫道殣相望公施藥及  
糲創叢塚收露骨并恤暴亡者之孤寡陰行善事甚  
多遇荒歉尤果公沈毅寡言凡有雀角紛拏得公片  
言卽解課子姪讀義方綦嚴尊師親友情文備至聞  
遠方有績學鴻儒必令子姪執贄擔簦就正有道其  
屬望者深矣跡公生平行修於內義周於外不必高  
談聖賢而自與聖賢之道合焉子六孫過元愷長子  
大任道光甲午舉人戊戌進士授職禮部主客司主  
事遷祠祭司員外郎以勳靖亂功

監利縣志

卷之十

人物

四九

記名四品京堂遇缺題奏

賞戴花翎累官內閣侍讀學士河南提刑按察使山西承  
宣布政使晉藩任內以捍禦保城功撫丞上其事欽  
奉

特旨准予二品封典

誥贈三代公祖爲貴贈通奉大夫父鳳國以中憲晉贈通  
奉大夫公歷封奉政初議中憲晉贈爲通奉大夫



段家麒字芝田賦性聰穎幼有神童之稱而器量宏深使人見之鄙吝之心皆去甫及冠遊泮食餼每試必列高等文非爲郊寒之體中正和雅自與時宜而屢薦不售卒以歲貢終然誨人有方於後學多所成就著有十三經經邪八十卷

朱世颺字殿芳德性溫雅風姿端凝沈潛於宋五子之書而行文則自出心裁神明於法度之中訓課多年遠近皆喜從之遊其所成就者甚多嘉慶庚申以明經授遠安訓導課士有法人咸稱之

楊繼瑩字琇山歲貢生天姿俊潔學業賅通少爲諸生

監利縣志

卷之十

人物

五十

冠軍食餼試輒高等鄉試房薦數次未售設教數十年遊其門者皆得所成就現年躋九秩部選黃梅訓導著有守默齋文集

夏永椿字森浦作文不苟同人詩賦尤長采芹食餼皆得力焉設教有年課程嚴肅事繼母能盡孝道其介節自守猶不愧儒行焉

周名英字居北垵潁水之鄉未能常應鄉試嘉慶丙子乃以遭水之故生徒散去戚友相與資助遂得應試登科爲學守前人之緒稟經酌雅必趨正大若旁門曲徑非其所安也爲人亦然



高登榜字裴欽少年府試冠軍爲李郡伯所深契以其名登榜戲語爲日後科名之兆嘉慶辛巳鄉薦訓迪後進崇尚正軌時俗輕佻之習不使干之爲人性情肫誠持守嚴謹鄉閭恆取法焉

王穎川字

敦忠秉信博學多能嘉慶己卯鄉薦挑

選蒲圻教諭殷勤啟牖士皆爭自濯摩一矯故習致仕歸優游林泉與人言孝弟言仁義閭里翕然宗之精於醫理有遘疾求醫者貧富一無所吝

朱材哲字丹圃公爲先茂之子少英警爲兒童出語已驚其長老又有名父啟迪朝夕琢磨遂得成進士入

監利縣志

卷之十

人物

十一

詞垣邑中步金門者朱盛江後次推公又係同姓邑中人人詫異改官部曹期滿補臺灣同知臺灣故鄭成功地其民狃於餘習刁悍喜亂咸豐間土寇蠡起出沒縱橫公用奇計擒其渠魁而爲所脅從者多方調劑曲意招徠公素爲政寬厚有循良聲故聞其勸諭者咸投戈就撫以勦辦有功大府奏聞補臺灣知府加道銜解組後優遊林泉與里中故老相往來霽月光輝人人欽佩公亦可爲完人矣

龔經棻字古香公少負質間靜賓客滿座談論風生公嘿然無一語或發語輒中肯見者以是知其非常人



書法甚工端莊流麗幾出入兩文敏間上自公卿下至賈豎得其寸楮片紙咸寶貴之書名震一時人咸爲登大魁躋要秩特指顧間事耳以館穀營生應山西某羔雁之聘聞關萬里一疾彌留遂至卒於其所士林聞者莫不惋惜焉公以技貢中順天己未鄉試龔紹仁字九曾荷澤令經這子也少英邁弱冠舉於鄉旋捷南宮選庶常散館改戶部主事不樂處卽署假歸乃息意仕進沉酣古籍盡發之於詩歌資稟絕人益以覃思深造上溯風騷下迄杜韓凡有作務殫其思之所能鉤致力之所能追躡奧衍閎深瑰麗雄鶩

監利縣志

卷之十

人物

三十一

必與古人貌合神肖然後出之意乃大愜於輩流中少所許可狹其體格或不一盼睨其刻意如此他撰著未哀錄獨梓其詩事親孝與弟紹儀友愛最摯以文章相師友卒時年五十餘耳

萬代字小岩其家素好義舉捐有洲田爲書院膏火之資代由廩貢任博士官歷署孝感大冶穀城及安陸府等處其間購補殘書修理樂器皆捐已俸爲之而課士之法一本湖州遺規務使學爲有本之學才爲有用之才士人以儒宗正軌推焉

郭譜號南村少喜聚書治圃築室羅致花竹不樂進取



喜吟詩尤嗜淵明集章仿而句範之久乃汜覽唐宋  
至國朝諸家以精刻警鍊爲宗性簡澹恬逸遇高  
人勝士舉觴聯吟窮日夕不少倦長吏聞其才名欲  
一見之卽鑿坏而遁其高節如此嘗有南村詩鈔子  
尚基邑庠生尚芝儒士均有詩行世孫鳴寔候選訓  
導

監利縣志

卷之十

人物

三



孝行

林瑞枝曰孝為百行之原舜稱大孝武王周公稱達孝是其為道大而難盡也古來求忠臣必於孝子之門蓋孝非特修齊之本亦即治平之始基也詎易以之立名乎顧善善從長舉其人以風之亦以勵將來者王佐字公弼伯玉曾孫永樂辛丑進士授行人晉戶部員外郎迎其母母曰吾老矣不能從子走四方也佐曰兒奈何以一官棄母遂乞終養府志本通志

任倫字秉葵初為道士與劉魁友善魁勸就儒從之膺永樂甲午鄉薦辛丑成進士授四川道監察御史臺

監利縣志

卷之十

人物孝行

一

中有聲尋以母老乞養改南陵教諭量移撫州教授劉祥邑庠生父魁大足訓導卒祥哀毀不欲生廬墓三年母卒執喪廬墓與父同楚紀府志

程鳳少為驛卒未嘗知書每聞人道孝順事輒淚下嘗割股愈母楚記府志

胡宏中天順壬午鄉試授甯波府通判年十三執父喪哀毀骨立致政後進事王父母以孝聞舊縣志

王多祐字君常庚午孝廉國寶嗣子博學篤行事嗣母以孝聞子母相依四十餘年如一日人無間言母死哀毀骨立幾至滅性子承宗順治甲午歲貢考授通



判以母年高不仕 舊志

謝選字蓬瀛生平孝友忠信壯歲以文名弟璉及道皆承學焉甫及貢而卒道字君履萬歷壬子與兄璉同舉於鄉璉爲國致身母春秋高道朝夕奉養不仕以終 府志

宋學古明化治間人事父母以孝稱尤篤同氣其異母兄以雇工殺人株連坐死罪學古詣縣自承令得其情仍坐兄罪請以身代令亦不許古晝夜泣於庭二日令感其誠爲之申詳釋兄罪居鄉有爭訟者每捐貲爲之解釋窮獨者隨時賙卹沒後里人爲立木主

監利縣志

卷之十

人物孝行

二

歲祀於社

吳文明邑增生事母郭氏至孝妻偶違母顏遂出之母病嘗糞及卒廬於墓悲號數年至今墓草不蕃人稱

孝感 通志

夏文忠割股愈母疾 通志

府志

蔡鈞割股救親院司旌表 通志

府志

黃家瑞年十三割股療母母愈遂精治醫術其後母卒廬墓悲號數年至今墓草不蕃

何仰吾原姓歐陽父病嘔吐仰吾割股以進卽愈三年復病再割股再愈母病亦割股其效亦如之邑侯陸



公昌旌其門曰孝可通天

通志府志

吳煥父學閔病煥割股與妻董和羹以進父獲痊後卒

竭力殯葬祭奠哀敬五十年如一日

通志府志

朱循忠邑社信德之裔祖悛歲貢生父作舟廩膳生皆

擅文名循忠年十六父沒母旋患風痺疾奉湯藥六

年無一日怠家人不戒於火夜半倉猝盡室竄走循

忠自烈燄中抉門入負母并攜女弟以出體無完膚

越二日卒雍正十三年以孝行奉旨建坊今猶存

府志

謝嶷年十二父病割股療之邑令給匾表其門曰孺慕

監利縣志

卷之十

人物孝行

三

可風

湖廣通志

楊彩事親篤孝嘗割股以療母疾

湖廣通志

王希堯割股以愈父病邑令給匾獎之

湖廣通志

郝士奇邑諸生父母沒前後廬墓六年

生員周學儒性至孝在家聞親之聲見親之影無不起

立致敬父母歿俱廬墓三年學使王給匾獎之

劉德寬有孝行父母在日嘗於夜靜焚香一炷跪庭前

為親祈壽香盡乃起父母病躬侍湯藥雖歷久不解

衣而寢其夜靜焚香更虔親沒後號泣盡禮長子青

選歲貢



朱正芳邑諸生孝友性篤其子大哲大呂大占友愛數十載無間言父年八十患手足痿痺兄弟三人左右扶持衣不解帶父歿泣血廬墓三年每遇忌日設祭盡誠僉曰孝子之後復生孝子宜哉

孫光科嘉慶十八年父病割股以進父獲瘳里人稱曰孫孝子

左良發性至孝道光二十九年母羅氏病篤遍求良醫不效泣禱於神割左股一縷合脉肉以進母病復痊次年里人欲問之於官良發痛哭曰此豈仁人君子所願聞哉以父母之身還之父母固有不得已者耳

監利縣志

卷之十

人物孝行

四

乃立辭

劉正宗年十四母病篤飲泣默禱願以身代伺夜半人靜引刀割左股以進母病旋瘳邑侯給匾獎之

姜永鴻諸生父死歡粥泣血夜卧靈前三年事母值歲荒百里負米養親母死亦歡粥泣血卧靈前三年里人稱爲真孝子

劉開泰幼孤母善病泰茹素爲母祈禱二年無驗泰私割肝以進母宿疴頓消體復康健人以爲誠感

朱哲興農人也孝性最摯母病危默禱祖先割股以進母病痊有司給匾獎之



楊宏秀陳氏子也性至孝母病在牀褥竭力調治晝夜不解帶而母病未瘥秀割股以進頓愈

李廷珍母病篤割股和藥以進病獲痊學使方給匾獎之

朱裕珪字介卿諸生性醇謹家貧盡孝侍母病未嘗解帶咸豐四年奉母避賊頃刻不離母旁孺慕之忱鄉黨傳誦

易履俊備力養母自啖粗糲奉母則必精潔母王氏年逾七十患筋骨疼手足拳曲舉動須人而又不時呼喚命之撫摩後日夜勞瘁不使人代七載有餘咸豐

監利縣志

卷之十

人物孝行

五

十年巡撫胡給匾表閭

李鍾麟字玉書監生性孝父患癰三年麟晝夜不離飲食親操椀杓以口進之若反哺者然雖痰涎齶喘不憚焉眠同牀汗染枕席麟起易之夜夜如是三年不入閨闈時少子患痘麟於門外視之而已父沒靈前寢苦枕塊盡哀三年

王安國監生性至孝生母沒事嫡母倍至母晚年忽得惡疾臭汗難近安國獨晝夜不離煎湯親洗夜夢神令以花露洗之月餘竟痊

黃功略頗讀書父疾篤割股肉和藥以進遂愈邑侯爲



旌其門

連春亭七歲失怙母病二載繞牀而泣宗族咸稱此子孝及長人有質田不能贖者出錢助之清明登墓聞人言其祖葬華容青竹溝塚迷已久急往訪之未獲夜宿溝邊哀感吟云半睡半醒難就夢愴聽鷄唱五更頭詰旦有老人告其處倏不見人以爲誠感瞿儒萬少失怙母性嚴不如意卽恚曲意順承凡母命所及與母志所存靡不體會人微得其歡心友愛諸弟母顧而色喜數十年不聞譴訶聲學使朱給匾獎之

監利縣志

卷之十

人物孝行

六

連棹勲世讓子諸生族有嚮妻者畀金與之人謂其有父風嘉慶己巳父疾革默禱天地割股和藥以進父飲而愈咸呼爲連孝子

常本教嘉慶十五年父染重疾醫藥罔效忽奉湯告父曰飲此卽痊數咽頓愈閱數月見左股痕乃知本教割股也

連世仕事母盡孝道光九年母忽病沉市遠醫藥難驟得乃與妻董氏爭割股啖母母尋瘳族里咨嗟贈孝結同緣匾額世仕卻不受曰吾非爲名也

陳封時有孝行道光壬辰春大疫其父病垂斃遂割股



肉烹以進父病旋愈

連方遠家貧孝養道光八年母病逾月不脫衣帶求良醫未獲乃割股療母旋愈

甯本禎力田孝養咸豐八年嗣父病篤湯藥無效父以子非已出寬之楨自咎曰爲人子者爲人後父病不痊子之罪也乃虔誠默禱割股啖父卽瘳

劉炳文諸生事母盡孝母獲癱疾親侍湯藥數年不入內寢母沒哀毀骨立爲人謙恕待子孫無厲色而門庭整肅年八十餘卒

段大臨乾隆甲午武舉仕江西九江衛後回籍養親乙

監利縣志

卷之十

人物孝行

七

卯年父患足疾左右侍奉衣不解帶者數月

宋守容父病弱疾割股肉以進病旋愈

丁宗榮母病風疾七年未離牀褥宗榮傭力供母自餓者屢日夜不解帶負母上下從無倦容

劉廸後有孝行同治二年父病篤汗涇被褥醫藥無效幾不生廸後於正月十二日三更跪稟家神割左臂煎湯服之病旋瘳割臂時有拾薪人自門外望之見有大神金光閃爍遂驚走不知吉神之呵護也

徐富春有孝行與妻張氏捕魚爲業父年四十患風癱夫妻曲盡孝養有年張氏亡僅遺一女值歲荒顧父



病卽捕魚亦不能遠離隨時伺候近五十年父嘗三五日不進飲食富春移牀近父衣帶不解探父氣息曲盡調護如此者四五年父壽九十餘乃歿然富春祇撫一女竟乏嗣

王全棟字國樑乾隆辛亥歲母病侍湯藥衣不解帶旬餘未瘳夜靜禱祝割股肉和藥以進母旋愈

生員彭文元字西園每逢父母生忌辰與已生日不飲酒不茹葷不與親友弔慶過先人墓必起敬其行誼有過人者

高登第字士心節婦李氏之子母有宿疾嘗苦燥每雞

監利縣志

卷之十

人物孝行

八

鳴親往市中調滑甘以進雖嚴寒盛雪勿問也家貧奉母必精潔當暑母坐而進食侍側揮扇寒夜必溫席或夜分欬嗽卽起立侍側親調湯藥不復就寢母偶有不樂卽婉容問所欲數十年如一日人欲白其孝力辭之議遂寢年七十卒

謝光巖年甫十二值父病危割股進父旋愈邑侯李申詳給匾獎之

朱學道道光壬辰年母病疫垂危變產屋設法調護母幸得痊家計愈窘飲食必親奉步履必親扶咸豐初母已八旬病久不起道親奉湯藥晝則惟依母榻夜



則爲母盥濯垢衣晨昏焚香爲母祈壽歷久無倦容  
蓋自壬辰至癸未二十八年誠篤如一日也

高登元貢生至性過人親沒廬墓三年捐義田五十畝  
濟族中貧苦

董祖鴻母劉氏病危焚香禱神割肝和羹以進母旋愈  
猶力作創亦旋合其痕當心窩下約長二寸許

吳星六母弟二人母亡父繼娶歐陽氏以孤人率二弟  
兄事之後析爨亦以家財四分妻彭氏後母遇之無  
恩事之惟謹母亦感悟善遇之

尹天崑咸豐十年割肝愈母病

監利縣志

卷之十

人物孝行

生員李炳遠

學冊註孝

王能勲道光己丑年割股愈母病

劉起珩節婦岳氏之子

李詩美割股愈父疾

府志孝義傳後書監利八十八人名未載實事或當時  
採訪未詳或其人見在而又不忍沒其名氏今相距  
百餘歲事實愈不可考仍類載其名

朱國柱

上林苑丞

游翼龍

教諭 裴植厚

舉人

曾紀常

知縣

龔承勛

王其績

俱訓導

戴南泉

蔡士蓋

夏士英

夏以清

曾紀章



孫應龍 孫瑛俱貢生 孫文炳縣丞 楊勸聖

朱溪 羅介才 李學清 龔家駿俱監生

王蔚生員 諸封中憲大夫 龔鼎遇 李茂蘭 戴僭

宋世純 宋士相 馬上遴 李琛 朱胥

孫文起 李本純 夏廷望 張之佐 胡應賢

朱祖悅 吳居拔 朱開略 王鴻儒 穆應亨

曾紀年 張其佐 王學鵬俱生員 鄒聖朝

余俸 王顯祚 姜遷 胡漢 羅朝安

傅萬鎰 劉鴻磐 鄒世則 董洪朝 張浚

戴惟宗 鄒士其 張其芳 高瀛 朱日薰

監利縣志 卷之十

人物孝行

李自京 何士傑 朱職祖 胡其瑜 李伊揚

應瓊 賀錦 夏恩望 宋世伊 萬秉握

朱相文 胡誠璧 謝之偕 陳文華 胡聖哲

張煥 姚梅佐 尹宏識 江諤 王漢宗

王以瑜 楊毓清 周全吉 朱先培 楊應相

王梅 蕭茂濟 朱琨 余衣石俱縣人

忠節

朱得琪 邑社信德子 號岩亭 爲諸生 文名一邑 讀書立行志 在忠孝 燕王事起 卽深自晦 匿不復與 試有以功名問者 曰吾父受太祖封 今聞此變 必不安於九



原余不敢虧忠孝大節嘗題圓階詩十首私自諷吟  
不與人見以中有憤世語也沒後有友讚云不忘逸  
主不欺死父忠孝兩字庶幾無負太史材哲乃其裔  
孫

郭之樞字象維邑庠生事親至孝崇禎甲申倡義聚鄉  
族百餘人擊賊而死

府志

鄧俊正德初任四川營川縣典史時鄆賊猖獗所過無  
完邑俊防守甚嚴不能破賊糾黨合攻城陷俊謂其  
子曰吾與賊不共戴天何以生爲遂父子俱死朝廷  
憫之官其一子公甫

監利縣志

卷之十

人物忠節

十一

聶助字湘明性至孝母喪哀毀骨立嘗以館穀貸鄉人  
之急焚其券卒不受償崇禎癸未冬闖賊兵入鄉境  
仗義罵賊甘殞如飴中副車子士貞進士任定海縣  
歐陽道輝諸生闖賊兵亂團聚保境毀家不顧

平子奇以冠童子軍游泮屢列高等作制舉文字峻整  
有風力詩歌亦壯烈稱其志氣其爲人英毅仗爽無  
所屈撓嘗因於地方事有不平遂致黜抑而亦旋自  
爰列名太學改名德魁然其濟世之心與憤世之心  
究未嘗忘也里中多盜居恆輒以團練法部署其鄉  
人盜不敢入境周制軍天爵嚴正之聲久著寰宇適



因闕兵至荆子奇投牒陳邑利害深加獎賞幾可薦  
用制軍罷官事遂寢咸豐四年髮匪倡亂盜賊皆乘  
釁而起有欲請子奇爲謀主者奇峻拒之不去因力  
數其罪痛加斥罵遂見殺適有黑雲狂風之變鄉人  
咸謂壯氣所感云

李懋華字果山道光丁酉拔貢官廣西州判爲人慷慨  
有大志每談古忠義之士能爲國出力平亂者輒隱  
然自負及至粵西龍州任內其時值髮逆滋擾籌費  
募勇誓不盪除弗休屢與力戰竟以隕命妻蔡氏聞  
信自縊別有傳 子祥秦武昌訓導祥鵬邑廩生

監利縣志

卷之十

人物忠節

三

李福謙字地山由府經歷擢仁和知縣治軍籌餉有勞  
保奏賞戴花翎以知府升用咸豐九年冬髮逆攻浙  
江省垣將陷福謙公服自經於堂皇事聞賜卹蔭  
李元熙福謙之姪以經歷分發浙江咸豐九年辦理軍  
餉出力保奏以知縣畱浙補用自行助餉加同知銜  
十一年髮逆再陷省城罵賊遇害

易鐵鴻原名履瀛字伯洲天姿英發自入塾讀書見古  
豪俊之士乘時建功便思爲國家効力甫冠卽列邑  
庠時外寇已多騷擾而徐就安撫尙閉戶自若也咸  
豐年間土匪羣起江陵監利沔陽之境皆受其擾荆



州將軍官檄江陵廩生林天植帶勇往勦植素與鴻  
友善因過其廬請鴻與俱鴻慷慨從之連挫賊鋒乃  
草寇蠶起眾寡不敵於乙卯正月二十七日與植同  
戰死於沔陽之里仁口賊亦死者無數遂以遠遁鴻  
時年二十七後中丞胡旌其閭曰古之良士  
蔡以儲字竹農熟於諸經足供驅遣其為人耿介拔俗  
而深練于事道光戊子舉人屢上春官不第挑選通  
城教諭丁艱歸家起復改任鄖西值捻匪竄擾邑多  
逃亡儲遂爲所戕繼室楊氏從殉子忠沼道光己酉  
舉人以直隸州州同需次廣東

監利縣志

卷之十

人物忠節

三

何良玉以四品花翎從戎安徽沒於陣

胡于訓咸豐四年三月賊匪二十餘人沿村擄劫訓率  
壯夫往追之力竭爲賊所殺截其首匿他所越數日  
鄉人覓得之面如生

許成龍咸豐四年與華容白先駒同赴會侍郎營以功

授五品藍翎隨胡宮保至

安徽夜劫營爲賊所獲死猶罵不絕口

謝登瀛字達卿性倜儻善弓馬咸豐四年監沔賊起陰  
勒里中少年數百人爲之備賊憚之不敢犯境聞江  
陵林天直起團往與定約募勇擊賊所向皆捷以功  
得五品銜咸豐五年正月粵匪上竄至沔州牧與戰



屢北請援於登瀛與天直二人率鄉兵至沔陽里雲口距賊巢四五里爲浮橋二渡橋大閱鄉兵賊望見傾巢盡出有軍功某者以私忿欲陷兩人率其屬驟奔眾遂潰登瀛爲叢刃所刺大罵而死屍骸覓之不得時從死者四十餘人

朱永鑑貌寢而性倔强咸豐四年五月收復縣城後官兵往下鄉勦賊六月中旬賊魁藍四猶據新溝嘴鑑爲勦賊八條大意言賊易破敗官兵到必大克藏其稿衣中身詣荊州請兵賊詞知遣人追及索得其稿爲賊支解而死士論壯之

監利縣志

卷之十

人物忠節

十四

陳宗源咸豐五年隨周能宣大令勦蒲圻土寇有功給六品職至蒲圻之新店遇賊負勇前往爲賊所執不屈死於叢刃

劉漢鼎咸豐四年賊踞螺山市及鄉落掠女子數人漢鼎陰爲縱之爲賊黨所殺

謝漢連咸豐四年粵賊上犯爲所俘脅之不從遂被殺  
趙紹仁咸豐四年土寇猖獗仁父廣登與同里朱家拔起團禦賊五月十八日仁往誥職周朝桂家商議請兵賊突至相搏罵不絕口賊攢矛刺之負重傷卒與尸歸口目猙獰如作厲鬼啖賊狀



周朝桂字古香以子獻廷爲銅仁知府誥封朝議大夫  
五月十八日賊突至家詢其進城請兵狀桂憤怒罵  
賊被傷多處受害最慘巡撫胡與貴州巡撫先後題  
請旌卹

段鳴岐邑庠生四月初賊梃之責以輸資守義不齎盜  
糧受賊刃背重傷劈腦見骨投水溺斃

郭宏鐸監生七月二十八日髮賊至家劫掠搜出頂帽  
用刀背亂擊鐸罵賊不休被戕死

連展勲字克成咸豐四年粵匪寇白螺巡檢張被圍展  
勲護張眷屬匿連氏祠賊怒圍連宅殺連名東賀氏

監利縣志

卷之十

人物忠節

五

燔其屋展勲謁曾帥署爲前驅從追賊光黃間以功  
授千總職從戰金陵奮勇登陣流石傷左脅告歸病  
劇大言殺賊數聲卒

吳之岳朱家峯民咸豐四年粵賊犯境爲所執不屈死  
刃下

李家榮咸豐四年春率鄉團禦賊力闔爲賊所殺

楊金榜童生成豐五年正月隨林天直帶勇勦賊至河  
陽里雲口身先士卒殺賊數人身帶重傷沒於陣同  
里陣亡者二十一人

程家集之雜賊三月據縣城四月初川勇至普濟觀程



宗珩程家禎起團應之賊偵知於四月中旬率大股至程家集時倉卒軍器未全亦未申明約束及賊與軍功黃鵬程戰黃兵敗走眾皆驚潰賊遂大肆燒殺焚民房一千五百餘間火延十五里程家禎赴水死程宗珩被刺腸出越三日死程氏死者男子二十九人婦女一人雜姓死者二百餘人程宗愷程宗倬程宗鐸

程必俊程大學程宗慎程大貞程大亨

程宗佑程宗浩程大孝程大恆程大材

程大偉文自昭趙大明趙光瑛趙大朝

趙大權趙先浩王昌虎程馬氏程大志之

監利縣志

卷之十

人物忠節

六

母力救丈夫被賊刃死以上係程家集起團被戕之人咸豐四年士民原呈未錄殉難全名今祇載原呈名目

柳口之難賊據縣城時中洲坳龔傳道同監生廖經綸等約朱會王大中洲等七坳起團與江陵龍灣市遙接聲援有偽司馬劉姓者舟載擄獲至江陵姚家橋團中人逐之登其舟殺三人偽司馬死逃者數人盡得其所擄物於是苦鴉子大股自府場糾合汪藍諸賊圖報復龔傳道手執枹鼓率團眾堵禦於柳口與賊相持旬餘賊差排而過若不與相敵者團眾以為



賊頗懼已備遂弛不意賊迂道從老新口至官墻上距柳口四五里大肆焚殺圍眾望見火光灼天遂驚潰賊焚民房五百餘家殺死男婦二百餘人

龔家相 龔經柱 孫文貴 孫國全 鄭述元

鄭德心 涂天緒 涂永漢 周之貴 周大邦

劉經武 郭元龍 陳三和 陳茂德 嚴為紀

嚴發貴 胡太元 胡么保 何中寅 劉士榮

劉大垠 柳大章 方正寬 張士宏 張瑚

毛正榮 丁應城 周正宗 張太祥 李因修

李睦受 張世光 鄭文耀 李文桂 孫世祥

監利縣志 卷之十

人物忠節

七

鄭德貴 胡秀勉 劉必元 袁定恆 張鳳

徐廷昇 郭暢達 汪顯榮 劉武 郭以揆

張士亨 張惟慎 陳祖文 陳光海 李名揚

孫世亮 胡秀海 胡欽德 胡大經 鄧么保

郭起謨 鄭大富 李宏敏 余家珩 向大章

周世光 羅天綵 李昌德 李開信 董家榮

黃錦富 周景中 李宏信 祝為依 黃錦昌

余德告 李昌福 李昌清 汪志堯 周錦武

孫世德 孫世名 孫世光 柳正起 李明松

張啟芳 劉士明 劉起 張家英 何啟亨



顧楷 何士錦 胡天楷 柳天學 吳子洋

鄭開明 胡洪 胡湛 李光友 李亨友

周景福 周景和 何二保 陳正魁

徐先正天門人 以上係柳口起團被戕原呈名目

劉興宇 汪啟祥 俱係天門縣洲河一路被水傭

工總計男女大小六十四人俱遇賊害名目無從查悉

涂王氏 涂天緒之妻 郭大姑 郭元龍之女

彭劉氏 彭志壽之妻 周劉氏 周之貴之妻

李王氏 李因福之妻 羅張氏 羅振寅之妻

劉大姑 劉經武之女 李張氏 李學振之妻

監利縣志 卷之十 人物忠節 六

以上婦女八口係柳口朱會人三月賊匪至隨夫隨父

堵禦救援被賊殺害

胡黃氏 胡楷之妻 王劉氏 王道經之妻

謝李氏 謝亨之妻 柳張氏 柳雲章之妻

王夏氏 王松之妻 李大姑 李昭訓之女

王大姑 王可德之女 王印氏 王中起之妻

田朱氏 田道真之妻

以上婦女九口係柳口朱會人賊至燒殺藏匿麥田被

賊搜尋殺斃

夏宏楹三月初五夜賊入城掠其家奪賊手中刃斫賊



傷其顛傍一賊奮刀殺之燬其房屋

鄧家偉五月二十七日賊再撲城一賊入室執械格鬪死於賊刃

周華玉五月二十七日賊再撲城至卡所報信遇賊被殺

游紹芝游紹洵俱於五月二十七日賊撲城隨官兵執械助戰被賊刺死

柳文 張文貴 張名揚 孫士亮 孫士祥

黃國安 以上六名俱係三月下旬賊勒供不出勒降不允被賊殺斃

監利縣志

卷之十

人物忠節

九

王悅林五月為官兵引道遇賊殺害

戴發先 王國佐 蕭道位 陳宜會 陳忠朝

杜善松 陳青峯 周昌奇 周童生 段大因

李輔興 以上十一名係六月二十八日髮賊泊船上岸勒供為所逐殺

上岸勒供為所逐殺

蔣桐園浙江人署縣江公門丁三月被賊逼勒赴水死

張良槐 張忠純 張定忠 周啟儀 瞿可峯

劉宗璜 鄭忠心 史在華 史在榮 陳風華

王錫忠 王錫漢 王純高 蔡仁忠 魏祚忠

魏長綽 楊述謨 萬恩詩 盧昌時 劉維龍



劉維清 傅裁縫 朱家藻 劉錦詩 胡作相

夏宏山 孫榮四川人 胡于訓 蕭道

張姓 謝盛廉 洪榮福 吳之岳 洪代和

伍昌揚 黃德輝 陳季仁 王忠遠 王慶清

以上五十三名各處被賊殺害

張李氏三月內賊至索供不予致殺斃

魏王氏 單蔡氏 連賀氏以上民婦三口俱藏匿

田間被賊搜殺

鄭陽府昭忠祠監利凡七人 湖廣通志

張維龍 蕭位武 吳作虎 劉大全 段榮朝

監利縣志 卷之十 人物忠節 三

銀加貴 劉二人俱寄籍竹谿縣 見

王化行號賁南咸豐四年秋粵寇入境迫脅居民化行

奉母逃賊追至黃婆垸化行窘急赴水死其母恩子

亦死



德行

夏起載字公乘順治己亥進士除河間知縣有善政恭謹廉潔士民重之遷邳州知州呈誤鑄職歸事親至孝父歿終喪廬於殯所撫幼弟起庸成名以卒父志著有大學講義觀瀾齋集拙宦草

府志

劉瑞字叔溫性穎悟善剖析疑義任臨邛教諭丁外艱詣闕保畱其得士心如此

舊縣志

劉灝樂善好施人有犯之者絕無所校荊州府同知甯常贈以詩云琴書共樂林泉靜詩酒交歡草木熙平生行止超凡俗其道無慚百世師孫良寀官龍安知

監利縣志

卷之十

人物德行

三

府

裴偉字士奇以貢仕至雲南順州知州歷官清慎居鄉謙和自處儉樸時謂有野舟公之風年九十餘卒

王桂字名芳元叅政伯玉之裔宏治己未貢閉戶著書不樂仕進亦學聖賢之學志聖賢之志耳性孝友伯母呂氏孀居無嗣桂事之如已母每遇疾病侍奉湯藥不稍離死亦盡禮之公福事桂亦然

王公福字天錫正德癸酉舉人仕至戶部主事事父桂甚孝訓子孫極嚴居官歸謙退好禮世之言修潔者必曰王公之屏奇穎多才能為蜀中叅軍



孫應龍字乘六康熙乙卯歲貢精吟咏楷書篆隸勸俗崇儉事親至孝年十二割肱瘳母里中呼爲孝子年七十二歲終所著有徒南音始霞浪雜韻燕遊等集子瑛歲貢生

羅全才字又軾由生員援納列成均生平端方廉介邑里推重尤樂善好施每遇歲凶多所存活至奸宄皆畏爲所知其德之服遠又有如此子宗清亦有義行李逢吉字雲修邑庠生務本力行尤殷殷訓子弟延師重道寒暑不輟康熙壬申歲邑侯趙以鄉飲深敬禮之子士宗癸酉副元

監利縣志

卷之十

人物德行

三

龔鼎遇字常升高才博學爲諸生最與弟孚邁榮遇晉遇相切劘一成進士兩爲名諸生皆親誨之其教人以孝友爲主有過輒面斥不少寬能改卽溫顏相接邑令侯公再舉鄉飲扁其所居曰金玉其質男啟恪啟昌翼奇孫承纓承統承緒俱庠生

朱彥字賓吾邑庠生祖薦明經高曾三世舉孝廉勅封邑社信德則公始祖也父民望字孔鄰食餼膠庠稱名下士年九十二以壽終彥幼卽名節自勵博學篤行動遵禮法凡處家交友無有惰容也嘗值遺金於道待其人至還之邑舉鄉飲膺介賓者五卒年八十



朱昌晨字正旭為諸生具煨鍊經史之學負擔重大之才稱貸焚券解囊全婚大志未就謝業終老寄情詩酒淡如也前令葛欽其德引為鄉介子宏文施州衛庠述文邑庠

張大本字懿中歸州庠生康熙巳酉歲貢潛心理學一切世態澹如也後任九谿鐸惟以砥礪士子為務培植貧寒為志谿邑人士皆為流涕

高秉政庠生閉戶篤學屢試冠軍一時士林爭師之為人純粹多懿行康熙壬子鄉試寓旁有吳姓者因負

監利縣志

卷之十

人物德行

三

旗下債將妻辦償悲楚欲絕公贈以金使得保全而亦不告以姓名隨即移寓他所子釗康熙巳卯登賢書

戴俊宇特洲父隆支有高趣治蔬圃蒔花種竹疊石鑿

沼極幽勝之致作蔬圃十二韻卒年七十六俊於康熙中由明經為羅田訓導捐俸建學宮牆振勵人才培植士類孜孜不倦以艱歸性孝友兄儼官桂東訓導弟侑縣學生皆早世撫其遺孤尤有恩誼既卒羅

田祀於名宦祠

府志

賀鎬字又希康熙間以貢授湘鄉教諭遷長沙教授沿牒賑華容饑請貸民籽粒補種秋禾是歲大稔人咸



德之聞母病卽乞歸抵家五日而母歿居喪盡哀服闋不復仕家居三十餘年卒年八十八

府志

王以人貢生父大愷性孝友好施予以人克承其志鄉里稱之以謁選卒於京邸喪歸其從弟某憑棺一慟弟以越好學工文亦力善有父兄風以諸生終

府志

夏錫金字廣礪聰敏夙成未舞勺卽冠軍食餼少年成進士其觀政寄兄錫致書曰無事常爲有事之防大才須加小心之懼不求有福但求無禍又書曰慎重作人小心遇事卽有理當學老氏退一步法則少年而不啻老成矣當其對大廷時偕同年鄭人琦

監利縣志

卷之十

人物德行

三

王三薦途遇盜請獨殺已丙友命賊義其請並釋之求之古交亦罕見也惜未及仕卒子師勳師烈尙幼兄爲撫育之

吳一岳字維石吳賓賓之子年未弱冠補弟子員其父以仗義罹大辟一出奮不顧身步行至京侍父於獄者三載卒脫父於難潛心理學旁及詞賦由貢生至鴻臚寺序班未仕而卒人咸悼惜之

朱子裔字孟述少孤力學以貢任略陽知縣直毅有聲其子臣亦以貢官大邑知縣爲克世其家云

劉鈞字秉衡正德丙子舉於鄉性豪俊善論說常議築



黃師堤區畫甚至都御史陸燕多用其言  
夏應宿字拱辰性和易與人言徐徐詳慎無惰容居官  
寬厚蓋長者也

劉中孚號見山質任醅慤不言而飲人以和歷任房縣  
黃陂馬龍學官於寒微多所識拔

劉仕朝肆力於古文辭詩及書法皆所擅長與從兄在  
朝競譽一時性靜雅尤極孝友易簣時遺命曰事爾  
祖當如吾存竭力養志勿可諉也子懋夏後成進士  
潘滌字宗元識度恢闊纖塵弗累學蓋見其大者以貢  
初授隨州訓導繼陞平江教諭終陞岳州教授課士

監利縣志

卷之十

人物德行

三十五

有法識拔多人平生砥節礪行孝友尤篤子世標以  
恩貢官知縣

胡守道字瀄夫至性誠慤以孝友聞官司旌其篤行緣  
子賓貴贈文林郎

連之紱字方來族無宗祠之紱始創爲之主族政三十  
餘載約奸掖良僉回草心常捐社谷百石命子希品  
督運輸倉艤舟江岸岸忽潰其子僅得不死谷則全  
失矣之紱仍輸如其數族有親死嚙身以營葬具者  
之紱止之爲畀以金有逋賦不克償者之紱捐已財  
償之其所賑貸率類此年八十二無疾而卒

府志



周璜性慈惠四世同居率有禮法康熙五十五年江隄  
潰傾圮分給鄉人又嘗路遇賣子不忍分離者捐銀  
贖之隆冬救塗中垂斃二童子遺乾糧送歸其卒年  
七十六 府志

戴子瞻儀少而博學爲名諸生遊北雍以屢試高等  
准貢除授四川夔州府別駕丁艱未任性好施濟鄉  
民賴之生平杜門著述刊有四書簡註行世

李茂蘭字元希丁明之季遭寇斷其右指而以左手書  
揮酒如飛體倣鍾王人爭寶之補弟子員爲諸生祭  
酒爲人輕財好義荒歲多所全活而於其兩弟友愛

監利縣志

卷之十

人物德行

三

尤篤

劉在京中憲在朝之弟食餼邑庠事節母熊恭人以孝  
稱著餉耕集十卷露草詩二冊其土洲詩已載府志  
子懋彝孫青史皆以文顯

裴惺字仲常偉元孫學本朱程行敦古樸以拔貢任沔  
鐸分俸資以濟貧士勤教誨以養人才後不樂仕進  
設教閭里邑名士多出其門著有四書斷輪解周易  
本義增補註讀

吳宗魯字伯望七歲失怙母羅孺人教育遊泮食餼屢  
試高等事母至八十二歲以孝聞德量寬宏與人爲



善好之不啻口出也子緄崇禎丙子舉人  
曾巡字御卿年十四補弟子員試諸生高等質直嚴正  
不苟徇物當明末權倖用事遂絕意進取優游林泉  
年八十二卒子三壽九壽自有傳  
劉起漢字羽季邑庠生天性淳摯非言不言非行不行  
鄉里之爲不軌者畏羽季知如畏法子庠生昌韻立  
品有父風

羅朝安字磐石明末闖逆臨縣難民千有餘人爲賊困  
於下乾港朝安引舟濟渡復罄所有以救饑存活者  
甚眾又嘗因歲荒出粟捐金入官助賑子全才介才

監利縣志

卷之十

人物德行

十七

名列成均令才會才興孫清俱列邑庠

朱國柱字天培官上林苑署丞未久遂掛冠歸里徜徉  
林泉意澗如也性慷慨謹然諾周急解紛勸善規過  
終其身人無間言年八十以壽考終孫士瑗士瑛士  
理皆庠生

李尙芳字蘊伯常割股以瘳母疾捐貲以賑貧乏尤好  
翰墨結納皆名流家法又極嚴整弟尙隆子維明後  
皆掇巍科尙隆係順治丙戌湖廣解元監利選舉表  
載貢舉考略註潛江籍或當明季移居潛江  
胡漢斌天池早喪父事母曲盡孝養明季遇賊將殺之



泣曰死則死矣七十老母未得終養乞假片刻拜謝  
母恩死無憾賊感而釋之弟淮子就臣承其教育後  
皆登賢書官縣令

丁芳字天漢事父德以孝聞及歿哀毀過禮平生不衣  
絀帛曰吾未嘗以此奉親誨弟芝慕古實學友愛篤  
浹與物和平而正直人敬且愛之

王嘉庚性豪爽有才略其族居汙下苦里役相率欲逃  
爲請於藩司陳德完酌減丁糧始安其居又購義田  
以贍族軍民之役明季賊據郡邑土寇猖獗倡率諸  
姓固守其里荆安紳士細民來依者衆日館廩之皆

監利縣志

卷之十

人物德行

廿八

得安全無害年八十七以壽終

徐永道字冲所性篤孝友行極端方每遇凶年嘗捐已  
資以賑困乏并囑其子若孫以有餘濟不足年八十  
七以壽終

裴足徵字元禮曾祖鈞四川中江知縣祖學吾陝西洋  
縣縣丞父昕庠生足徵十九補弟子員屢試輒優等  
數奇不遇晚年慕樂天遺事匾其居曰白莊子四典  
章軌章龍章成章俱列膠庠

李文靖字肇唐父珊沒時文靖甫三歲賴節母游氏撫  
育成立質穎學勤於宋儒之書先正之法皆能得其



精要爲諸生早擅文名啟迪後學多所成就乾隆辛酉與朱盛江同拔庚午與羅芝芳同舉及以教習任鍾祥教諭則樂育尤廣李雲門侍郎亦從受業著有務滋堂文集後裔多得傳授子玉樹玉藻玉墀孫衢自有傳

龔學敏字遜庵乾隆癸酉副榜第一文章久擅時名而勤於教育及門之拾青紫者遂不少子二長傳紳乾隆戊申舉人性敏學優最善啟發曲成後學亦與父同其叔璋早歿貲產無多所遺諸孤紳殷勤撫育皆讀書成名卓有樹立選任均州學正振興文教扶植

監利縣志

卷之十

人物德行

九

士林沒後猶繫人思次傳綬英雋拔俗與兄紳同拾泮芹旋蒙廩餼惜未盡所學而卒

龔學璋字特庵乾隆庚寅鄉薦四名其文精深肅穆有儒者氣度主考李文園深賞之不幸早卒子三長傳綸歲貢生天姿伉爽識解明通於時事多所匡濟次傳純恩貢生志趣高邁而善氣迎人破其化者鄙吝自消次傳組恩貢生質性誠懇學問淹通友教多年成就極眾著有蒙求註解較舊註爲博洽孫經榮恩貢生孝友篤摯不失家風而精明出以渾厚則其得於學養者深也經植以附貢舉孝廉方正慷慨有知



畧咸豐甲寅邑遭賊擾能不受其汚經蔡道光己酉  
拔貢考取教習咸豐己未北闈高膺鄉薦教習期滿  
授職知縣餘則遊泮食餼多擅時名

龔學典字慎徽思貢生以出類超羣之姿爲博文約禮  
之學上下古今於經史子集無不洞然於心後學有  
疑請質卽時剖析分明旣博且精鮮有窮其涯涘者  
論學恪守程朱以上接孔孟之傳於陸王亦不故爲  
外之中正和平無所拘滯也爲諸生時學使每拔錄  
其文作士林圭臬而一時之掇巍科者亦多出其門  
下雖僅以明經終要其垂裕者遠矣著有芝堂全集

監利縣志

卷之十

人物德行

卅

子三傳衡傳圭傳敬各自有傳

王秉道字經廷父懋勲早歿母楊氏泗水縣知縣運昌  
之女系出名門動遵禮法勲歿後道尙幼矢志苦守  
以延宗祀其於道愛憐之甚而教以義方未嘗稍寬  
尤殷勤課讀泣語以成父未竟之業道亦深自刻礪  
得以成名母於乾隆辛酉奉 旨建坊旌表道於乾  
隆乙酉中湖北副車節孝之相與有成理固不爽也  
著有制義名曰荻訓草以示不忘母訓云子文模邑  
庠生品高學裕不蹈時趨嘗著聽嘲集以見志孫與  
典敏承先業淹貫羣籍於諸史考究尤詳每指陳得



失瞭如指掌聽之者爲之忘倦雖未有知己之遇得其子柏心柏理爲光大之則典可以無憾而前人之遺澤蓋靡窮矣柏心道光癸卯舉人甲辰進士授職刑部主事柏理優廩生選舉孝廉方正卽補知縣加同知銜文模馳贈奉直大夫與典誥封奉直大夫柏心子家過荆門州訓導家隆郡庠生

朱先茂字桂亭性情和平學養深邃嘉慶庚申舉人與任承昉游昌廷同榜時闈卷競尙富麗而茂文獨以清真見賞學問商量加邃密識者早相推許矣會試屢薦未售主講本邑大觀書院每以文藝器識兼勗

監利縣志

卷之十

人物德行

三十一

選授漢川教諭年已垂暮到任未久卽歸少嘗從尹大章遊深相器重同學有所疑難命其向茂質問師弟之相契者深也子材哲通籍詞曹改官戶部皆克供其職及出官臺灣捍外侮靖內亂厥有成績陞授分巡道茂誥封中憲大夫孫家綬廣東大埔縣知縣龔傳圭字潔田詩詞書法皆有天然之致而或以爲詩學中唐書做趙松雪猶止見其形貌也爲人性情恬雅與人無競而品行自高事二親極孝凡一切承奉必身親之始安至於衣服且親自浣濯卽古所稱孝子未必能若此也以乾隆己酉拔貢任崇陽教諭擢



陞武昌教授殷勤訓誨體用兼該則亦不失湖州之遺意云

朱秉衡字志銓性孝友母卒泣血盡哀待諸弟以寬恕道光丁亥邑大水藏穀者昂值取倍息秉衡有米數百石平價以糶頗多全活辛卯堤潰帑不足繼以捐秉衡與弟燾輒先輸爲邑侯所器重有元方季方之稱皖江兩堤前後共墊數千金舉凡宗族大典解囊贊成其急公好義如此居恆無疾言遠色酷好五種遺規至尊崇師儒父老追論迄今感歎子二長效先議敘縣丞次紹徽候選訓導出繼弟焯爲後

監利縣志

卷之十

人物德行

三十五

裴師先字

邑庠生承其先侍郎璉探花綸之遺緒

績學好古不肯蹈虛浮之習而其爲人亦然品行端方一言一動無不合於禮度著有集曰課實錄卽其志行所存也孫秉文咸豐壬子舉人四上春官不第援例補湖南甯鄉知縣值戎馬生郊天下悍將半出甯鄉事平咸歸里桀驁驕倨不可以威惕公受篆一以法治之有巨室激團勇且生變人情洶洶咸荷擔而立公百方離散委曲開導始無揭竿之變大府聞其事嘖嘖稱歎且爲列諸薦章矣

朱光琢字其章性行冲粹渾無圭角而胸中之涇渭自



存少孤母愛憐之甚而母性嚴正不敢稍有違禮以失母歡爲長兄光瑞所撫育瑞後乏嗣生事死葬皆盡其誠嘗念先人連舉孝廉者三銓任校官者五采芹食餼未嘗有絕每勉其子若孫讀書成名以上紹先業而尊師重道凡力所得爲者無不爲之也至其睦鄰恤貧殆不勝紀云著有閒情偶寄詩集待梓子崑邑增生孫公望歲貢候選訓導德潤國學重孫詩正附貢詩純國學詩成國學

劉德衍字勉齋邑庠生幼讀書頗近於魯發憤自勉遂豁然解悟於羣經無不融貫周禮其尤精者性至孝

監利縣志

卷之十

人物德行

三

祖母年八十餘晝夜寒暑竭誠侍奉無有間然嘉慶丙辰大水衝其父墓壞棺前和覓顱骨不得聚旁眾骸錐血驗之始得爲人無所爭競亦無詭隨嘗謂聖人言義以爲質禮以行之孫以出之信以成之持身涉世必當奉此爲準生平大概可卽此驗之子爲炳爲瑩爲卓庠生俱有學行爲瑩有傳

吳維燦字炳勳邑庠生性情渾穆與人無爭而持己甚正課徒數十年旣以文藝相勸勉而尤汲汲以慎行爲訓其言曰幽獨必謹於此不謹安定所止取舍必明於此不明焉識所歸素位而行無人不得君子之



道萬古不易其言如此亦可知其爲人矣始本居貧後得子力漸臻豐裕而恬然自安仍無改乎其素云孫鳳翔邑庠生聲傳候選縣丞

劉爲瑩號勵吾邑庠生少承父兄之訓天性孝友精研宋儒語錄其授徒勵以經術旁引古名臣言行每論及忠臣義士輒精采煥發聞者無不感動故成就甚眾待人謙厚和易無疾言遽色人有忿懣對之誦先正格言一二行莫不省悟自愧處境愈陋德器愈充遠近欽爲師範晚抱鄧攸之戚惟日研經義與諸生講論不倦其得力於宋學者深矣

監利縣志

卷之十

人物德行

三

廖啟秀字承先祖父世以忠厚相傳持身勤約待人寬宏秀承其緒守之無失性至孝母病目身親調護數十年如一日遇人困乏則賙恤無所辭有任姓者中年喪妻無子意欲贖娶以聘貲不給而止公慨然以三十五緡資之遂得娶後生子每撫其子太息曰非廖叟吾祀斬矣又勉其子以讀書使體聖賢之心效聖賢之行若余進士葵階輩嘗擇爲其子師而敬禮毋怠焉子南斌同治壬戌舉人

清操

王希周洪武初以孝廉薦不仕而歸人稱爲村樂先生



府志

吳愈字逸之永樂十八年舉人為鴻臚寺序班勤慎守職在位最久正統初陞光祿監事未幾致仕歸

張錦字尚綱中正德庚午鄉試性坦易亢直任台州府節推與上官語不合遂掛冠歸

徐行可復姓字叔魯嘉靖二十三年甲辰聯捷進士筮

仕浙之桐鄉後陞知州為人質性高潔動稱古人其文多類大蘇

唐本忠少時才氣不凡厲志問學倪文俊起沔陽聞其名召之拒不納洪武初舉經明行修授京山教諭建

監利縣志

卷之十

人物清操

三

學造士有勦始之績後遂徙居焉府志

何繼川洪武初以薦為邑訓導考績之京致仕賜勅時

人榮之府志

王芳洪武初以薦授邑教諭能嚴規矩以勵諸生府志

夏希文洪武中以明經授上元丞在職勤慎清苦每公

出計日資餅而食人號炊餅丞府志

劉魁字星星明初為諸生從石首楊文定溥遊溥曰此吾老友也不宜在弟子列邑有學無師魁伏闕上書

願得師朝偉其請嘗讀書荆臺觀與羽流任倫友遂勉以歸儒倫於永樂甲午鄉薦魁亦於次科丁酉獲



舉仁宗朝溥執政疏魁名以請辭不赴後有詔督責  
乃出授四川大定訓導旋卽休溥知不可強繪幽篁  
古木圖題詩其上以贈曰老幹稜稜飽雪霜蒼苔深  
處倚幽篁此生不作明堂夢贏得山林歲月長魁子  
祥以孝行聞府志

潘彥富字龍淵正德間以貢授上元丞有清節抗直不  
阿終潞安府判府志

吳一元號前川嘉靖二十二年舉人筮仕雅州峻持風  
裁遂調藩相其操不改

劉立號叅字以貢司訓池陽課士有法擢楚雄令遇事

監利縣志

卷之十

人物清操

三

侃侃然無所顧惜至以牴牾免而匡救者良多

李岱毓字山甫憲副元寶之孫孝廉逢時之子賦性恬  
退不樂顯榮中天啟辛酉鄉魁崇禎壬午揀選未就  
弟嶮毓以貢授黃陂教諭亦不就與兄同志

鄧祖禹字台長登順治丁酉賢書胸次洒落於塵務無  
所經心抗志希古雖家漸落處之裕如也

胡象鴻字顛木雍正癸卯舉於鄉素有名行邑令欽其  
爲人欲羅致之令故貪濁屢假詩酒招延邑士而暗  
行苞苴象鴻獨不與接令再造廬鑿坏踰垣未嘗一  
面年逾六十始登賢書隱居縣北教授自給未及仕



卒刊有雲臯詩稿行世

府志

李庾號雪嶺髫年遊泮喜學書嘗於宅旁植蕉數百株日習書不輟其書遂工今華容仙娥寺澧州城東門紫氣東來額手蹟猶存性最廉不肯以書邀利雖有勢燄薰灼者不能相強也品高行潔希踪在陶元亮而激烈且過之矣遇饑年遂抱西山之慘云

### 義行

易世鳳明嘉靖三十九年荊州大饑輸粟賑濟又捐銀二百修廟學有司以聞詔給七品散官里中士有貧乏者爲之置宅致其膳食

通志府志

## 監利縣志

### 卷之十

人物義行

三

劉士正市民也居江濱前後收葬浮尸凡三百餘常網得十六尸金銀數百文書一帙乃四川資縣黃孝廉尹新建而歸者爲十六家并其金銀瘞之逾年黃之從子來訪啟殯金銀具在分毫不私焉

府志

朱北湖自江右徙監利之車灣市遂占籍焉壽百有八歲子姓多至百五十三人生平好施予急公慕義樂善不倦

府志

張文位昆季子姪四十餘人同居六十餘年不私財帛不偏愛憎內外和輯宛若義門

魯訓字遂東候選州同爲人樂善好施見義勇爲歲貢



生劉逢泰嘗館其家適邁時疾命于勤侍湯藥及沒葬之以禮原任邑侯周世緒聞其事贈以尊師重道匾額時已官臬司矣其孫諸生紹鼎敬承厥緒近鄰有崔姓質庫被燬無能賠補爲出錢三千緡濟之鄉人咸感其德後北口中街稱爲善士坊云

李泰夏諸生乾隆初路過湖南臨湘拾遺金五十兩待其人至還之不言姓名而去

王曉字升恆好義饒於貲嘗於里中及臨湘之佛嶺建亭施茶捐金代人息爭訟修建橋梁營佛寺四所布施山田遇人急難輒毅然任之

監利縣志

卷之十

人物義行

三

鄒世則字言仁德行孝友邑侯吳給額獎之

李元輔字思襄乾隆戊子舉人任鍾祥教諭重修學廟與修鍾祥邑志淵雅質實士林稱之

梅承勳武舉性端樸行事慷慨道光辛卯吳家月堤潰內外淵潭工費甚鉅與兄承煜定議捐貲萬緡親督版築堤以完固下游賴之

余能華世以耕讀爲業而克儉克勤絕無世俗浮華之習其持已也嚴其待人也寬而其尊師重道則一本於誠勗其子庚陽以學雖當水患相仍幾難度日究不使輟其業也庚陽膺敏學勤通達治體以道光戊



成進士現官乾州知州

宋經懋監生質樸好義程集魏家橋爲邑通衢道光癸未水圯懋首捐五百餘金創立石橋行旅便之辛卯奇荒同里典鬻田宅者懋受券給價皆種菽麥來春大稔召還其券且令各收其田之所有爲耕種資其好義類如此

李學超例貢生性敦孝友待族黨一本於忠厚弟學起歿遺兩孤撫育同於所生宛轉周至必期於安全而後已每遇凶年家有餘蓄減價糶賣謂於地方不無小補云子珩歲貢生

監利縣志

卷之十

人物義行

三

彭大槐字殿植議敘州同職爲人慷慨好義多所捐助嘉慶十八十九二十年襄堤連潰三次帶淹潛沔屬境垸民無力修築槐捐錢數千緡修築如式道光九年開疏河道捐錢數百串爲地方倡道光十一十二年江堤冲決數處帑項難給又捐銀數千兩以濟要工子在田第大誥均議敘鹽運使司知事

潘祖秀性情之厚根於天姿學問之勤盡夫人事此爲儕輩中所罕見者矣其弟西庠步瀛嘗爲人所陷害秀奮不顧身爲之申白其寃得以無事待師則殷勤篤摯歷久不衰待友則愷切周詳解推勿吝宗族鄉



黨之間無有間言也但以名場久困未獲讀書之報  
姪啟鴻深所勗望英年拾芹則亦可稍慰其願矣  
著逸

朱信德字彥彰洪武初以老人奏事吏弊民隱建白殆  
盡上嘉納之歿後勅封邑社賜荆江長河與支流漁  
戶船戶租以供祭祀至今如故

夏希賢洪武時進直言歿於京敕賜祭葬

易世鳳嘉靖三十九年荊州大饑輸穀二千石入府一  
千石入縣賑濟又捐銀二百兩修儒學有司請於朝  
給七品冠帶

### 監利縣志

### 卷之十

人物著逸

單

呂時中嘉靖閒採木輸資工部授冠帶

潘欽孝友常推產與弟嘉靖戊子巳丑歲旱襁負資食  
者踵接至則先給以薄粥慮其驟飽致傷也次早具  
飯裹糧遺之

以上參縣志

夏之樂隨父茂之任延津與李家宰戴劉侍御致中砥  
礪論文驩愛逾昆季李總督兩淮邀往一顧有持干  
金請開者却之李欲爲請冠帶亦嚜不能出諸口得  
子封世晚克自成立孫起載弱冠登第

趙延宗字潤夫給事緯之兄爲人修潔博學尤長於史  
論往古興衰如在目前善事親緯仕而無內顧憂者



以有延宗耳

楊珠慷慨負氣節有膂力善騎射祥符李公平盜楊勝  
爵等多其策力屏居村落口不言勞

吳三讓敦誠秉正閭黨推重舉鄉飲登八秩循循率子  
弟惟謹 以上參縣志

曾守愚字蒙溪性溫醇尚大義輕財好施一出於誠嘗  
遊郡白雲橋見有欲鬻女贖杖者傾橐金子之而不  
語以已之姓字亦不問其人之姓字平居植花種竹  
蕭然物外年七十三卒子七人皆諸生高等孫舉鄉  
貢明經者四人文壽鵬壽三壽九壽

監利縣志

卷之十

人物耆逸

聖

朱致統字達泉性誠慤行義少受業於李見羅先生修  
身大社萬厯甲戌李邑侯建城荆譙齋金助成之已  
未潞租令繁歲荒民匱輸金應解鄖撫李中丞聞之  
檄道府錫冠裳匾曰樂善敦倫子五俱以國學仕孫  
廩庠穆秀爲平和尹

龔應榜字次溪德性仁厚閭黨共稱長者列鄉賓者數  
次明季兵亂且旱荒有菽麥數白石盡出以周之全  
活甚衆子四鼎遇亨遇諸生高等榮遇進士官至副  
使晉遇食餼有才名孫啟賢知縣餘俱邑庠或食餼

以上參  
縣志



易維銓世鳳之孫輕財重交尚義好施每歲饑輸粟助  
邑令賑濟次子言翼官至部郎長子言鼎當陽教諭  
孫其極援例授縣丞

朱順翰邑社信德之九世孫性至孝友尤樂施予慷慨  
義士也子生員祖如善繼父志亦喜施子順翰族孫  
鄉大賓鸞之僕名可興割股救主邑令唐旌

余偉慷慨好義崇禎甲戌江堤告潰捐金五十兩命其  
子應魁助修今唐公隄是

王家度字預明幼事父母卽孝聞閭里兄弟三人友愛  
甚篤嘗遇荒歲穀價騰貴爲捐數十金糴穀以濟兄

監利縣志

卷之十

人物耆逸

星

弟之窘者

以上參縣志

伍世言字名楚好義樂施族子弟孤貧者代爲婚娶之  
鄉黨死亡無告者代爲葬埋之有一售妻者計其家  
口授以穀食使得保全甲申乙酉大饑出所藏穀粟  
存活甚眾年八十二卒

傅萬鑑字京楚性好善甲申大祲出所藏爲粥以食饑  
者存活甚眾子巖邑庠聚書幾充棟率子弟維謹

朱介卿素行梗概不苟然諾崇禎壬午冬邑遭賊荼毒  
有無賴數人離城六十里倡爲亂首烏合甚眾自稱  
大王公然劫掠介卿糾集大小各團秉正保境獲頭



一目一二人與劫掠之物盡付一炬自此地方安靜無  
有敢於竊盜者 以上參縣志

姜遷父蚤喪傭力於人者數年及壯克自振奮勤事生  
業不十餘年遂起家至數百金有弟達始與遷同居  
遷撫教成人及爲弟別造房屋一惟已宅是式焉徙  
居之日兄弟不忍遠離相泣於中庭者久之

李桴字濟寰博通書史亦明醫術而不以自任然常儲  
藥品每貧乏疾病者乞求輒慨然救之子運階文行  
優長以纂修三百年族譜委之而身自倡率族眾修  
葺祠堂歲時伏臘俎豆藹然嘗與人江行遇溺山行

監利縣志

卷之十

人物者逸

聖

遇虎已獨無恙年九十一端坐而逝

羅緬字啟吾孝行純篤喜周貧乏里閭推爲善人邑侯  
鄭三次舉鄉飲耆賓

朱聲國字伯實以勤儉持已以忠厚處世邑侯趙欽其  
德舉爲鄉賓旌其門曰太邱令望享年九十 以上參縣志

陳君調至性醇篤事二親以孝聞明季喪亂室家流離  
尤竭力用勞色養不置素樂施予每歲大祀隨力濟  
人感德無數年及耄髦益好善不倦古貌古心里人  
有不善常畏其知之子旭善康熙丙子鄉薦

聶士朋字善長平生醇謹非法不道非禮勿動自幼至



老足未嘗一履公庭遇人有緩急卽傾囊以助子二  
勅祚祚康熙己卯鄉薦

郭之選號文遠家本農桑三世同居孝友無閒順治戊  
戌己亥歲沙洋隄潰北土民窘變產捐賑康熙辛酉  
壬戌黃潭大災縣北龍潭垸一帶堤墜蕩平同垸民  
向王魏諸家請糧土修廢隄以保障民命設義館於  
周老嘴聘歲貢生丁宗綸以教凡子弟之有志於學  
者子士柱列府庠士楣食餼長陽歲薦選訓導

以上  
參縣

羅忠恕字蓋臣居心誠懇制行端方明末兵燹人民逃

監利縣志

卷之十

人物耆逸

四

竄恕執父續喪孑身廬墓哀號三載里人稱其孝邑  
侯郭舉鄉飲耆賓以善人匾旌其閭年七十五無疾  
而卒子正紳正綱俱庠生孫德懋食餼歸州庠

胡相時字君佐公平正直利物急公康熙丙辰駱家灣  
堤潰邑民流離轉徙相時同聶開基捐貲督修匝月  
工成丁卯邑侯趙舉鄉飲大賓年八十卒子三維烈  
邑庠生維虞太學生考授州同維邦歲薦考授訓導  
孫履仁履朝俱名列膠庠

胡守正字厚吾善言善行不可殫述高壽九十邑侯韓  
舉登賓筵

以上參縣志



李自京字聖林幼孤育於祖母王氏而事之極孝飲食必嘗浣濯必親承顏順色終身無間祖母嘗笑曰兒孝順我必得賢肖兒孫如兒矣子珩登康熙甲戌進士

朱圉國字茂卿會明季兵燹年甫十二避居湖野值父亡時難厚葬伏地號泣誠孝動天撲地拾金得全時艱迫 聖朝御宇安居故園隱農課子卒年七十子昌祐康熙庚午鄉薦孫正誼乾隆壬申恩貢曾孫世珍乾隆庚辰武解元

夏學仕字源洲敦仁好義會明季兵燹家貲蕩盡猶經監利縣志

卷之十

人物著逸

聖

營備棺以瘞暴骨置高原以葬餓殍之無歸者歲時令子弟致祭焉平生施予多稱是巡按聶公旌其門曰種德仁人高壽九十

朱化澄字德化渾樸純謹古貌古心康熙丙子歲邑侯郭舉善人旌之曰一鄉善士

以上參縣志

吳湯字茂昭性至孝德行卓異父繼臺家頗饒裕濟貧扶困明邑侯唐獎以善人湯承父志於貧困絕無吝惜必使得其所安邑侯趙舉以鄉飲耆賓旌其門匾曰德高穎川年八十卒子道望邑庠生

胡帝時字震公邑庠生博極羣書尤精心河洛理數髦



而不倦康熙己巳歲邑侯趙敦請鄉介壬申歲邑侯  
衛舉鄉大賓高壽八十子維甲太學生考授州同維  
垣食餼歲庠

夏錫寵性直不阿慷慨好義夏氏族繁寵撫戶數十年  
而孝友無間訓迪惟謹身膺鄉飲大典闔邑咸服

以上  
參縣志

趙光秀字蘭生番禺縣牧趙繡十世孫邑有保和門係  
繡所增開康熙戊辰春雨灌傾頽公捐貲率族補葺  
邑侯趙顏其額曰孝義可風乙亥重建學宮秀為督  
工亦不辭勞瘁如治家事然

監利縣志

卷之十

人物者逸

吳

李乾元字大哉孝友稱於家庭忠厚服於閭黨康熙三  
十六年延入賓飲邑之士大夫咸推美引重焉以為  
無玷大典

胡襄明字相宇醅謹古處闔邑之人咸稱善士前巡按  
聶公旌獎善人以名其閭前侯韓公手題詩云爾色  
爾康爾壽爾臧迎人善氣惟德之行聞達無求駿譽  
宏彰溫恭課子衡泌徜徉後高年八十

以上參縣志

夏錫類字孝末家不甚饒而好善樂施鄰有羅姓者貸  
類二十餘金力不能酬即為焚其券且憫其孤苦捐  
貲婚娶羅為生主奉之暮年益務修德施舍不倦康



熙戊辰鄉飲闔邑公舉耆望嗣師伊歲貢師吳師發  
師孔師皇以暨孫作震十餘輩皆聲騰膠庠作震後  
於雍正癸卯鄉薦

張之羽字若雲邑庠張際之子克承父志列名黌宮居  
身孝友處世忠厚然諾不欺三尺取與致嚴一介邑  
侯衛欽其德舉爲鄉飲介賓子雄逢世雄荆彝陵廩  
膳逢世岳臨湘廩膳

夏廷望字憲伯事節母劉以孝聞讀書爲儒者之學順  
治戊戌水荒出穀數百石以賑饑寔施高地十畝以  
爲義塚客有失金於道者如數代償助歸故里生平

監利縣志

卷之十

人物耆逸

望

善事頗多子士英歲薦授訓導孫以清食廩餼

縣志

夏期望字謂子邑庠生七歲失怙便勵志讀書爲諸生  
祭酒爲人孝友好義邑有軍供之繁石糧費數十金  
族中有貧莫支者至鬻其子以完公期望爲代償之  
母寢疾親侍湯藥連旬不解帶而卧母逝兄弟始分  
居田受其瘠僕受其老邑侯韓慕其賢旌其額曰經  
緯世家子啟許士義俱庠生

夏起唐起載之兄負性孝友制行端方屢逢歲凶竭力  
周賑貧而好施推唐爲最子三錫寵錫宸錫璞孫三  
師吳師靖師俊曾孫十二元孫五蔚起不凡爲邑推



重

黨瑾一字玉伯秉性忠直篤家人以孝友恤族睦鄰皆

有法度可觀邑侯葛舉為鄉耆以應大典縣志

楊旦字元初父世麟慷慨任事明末寇劇護持城郭直

指汪公有績茂保障之稱且坦易和厚與人言必以

積德累善為本里中人皆化之性尤孝友伯兄蚤赴

任河南唐邑縣丞遽卒且憫其無子撫遺女如已出

術善岐黃人有疾病不能延醫用藥者則合善劑與

之是亦救世之一端也孫自欽官知州有傳參縣志

高年

人物高年

監利縣志

卷之十

吳

蔡宗蘭年百歲子孫數十人庠生薛鴻卿有百歲翁記

李懋德年九十三歲妻與同庚夫婦齊眉曾元繞膝

劉宗朝高年百有三歲

朱作傅高年九十七九十九生日邑侯周世緒贈以藏春

塢裏鶯花富仁壽橋邊歲月長聯語

蔡宗廷字 增貢生少與兄宗建同勵志讀書以承

祖父之緒其課徒精勤亦與兄相似及兄貴顯仍日

守故業不求仕宦家居延師課子若孫恬如也高年

九十三歲以姪世忱官馳封奉直大夫子世懷以廩

貢官訓導



王與恩端嚴有守高年九十一

劉士敏高年八十七

劉士林高年八十六

余公權隱於闔閭持身謹待人厚高年八十五

劉道明高年八十四

陳肇綱貧能養親富不驕人高年八十二

周大珩術工岐黃現年八十二

王傳槐現年八十五

劉道邦現年八十五

蔡國志素嗜讀書老猶不懈高年九十一

監利縣志

卷之十

人物高年

完

李方榮年六十始補弟子員乾隆甲寅 恩賜舉人乙

卯會試 恩賜檢討高年九十六妻高氏壽同

劉光鼎年八十始授一芹嘉慶庚午 恩賜舉人高年

八十六

柳逢張以明經任房縣訓導高年九十七

劉光華邑庠生高年九十一

薛鴻卿學勤志銳年八十餘猶應鄉舉至八十八乃卒

劉正彥邑庠生晚置獨坐軒高年八十八躬自沐浴整

衣冠而逝

向正心歲貢生年九十餘猶教授不倦



王文棟邑庠生高年八十三歲著有和鳴草時文

鄒宗魯邑庠生自乾隆戊申萬城隄潰北院久沉嘗為

投牒汪制憲後乃開河建閘以消積水固魯為發其

機也高年八十有八

張秉賜郡庠生詩書為業無有他技高年八十

杜慶壽導鄉鄰以和睦人皆信從高年八十七

流寓

梁震邛州依政人登進士第梁開平初歸蜀道過荊州

武信王高季興喜其才識畱之不遣欲奏為判官震

自以唐臣恥為強藩屬吏即亡去又恐及禍乃曰震

監利縣志

卷之十

人物流寓

三

素不慕榮宦明公不以震為愚以白衣侍樽俎可也

王心重之俾與司空薰王保義同為賓客而震獨不

受辟署稱前進士王亦時時呼為先輩及文獻王從

誨繼立震常謂為郎君王為之築室於土洲被鶴擎

自稱荆臺處士

十國春秋 舊縣志今荆臺觀即古

歸蜀為高季昌所畱寓此有  
清風萬古凜荆臺之句府志

劉浩陝西靈臺人正統間以河南道御史謫監邑河泊

所與令華陰解公懽相得遂家焉

府志

潘安江陰人洪永間寓監利與裴太史綸輩相友善嘗

為人題村樂圖有云羞作麒麟客甘為鹿豕民風操



可想云

府志

魯嘉本吳縣人萬曆時棲遲湘漢篇翰之妙世爭傳之精研掌故尤留心經濟蓋有託以遊者寓監利甚久遂著籍於此

府志

程鉉璉號雲川休甯吉陽鄉人萬曆中年客遊三盤棋遂著籍焉生平輕財好義凡事之有所當爲者無不踴躍居先而於一本之親尤體恤周至子之洛康熙丙午亞魁官衡州教授

府志

朱若萊字來碩黃之麻城人明末寇熾避地縣北遂家焉邑大姓馬氏延置家塾馬爲仇家所戕若萊不避

監利縣志

卷之十

人物流寓

至

險艱爲白諸大吏置仇於法弱冠卽爲諸生祭酒凡百家言無不精貫博洽一時從遊者衆至其剛方義俠猶多見稱於世云

府志

胡世賢太學生通城人於楊林磯捐設義渡造大舟小艇各數舸以便灘淺撥送大船捐銀一千八百兩田十八石爲舟子工食資兩岸造屋數間爲行旅棲身所督撫給惠濟湘江額立碑旌之

周超伯咸甯人武生嘗寓監利買田耕種目擊董事之害胥吏飽腹鄉民剝膚心竊傷之乃於道光十四年投牒督憲極言工房糧書之弊邑廩生王名沂朱煊



等從而和之得如所議遂改爲民徵民修設局董治  
其後雖所任非人不無停輟然終復其舊鄉民得無  
累者初始之力爲不可泯也子昌奇道光壬午舉人  
官直隸知縣

周滙宗咸甯人道光己丑進士其家久寓邑北門貨殖  
爲業宗亦嘗於此從師讀書道光庚寅辛卯荐遭水  
患饑殍盈塗存者幾無生路乃捐金買油菜子遇有  
荒田卽使人種之其所生全者不少後官天台知縣  
方伎

占卜

監利縣志

卷之十

人物占卜

五

明黎福榮善風角洪武初召見卜事屢驗上顧謂曰汝  
可方袁天綱矣遂賜名天綱授官寵異之復官其子  
楚章爲鴻臚寺序班

府志

鄒世英監生耑習周易精於卜筮每有占斷出人意外  
無不靈驗

鄧權善風角嘗在武昌隨楚王入朝時成祖在燕亦來  
朝同宿邸第以物命之卜果驗大書明鑑二字賜之

府志

醫

明艾宏善鍼灸診脉知人生死歲月多所全活不責其



報用薦入爲太醫院官督學使病召宏往望見輒曰  
公之金木俱病豈飲後嘗露坐耶一藥而愈

湖廣通志

國朝葛天爵少治醫見同輩無愈已者遍訪湖山遇一  
道士於江上與語輒解同舟數月遂精其術用藥每  
奇中子如洪雍正間通城訓導

府志

萬拱能詩神於醫術著醫學大成傷寒指南及病源若  
干卷性矜直嬾晉接有召者輒以病辭而遺以方云

府志

曾葵局精醫術一日擁爐著方書焚其衣至半幅不覺  
也治病極多立驗所著有痰火點雪書行世後人竊

監利縣志

卷之十

人物醫

三

冒以他名又有溫暑新譚及傷寒諸証書

府志

李儉行承先世之業能深明醫術不務奇功而實鮮有  
僨事嘗言人命至重縱情恣意爲之使其命自我隕  
於心何安也故所保全者多壽八十四

曾昭選深明醫理於張仲景李東垣張景岳俞嘉言諸  
家之書無不貫通而撮其旨要則在辨明六經每遇  
奇險之証他人所驚愕不能措手者彼直談笑出之  
應手見效有探乎其原者矣

連大勛字國助精醫術爲人治病輒效全活無算愈者  
酬以財物皆卻不取時時按方合藥持以予人亦不



索值終身行之以爲常著有幼科醫方手錄  
鄒廷光監生精醫術遇有奇瘡必先立案然後博考羣  
書不效則歛神靜思必令應手已愈並不受謝行之  
數十年有心得乾隆癸丑郡中行疫投方無不立應  
荆南道來鳴謙挽留郡數月贈以千金爲上匾額  
年九十卒著有醫學經驗方案四十卷

吳士振精醫術幼科尤精卽遇沉痾投方必效毫不計  
謝著有醫理醫意數千言

釋老

王相讀書城南小園月夜有黃冠叩戶入與談黃白術

監利縣志

卷之十

人物釋老

番

後則當晝亦來相事母極孝又不欲以殺牲供口旨  
黃冠授以弓小如鈎以筋爲矢命射小雀發輒中往  
來三年許黃冠忽辭曰吾去三十年復來比相三十  
已忘之矣其初度日忽憶前約亟起詣園則黃冠已  
至卽張筵黃冠因指壁間隙呼童子美女六七人奏  
雅音樂畢以土書几上前二句字不可曉中云當年  
猶有維摩筆今日却無鍾子音聞敲幾局乾坤老朗  
誦一聲天地驚勸君早擲王喬舄同作崑崙闕上人  
振衣而去約以中蟬鳴爲候至期蟬自雲中墜鳴不  
休相舉手拾蟬而逝越二日相體如生尸解得仙度



云舊府志

無塵禪師四川人居邑之凌雲宮苦行修持爲靜室於刹旁閉關不出人求見則開竇立譚如是者十餘年一日啟門設茶菓召相識者曰吾以某日去與諸君別至數日持木魚升座朗誦心經問其弟子曰日何時曰向午曰去去遂瞑目而逝舊縣志

輝霞不知何許人也自遠方來憩於茶菴廟就飲見廟旁有池清且漣漪足豁胸襟前雖近市後則平原曠野一望無際人皆以耕桑爲業有皞皞然景象因思駐錫於此訪知地主爲朱玟與言契洽遂慨然許允

監利縣志

卷之十

人物釋老

五

并請易菴名爲鴻雪用左手書之有飄飄欲仙之致其書用左手者以右手爲賊所斷故也招徒數人爲指示佛法課經餘閒或與賢士大夫講論禪理他少交接清風高致人爭慕之而廟中香火亦遂甲於一邑後以病終卽葬廟旁建塔於上然其姓名終不得知也或曰僧爲明舉人遭世亂致殘肢體遂棄家爲僧而亦不復問時事云

劉逢源字近丹少習儒天機清妙恬澹寡欲年二十餘舉二子妻死不娶鰥居四十餘年獨坐小室掃地焚香略能辟穀夜半空中往往有談論聲諦聽則已熟



睡家人習爲常不之異也年至七十齒落更生髮白  
轉黑人知其有仙術而不得其由嘗有詩云浮世真  
同一局殘與仙合道臭如蘭不堪顧念人間事惟羨  
精求洞府丹石鼎火存呼鹿守竹籃月照採芝餐自  
從識得鴻濛竅忘却春秋把釣竿乾隆五十九年四  
月二十三日忽失翁所在俄而里中輿人持翁履至  
來告曰五更時翁雇吾輿云渡江訪親舁至江干有  
老人艤舟相待翁登舟老人脫笠加翁首翁欣然戴  
之解纜將去促吾二人歸言履中有書可發視其子  
探履中得書敘年三十時獨步西關外遇仙長乙智

監利縣志

卷之十

人物釋老

三

授丹一粒吞之畱符二約某年月日焚符當來度爾  
自後遂絕意人間事視紅塵滾滾如湯火芒刺之不  
能暫安今將往蒲圻洞再鍊更九年始脫軀殼書凡  
千餘言大抵皆脫屣塵寰之語其子以書言覓蒲圻  
洞竟不可得邑中名宿題詠甚多

段方城名家瑁由監生捐巡檢因病習靜功不仕以符  
水濟世隨手奏效歿循顯應如生



節孝

明

夏朱氏夏瑀妻夫亡氏年二十八父欲令再適以死自誓父不能奪

羅劉氏羅昂妻夫亡氏年二十三無子姑欲嫁之截髮自誓守節以終

張王氏張芳妻無子撫夫從子爲嗣矢死不嫁以終

湯望氏湯庶明妻夫亡子歿撫從孫承祀守節以終

劉龍氏訓導劉魁妻割股療夫年九十一卒子祥廬父母墓以孝旌曾孫東鄉主簿之婦孫氏年未三十撫

監利縣志

卷之十

人物節孝

一

孤成家至七十卒其立節與龍無異

潘羅氏舉人潘鉞妻鉞卒業南雍歸沒於水羅號痛欲絕撫子爲山補邑諸生其季女適萬某亦早寡矢志不渝人稱母女雙節

朱羅氏朱永廸妻年十九夫卒守節以終

劉熊氏明經劉如海繼妻事兩祖姑以孝聞前妻子在朝方九歲且多病氏鞠育之過於所生年二十九而寡課在朝成進士官至按察氏年七十三卒贈恭人

吳夏氏吳應賓妻明癸未被賊劫不屈投湖死

潘劉氏生員潘有穀妻崇禎癸未城陷有穀被害氏



血罵賊死穀弟諸生有髮觸牆痛哭並遇害巡按御史劉熙祚疏請旌表

王夏氏生員王勳妻年十六歸王閱二年夫沒舅姑憫其年少勸令他適氏以死自誓終始不渝遂以夫從子國寶爲後後國寶領隆慶庚午鄉薦早卒娶江氏年三十亦無子苦節自矢立嗣多祜祜卒有妾王氏年三十僅一女其嫡朱氏以其無子令他適妾以死自誓亦守節至七十餘而終

胡孫氏胡洪妻年二十二夫亡姑李氏早寡氏二子俱幼稚萬曆戊子己丑饑饉頻仍姑慮不能存活欲自

監利縣志

卷之十

人物節孝

二

撫兩孫而令氏他適氏矢死靡他人稱一門雙節

周唐氏生員周嘉應妻夫亡氏年二十遺腹生子鎬癸卯領鄉薦氏年七十一卒有司旌其門

劉戴氏廩生劉昌琦妻年二十一琦亡子僅一歲撫之成立氏六十七而終

高吳氏高秉謙妻年十九夫亡生子甫三月堅志撫育長齋奉佛以節終子恢祚十九登賢書

朱王氏朱拔然妻生男甫四月拔然沒氏年二十五矢志孀守撫教成立年七十七卒

夏曾氏夏起鸞妻年二十五夫亡子在襁褓值明末兵



亂備極困苦教子成立以壽終

盛周氏盛達之妻

國朝

胡趙氏胡維瀚妻年二十一夫亡矢志撫孤康熙二十

八年鄰人失火將及其居氏號呼泣燼四鄰皆燼惟

氏居存人以爲苦節所感子江補邑諸生入太學氏

守節六十年卒雍正九年 旌

夏龔氏貢生夏錫履妻夫沒於京氏年二十七矢志奉

姑姑沒遂斷肉食雍正十年 旌

廬姚氏廬士英妻年二十九夫亡守節三十年卒題

監利縣志

卷之十

人物節孝

三

旌建坊

唐李氏唐道賴妻年三十三夫亡守節三十二年卒題

旌建坊

夏穆氏夏錫智妻年二十六夫亡奉事公姑撫育孤子

守節三十六年卒乾隆二年 旌

龔萬氏龔承勗妻年二十七夫亡奉事繼姑撫育孤子

乾隆十三年 旌

趙朱氏趙爲職妻年二十四夫亡守節四十一年乾隆

十四年 旌

劉張氏劉翰妻年十九寡教子爾焜補諸生守節三十



六年卒乾隆十四年 旌

張宋氏張傳綬妻年二十一夫亡奉事舅姑撫育繼嗣  
守節三十六年乾隆十五年 旌

康聶氏康時龍妻襄陽教授聶裕之女歸康七月時龍  
沒奉事公姑撫育繼嗣乾隆十八年 旌

胡張氏胡復蒸妻奉事公姑教子成立乾隆十九年  
旌

羅戴氏羅光岳妻年二十夫亡遺腹生子甫週而殤氏  
投繯欲死時太公姑年皆七十慰諭甚苦乃撫夫從  
子爲嗣太姑病不能起鄰人失火氏倉卒向火拜誓

監利縣志

卷之十

人物節孝

四

與俱斃竟得免人以爲孝感乾隆十九年 旌

廖齊氏廖之煥妻年二十五夫亡遺子良軻良輅氏奉  
事舅姑教育二子良軻娶妻汪氏甫六月良軻沒無  
子良輅娶妻王氏五年輅又沒遺腹生子姑媳孀處  
一門三節俱於乾隆十九年 旌

鄭王氏生員鄭士蘭妻年二十五夫亡遺一子課之成  
立矢節以終

顏游氏顏作賦妻年二十夫亡投繯者再姑泣喻之而  
止一日鄰火延其居以竹筐蔽姑面抱之出氏頭額  
兩手俱焦灼幾死鄉里咸爲歎息乾隆二十九年



旌

連王氏連希瑩妻年二十二夫亡僅一女誓以死殉三日勺水不入投繯幾絕舅姑且泣且諭之乃撫夫從子世謙為嗣一日歸甯母憐氏年少微探其意氏忿愧甚斷髮折齒哭而歸家人歎異焉性慈惠教子有成遇鄉里疾疫死徙散給靡倦年五十三乾隆二十一年旌

李任氏李元兆妻夫亡氏年二十五家貧紡績奉姑孝養倍至撫四子成立守節五十餘年

王周氏王鶴子妻年二十九而寡子僅四歲壬午之變監利縣志

卷之十

人物節孝

五

流離困苦守節不渝子補諸生氏年七十餘卒有司給匾旌之

曾鄭氏副貢曾選妻選艱於嗣復娶鄧氏生子文壽二歲而選亡鄭與鄧皆矢志守節文壽後以副貢領癸卯鄉薦

王徐氏王之翰妻翰沒氏年二十無嗣以死自誓守節不渝

劉吳氏劉仕朝側室氏年二十七仕朝沒一子在襁褓氏力負矢志艱辛備嘗守節五十餘年撫子成立壽八十餘卒



夏劉氏夏九錫妻夫亡氏年二十子甫七歲氏矢志孀  
守紡績自給子廷望補諸生氏年八十卒有司給匾  
獎之

王夏氏生員王象台妻夫亡氏年十九子甫一歲養姑  
撫子矢志不渝年七十卒

李吳氏李曉陽妻年二十一夫亡遺腹生子勤苦持家  
教之成立守節以終

唐朱氏唐如銓妻夫亡撫子守節三十八年卒乾隆五  
年旌

萬何氏萬成時妻年二十七夫亡守節六十三年乾隆

監利縣志

卷之十

人物節孝

六

六年旌

彭張氏彭尊五妻年二十六夫亡毀形深居奉姑以孝  
乾隆六年旌子士瑱妻黃氏年二十一寡矢志不  
二與姑同守姑嘗病氏刲股雜藥以進姑愈學官給  
匾獎之

王楊氏王懋勳妻年二十一夫亡守節三十六年乾隆  
七年旌

龔李氏龔家理妻年二十七夫亡子學時甫襁褓氏奉  
事舅姑教之成立家窶至饑殮不繼後學時領甲子  
鄉薦乾隆七年旌



龔楊氏龔家墩妻曹州知州楊自欽女適龔五月夫亡奉事舅姑撫遺腹子乾隆七年旌

李胡氏副貢生李士琮妻幼聰穎習內則曲禮小學諸書年十六適李二十八士宗亡氏奉姑鞠子守節三十年卒乾隆七年旌

胡易氏胡維京妻年二十夫亡守節三十八年乾隆八年旌

羅曹氏羅沛州妻夫亡氏年二十七守節三十二年乾隆八年旌

嚴張氏嚴一聖妻年二十一夫亡無子立夫從子爲嗣  
監利縣志

卷之十

人物節孝

七

事祖姑及公姑以孝稱乾隆九年旌

朱張氏朱文璵妻年二十四夫亡守節四十七年乾隆十年旌

董錢氏董藩妻年二十五夫亡守節三十二年乾隆十年旌

李劉氏李宏位妻易州兵備道劉在朝之孫女年十八適李二十四夫亡奉姑以孝鞠子有禮補諸生守節三十年卒乾隆十年旌後曾孫文培以舉人官雲南知縣

李王氏李純安妻年二十七夫亡守節三十四年乾隆



十一年 旌

胡劉氏胡履華妻年二十七夫亡奉祖姑及舅姑以孝教子成泰補諸生乾隆十一年 旌

謝張氏謝玉章妻年二十夫亡守節三十二年乾隆十一年 旌

徐周氏徐士英妻年二十四夫亡守節三十五年乾隆十二年 旌

余王氏余吉士妻年二十三夫亡守節四十一年乾隆十三年 旌

王易氏王與治妻明敏博涉書史善詩詞稿成輒焚之  
監利縣志 卷之十 人物節孝 八

既于歸以學勵與治與治雖卞急婉事之無忤者年未及三十而寡嗣子不肖蕩其產逸去氏食貧惟取圖籍自遣性識大義族修宗祠竭力襄之見里黨廢居執節者加意獎慰尤有人倫之鑒族子柏心柏理皆爲所賞從氏問業得所指授焉女有士行加之奧學多才邑中不多見也王氏世詩書閨幃多秉禮度義者家珍之妻范氏於易氏爲族孫婦其夫博徒鬻其子於沔陽人爲奴又將鬻范范號泣堅拒歸母家母家亦貧勤紡績手指所餘積以詣沔陽贖其子撫之成立王氏又有與琬之妾曰鄧氏亦守節者喜讀



書從易氏學奉易惟謹易亦時與過從勗之成其節  
皆以貧未及請 旌而卒鄧之夫卽易氏兄公也

王龔氏監生王與瑄妻年未三十夫沒僅存一子柏渤  
氏撫而訓之勵節數十年乃卒以貧未及請 旌

王李氏監生王與珖妻年未三十夫沒無子以兄公之  
子柏潤爲子勵節數十年乃卒以貧未及請 旌

柳王氏儒生柳宗衡之室十七于歸二十喪所天有子  
澤及呱呱在抱孺人號慟不欲生顧念舅姑且闕養  
孤雛誰與撫字是重增泉下憂也乃拭淚強起自矢  
柏舟晨夕奉堂上餐膳承順顏色婉愉倍至舅姑安

監利縣志

卷之十

人物節孝

九

之與子在無異孤兒稍長令入塾就傅時時課其勤  
惰訓迪之不少姑息澤及遂感憤下帷發名成業爲  
諸生冠乾隆三年邑人以其事上有司請旌於 朝  
有詔得建坊里黨頌歎不置年七十乃終孺人子孫  
至今七代遊庠序者踵相接也人益知節孝之食報  
久而愈顯云

薛覃氏薛宗舜妻年二十七矢志撫子苦節以終

常張氏常大敬妻割股療夫疾夫卒寡居四十餘年里  
黨罕覲其面

張何氏張大烈妻年二十夫亡守節六十年



李胡氏李學傑妻趙楊氏趙學山妻周婁氏周晃緒妻均年少而寡事舅姑撫幼子孝慈並著其並時無子以節終者朱宗氏朱士超妻夫亡時年十九

廖余氏廖海若妻夫亡姑年踰六十病不能起割股療之愈及老齒牙脫落哺以口者二十餘年未嘗稍懈

李常氏李安順妻夫亡撫子成立言笑不苟未嘗與戚黨通往來終身靜幽宛如處女

龔唐氏龔家珩妻年二十六夫亡守節

李吳氏李佑章妻年二十四夫亡矢守孝事舅姑

朱梁氏朱昌瓌妻年十八守節四十三年

監利縣志

卷之十

人物節孝

十

朱張氏朱敦德妻守節五十三年

旌建坊

岳胡氏岳懋隆妻生子三朝而夫亡慟不欲生其姑曰

就死易立孤難汝曷為其難者乃忍死撫孤成立守

節四十五年乾隆五十七年 旌

王聶氏王順隆妻年二十五夫亡守節四十五年乾隆

間 旌

朱田氏朱大鵬妻年二十二夫亡撫子以節終 旌建

坊

彭郭氏彭世校妻年十九夫亡繼從子為嗣自修節義

橋 建坊



羅王氏羅光祖妻年二十三夫故子甫三歲撫育成立  
守節三十八年乾隆四十七年 旌

楊夏氏楊世第妻年二十七而寡守節至七十一歲卒  
乾隆五十六年 旌

戴葉氏戴廷恩妻年二十四夫亡守節四十年

戴葉氏戴普光妻年二十八夫亡守節三十二年

朱范氏朱正年妻年二十夫亡茹苦四十年乾隆年間  
旌建坊

朱張氏朱教德妻夫亡苦節五十八年乾隆五十三年  
旌建坊

監利縣志

卷之十

人物節孝

士

李張氏李上達妻年二十一守節以終學使 旌

鄒胡氏鄒永陞妻年二十四夫亡言笑不苟事翁至孝  
乾隆間 旌

張方氏郡庠生張國柱妻柱資性聰慧有聲士林沒於  
道光壬辰氏年二十八撫子家浩家漢守節以終

張汪氏張景行妻年二十夫亡遺腹生子仰事俯畜守  
節以終

張朱氏張傳鼎妻年二十九而寡撫子家瑾事舅姑以  
孝聞守節以終

丁吳氏監生丁世龍妻年二十七夫亡奉舅姑至孝姑



沒勸舅納妾及舅亡妾遺腹生子世盛未一月妾又  
亡氏撫幼叔成立爲娶室廖氏生子光清甫週歲盛  
又亡氏與廖氏同志苦節嘉慶八年旌一門雙節  
張何氏張子揚妻年二十七夫亡矢志苦守壽至七十  
八而卒

余黃氏余昌萬妻年三十而寡奉姑至孝乾隆庚子  
旌

余何氏余昌億妻年三十夫亡守節以終

瞿張氏瞿世雄妻年二十八夫亡守節乾隆間旌

楊劉氏楊遇位妻年二十二夫亡孝事舅姑撫子開源

監利縣志

卷之十

人物節孝

三

備嘗辛苦守節二十六年

楊黃氏楊棟妻年二十六夫亡撫子遇正早亡撫孫成  
立眼觀五代

楊劉氏楊遇璜妻璜業儒應試歸卧病不起氏年二十  
五撫姪歸源爲夫嗣躬行勤儉備嘗其苦守節以終  
楊宋氏楊麟源妻年二十八夫亡守節備嘗艱苦溫惠  
慈和於里黨多所調恤

楊李氏楊崧源妻年二十九夫亡子鳳祚僅五齡舅姑  
在堂氏仰事俯畜備極艱辛守節五十一年

楊劉氏楊品源妻年二十九夫亡子純祚緯祚俱幼撫



之成立守節以終

楊王氏楊崑源妻年二十七夫亡子輝祚甫三齡撫之成立守節四十七年

楊王氏楊煥祚妻年二十七而寡克明大義夫昆弟四人相繼早亡惟伯兄晃祚遺子大成大志晃妻年逾三十氏與同守撫二子以承宗祧人稱二節母

楊革氏楊大隆妻年二十七夫亡矢志撫子不祿泣請於伯叔求爲其子立嗣艱辛備嘗其節彌苦

柳楊氏柳國驥妻年十九夫亡遺腹生子正麒撫育成立卒時目見曾孫五人人以爲苦節之報云

監利縣志

卷之十

人物節孝

三

王楊氏王錫疇妻沈靜寡言夫歿時年二十九撫子純棠不事姑息蓀枝挺起有聲士林

王楊氏王純泰妻年二十五而寡撫子紹誥守節三十餘年

張汪氏張正照妻年二十一夫亡守節撫子大耀成立嘉慶辛酉旌

張章氏張懋夔妻年二十一而寡夫兄嫂亦相繼淪亡氏撫二幼姪以承宗禰嘉慶己卯旌

楊吳氏生員楊舉妻舉亡氏年二十五二子俱幼矢志守之後俱補弟子員氏年六十一卒



聶程氏聶裕妻名淑貞年十四適裕夫亡年十六遺腹生子誓以死守姑善病氏茹齋以祈姑壽姑亡哀苦特甚未幾亦卒

朱劉氏朱長至妻年十八夫客死子纔七月誓死育之終身未嘗衣帛年七十餘卒

潘劉氏生員潘有江妻年十四歸有江二十九夫亡無子撫夫從子爲嗣以節終

裴羅氏裴鶴陽妻年二十七而寡子僅五歲氏養姑撫子兵荒洊至矢志不渝年七十餘卒

夏聶氏夏九河妻九河沒遺三子尙幼氏年二十四持  
監利縣志 卷之十 人物節孝 四

齋數十年勵節逾苦有司給匾獎之年九十卒

朱瞿氏朱暉妻暉亡氏年十八生子甫五月撫孤立節至五十三歲卒

左段氏廩生左文忠妻生男九歲文忠亡氏年二十八矢志守節撫之成立

余劉氏余懋敬妻生男二歲夫沒氏年二十三姑王氏久病氏奉侍湯藥終始不怠子後補邑諸生氏年八十五卒

羅李氏生員羅朝傑妻年三十而寡二子俱幼撫教甚篤後俱補弟子員守節三十載而終



劉羅氏劉光所妻年二十光所沒遺腹生子撫之成立  
娶婦未及二載子又亡遺腹在襁褓兵燹流離矢志  
彌厲年八十卒

徐方氏徐養忠妻年二十二夫亡撫四子皆成立孀守  
數十年卒

謝丁氏謝斯蒸妻年二十斯蒸沒子方數歲氏矢志教  
之成名以節終

劉王氏劉昌辰妻江陵張文忠公居正之甥孫女昌辰  
早亡氏年二十矢志撫孤長子寬娶婦夏氏又亡夏  
亦孀守不二孫之韜鄉薦第一甲戌成進士

監利縣志

卷之十

人物節孝

五

劉汪氏劉昌熾妻年二十六夫亡子女俱幼矢志撫孤  
長子宗漢列己卯鄉薦氏以節終

李王氏生員李惟科妻惟科與子生白俱爲賊所害惟  
遺兩孫氏茹苦自誓撫育不怠孫珩成進士氏以節  
終

朱潘氏朱聖生妻年二十而寡兩子皆幼氏勤紡績撫  
之成立守節六十餘年有司給匾獎之

程張氏程珠妻年十四歸程十九而夫沒遺腹生子撫  
之成立守節五十餘年

夏秦氏生員夏儋妻年十九夫沒遺腹生女年餘殤氏



奉事舅姑矢志孀守終始不渝

周熊氏周伯寵妻生二子夫客死氏年二十三流賊之亂長子被擄次子方在襁褓採藜藿芟芟以活有豪欲乘亂強娶之氏懷刃以防遂止守節六十餘年卒

朱鄧氏朱穆紳妻年十七歸穆紳生一子十九而寡氏知書紡績之餘自課子姪以節終

高謝氏高秉政妻夫亡守節姑寢疾夜失火家人莫能救氏直入負姑出人歎異焉子釗領鄉薦氏以節終

龔賀氏廩生龔清妻年二十六夫亡子家棟年三十六又沒遺孫甫三週氏與寡媳朱氏撫孤成立守節四

監利縣志

卷之十

人物節孝

夫

十八年卒

張李氏張珽然妻年二十夫亡舅姑年邁生子方週歲矢志苦守歷節四十一年卒

彭鄭氏彭大勳妻年十八歸彭甫九月夫亡遺腹生子奉事孀姑鞠育孤子年六十二卒苦節四十四年

朱熊氏朱聲希妻年二十適朱期年聲希沒遺孕生子士桂授室袁氏甫一載士桂又沒氏同媳撫遺腹孫歷節四十五年卒

楊彭氏生員楊友凰妻年二十夫亡僅一子時兵荒連年氏奉事兩姑惟謹歷節三十二年卒



穆陳氏穆聖傑妻年二十四夫亡奉事翁姑撫孤子守節四十五年卒

吳連氏吳奉治妻同邑雍正壬子科舉人連國禧之長女也幼敏慧性淑順喜讀內則烈女諸書閨中吟咏頗富慷慨有男子胸襟馬九月吟菊句云菊性孤高志不移年年九月燦東籬生平弗作趨炎態秋晚獨標耐冷姿厭向陽和爭艷冶竟於老圃見搽持可憐寂寞幽窗下憫汝經霜有傲枝父母知其出語不祥心甚惻然及長適延陵年二十三夫亡子衡玉生僅四十五日氏截指斷髮冰霜自矢上事舅姑生養死

監利縣志

卷之十

人物節孝

七

葬盡敬盡禮下撫孤兒飲食教誨母兼父道其最異者雍正五年五月江堤潰水勢橫湧廬舍漂流氏負姑攜子一瀉數里時淹死者無數惟氏搶呼裂頰適霖雨驟降獲天河水奉姑飲病遂痊二事皆由誠孝所感良非偶然乾隆十九年奉旨給銀建坊二十一年採入府志三十年奉國史館移取各屬節孝婦女事實由部送館三十二年奉撫部院知照內開荆州府監利縣吳奉治妻連氏准入國史

宋劉氏宋世爲妻年十八適宋生二子長一璽次一璧氏年二十四世爲亡矢守育孤一璽娶黃氏一璧娶



朱氏相繼病沒二婦與姑同守劉年七十七卒守節五十四年

黃氏朱氏見後

宋周氏宋世熹妻年二十八夫亡子在襁褓氏矢志鞠育奉祖姑及舅姑以孝偶夜半火作將及寢所祖姑病不能起氏自濡其衣冒火負之出得以無害子一瑾娶萬氏甫四載一瑾沒遺二孫偕媳撫之守節五十五年卒有司給匾獎之

龔胡氏龔衡妻年二十一歸龔甫十月衡亡生子氏勤紡績教之成立苦節五十五年年七十六卒學使給匾獎之

監利縣志

卷之十

人物節孝

支

呂劉氏呂坤符妻年二十二夫亡遺子僅八月上有祖姑及姑氏勤紡績奉之鞠育幼子守節三十七年卒李羅氏李宸妻年二十七夫亡善事孀姑課子力學守節三十三載年六十卒

龔顏氏龔家光妻年二十一夫亡遺腹未生撫殯誓曰若不獲嗣願同死已而生男學輝遂矢守後二十年學輝復沒婦張氏年十九生子傳薪僅週歲與姑同守顏守節二十三載卒

宗胡氏生員宗朝勳妻年二十七夫亡善事舅姑勤課二子守節三十餘年卒



朱潘氏朱惕妻年二十五夫亡奉姑鞠子與子婦宋氏俱以節終

郭吳氏郭一舉妻年二十三夫亡教子及孫咸列庠序以節終

董鄧氏董洪道妻年二十五夫亡家貧子幼舅姑年邁氏辛勤矢志百折不回守節四十年卒

劉張氏劉侃妻涑水知縣張逢吉之女年二十四而寡撫遺孤奉事公姑孀處三十六年卒侃婢姚氏年二十亦矢志不再適氏孫十六而夭聘羅氏未婚聞訃投繯幾絕以救免誓歸劉門奉事寡姑無異志焉

監利縣志

卷之十

人物節孝

五

王萬氏生員王統妻年二十四夫亡遺二子守節鞠孤歷三十四歲卒長男鴻溥娶朱氏四月溥亡朱亦矢志不渝

平周氏平素慎妻年二十夫亡遺子僅週歲氏奉事舅姑教育孤子守節四十年卒

李游氏李珊妻年二十八夫亡舅姑年近七旬子文靖甫三歲氏仰事俯畜備極艱辛後文靖領庚午鄉薦孫玉樹王申進士氏守節四十五年卒

潘陳氏潘士珍妻年二十七夫亡遺一女甫八月姑家貧氏嘗挑帶菜乞米以奉姑有時入城爲富家賃春



磨雖雷雨昏黑必歸姑沒自負土營葬里人憫其苦助之成墳後依壻以終

夏羅氏夏洋妻年二十四夫亡奉舅姑育孤子守節三十二年卒

張田氏張茂崑妻年二十五茂崑他出沒於水氏撫夫從子爲嗣奉事公姑守節五十五年卒

朱蕭氏朱昌禮妻年二十八夫亡僅一女早夭側室黃氏生一子氏撫愛如己出歷節四十三年卒

王李氏生員王縉妻年二十九夫亡生二子學鳳學鵬俱貢入太學氏守節三十一年卒

監利縣志

卷之十

人物節孝

三

孫曾氏生員孫文起妻文起有孝行年三十終時氏二十七無子後十一年以叔之子爲嗣又十年而卒年四十七

趙鄧氏趙山儀妻年二十四夫亡無子氏斷指以明不二立夫從子爲嗣守節四十六年卒

趙李氏趙維琦妻年二十三夫亡奉姑以孝撫孤成立守節三十年卒

黃鄒氏監生黃大呂妻年二十四夫亡無子立嗣以守姑病割股療之年三十二卒

鄒王氏鄒鳴鳳妻年二十七夫亡自縊以救甦撫孤守



節歷四十載而卒

李楊氏生員李琛妻姑年六十七耳目俱廢手足不仁  
又有驚悸之疾氏曲盡扶持經二十餘年姑年九十  
五氏亦八十四終

田張氏田之妻夫亡力作奉姑守節四十八年卒

裴鄭氏生員裴聲先妻年二十七夫亡守節六十年現  
年八十六

朱王氏朱漢妻年二十七夫亡守節五十四年現年八  
十一

朱周氏朱振瑛妻年二十四夫亡守節五十六年現年

監利縣志

卷之十

人物節孝

三

七十九

劉夏氏劉文進妻年二十七夫亡守節四十八年現年  
七十五

廖歐陽氏廖之煒妻年二十二夫亡守節五十二年終  
年七十四

賀黃氏生員賀時蒼妻年二十五夫亡守節五十年現  
年七十四

馮徐氏馮樹國妻年二十四夫亡守節四十八年現年  
七十一

秦朱氏秦文蘭妻年二十九夫亡守節四十三年現年



七十一

張熊氏張昇妻年二十六夫亡守節四十三年現年六

十八

夏廖氏夏士珍妻年二十夫亡守節四十九年現年六

十八學官給匾獎之

宋黃氏宋一璽妻年二十四夫亡守節四十三年現年

六十七學使給匾獎之

宋朱氏宋一璧妻年二十五夫亡守節三十七年現年

六十二

朱郝氏朱梅妻年二十三夫亡守節四十五年現年六

監利縣志

卷之十

人物節孝

三

十六學使給匾獎之

黎玉氏黎瑄妻年十九夫亡守節四十八年現年六十

六

鄒郭氏監生鄒鐵妻年二十八夫亡守節三十六年現

年六十四

劉陳氏劉光盈妻年三十夫亡守節三十四年現年六

十四

夏柳氏夏師節妻年二十夫亡守節四十二年現年六

十一

張余氏張炫中妻年二十一夫亡守節四十二年現年



六十一

游龍氏游二全妻年二十六夫亡守節三十六年現年

六十一

羿黨氏羿特玉妻年二十六夫亡守節三十六年現年

六十一

張章氏張其椿妻年二十二夫亡守節三十九年現年

六十學使給匾獎之

鄧張氏鄧式濂妻年二十八夫亡守節三十二年現年

六十

張劉氏張遵道妻年二十二夫亡守節三十九年現年

監利縣志

卷之十

人物節孝

三

六十

朱唐氏朱昌鵠妻年二十二夫亡守節三十九年現年

六十

萬楊氏萬士瓊妻年二十三夫亡守節三十八年現年

六十

葉李氏監生葉標妻年二十九夫亡守節三十一年現

年五十九子任盛妻朱氏年十七歸葉二十任盛亡

同姑守節現經二十四年

夏劉氏監生夏昭運妻年二十八夫亡守節三十一年

現年五十八



吳曾氏吳明敬妻年二十一夫亡守節三十一年

吳柳氏吳明震妻年二十五夫亡守節二十八年

吳顏氏吳明超妻年二十夫亡守節三十年

吳高氏吳厚岸妻年二十二夫亡守節五十三年

吳李氏吳傳述妻年二十四夫亡守節四十六年

蔡鄧氏蔡士瑾妻年二十四夫亡守節三十一年

蔡李氏蔡哲顯妻年二十二夫亡守節五十二年

蔡盧氏蔡哲盛妻年二十二夫亡守節四十年

周杜氏諸生周在弟妻年二十夫亡守節六十一年

顧余氏顧昌榮妻年二十七夫亡守節三十四年

監利縣志

卷之十

人物節孝

十四

顧周氏顧昌恕妻國子監丞周廷勳之女年二十夫亡

守節三十餘年

劉章氏劉道衛妻年二十六夫亡守節五十年

張尹氏張愷道妻年二十九而寡撫姪德謙不啻已出

守貞四十餘年

張朱氏張家柏妻年二十三夫故冰堅自守撫姪爲夫

嗣守節三十餘年

張章氏張尙玉妻年二十六夫亡道光丁亥大水孳子

土培土均覓食異地遭賊脅以鞭扑且以刀斫氏徧

體皆赤血流霑衣不從賊釋之



五十三

王朱氏王鴻溥妻年二十七夫亡守節二十六年現年

五十二

平王氏平上晞妻年二十七夫亡守節二十六年現年

五十二

李劉氏李祖環妻年二十一夫亡守節三十二年現年

五十二

胡朱氏胡國望妻年二十二夫亡守節三十年現年五

十二

張甯氏張其倫妻年三十夫亡守節二十三年現年五

監利縣志

卷之十

人物節孝

三

十二

張胡氏張遇妻年十八夫亡守節三十二年現年五十

一

鄧聶氏鄧本道妻年十九夫亡守節三十二年現年五

十

周賀氏周祚永妻年十九夫亡守節三十一年現年五

十

何江氏何文明妻年十七夫亡守節三十四年現年五

十

劉潘氏劉其倬妻年二十一夫亡守節二十九年現年



四十九

趙夏氏監生趙正信妻年十九夫亡守節三十一年現年四十九

劉鄭氏劉詔詩妻二十九歲夫故遺孤書榜家貧子幼氏苦節自守撫子成立守節十九年而卒

劉吳氏廩生劉啟湘妻夫故氏年二十九子尙未成人勤苦自守十餘年而卒

王李氏王承焜妻舉人李驥之女也年十七歸焜二十一夫沒子一女二氏矢志苦守子女皆得成立未幾子又亡撫養諸孫仍不渝其素現年六十五歲

監利縣志

卷之十

人物節孝

美

朱龔氏朱正遠妻十九適朱二十一夫故承繼胞姪爲嗣守節三十年身故

羅張氏羅調元妻二十四歲生子先緒甫十四日夫亡而寡矢志守節年七十終

劉王氏劉世廂妻年二十一歲生子德依僅八月夫亡而寡矢志守節四十年

毛唐氏儒童毛泮鍾妻年二十于歸八年夫故孀已老子僅六月氏仰事俯育茹苦含貞守節四十餘年嘉

慶十九年學憲朱旌以石貞山壽

夏江氏夏先緒妻生於乾隆丁丑二十而嫁夫故時氏



年二十八歲無子以夫弟長男德衢爲嗣教養備至  
德衢成立娶妻潘氏甫十年衢亡時氏年二十九歲  
僅有一女以夫弟德裔子宏騎爲嗣待之亦如其姑  
婦姑並守節自誓族黨上呈督學旌以世節揚徽  
夏朱氏夏先湖妻年二十歸湖二十八夫故時家貧子  
幼矢志靡他後育年九十二目睹曾元同堂學憲許  
旌以茹苦全真

龔李氏儒童龔經僕妻庠生李光炳季女也氏生於乾  
隆戊戌二十一年歸逾六年夫故遺子紹成尙幼氏  
甘貧誓守與同祖弟婦張氏共撫其子遷居龍灣育  
監利縣志

卷之十

人物節孝

三

年五十有六守節三十餘年紹成邑庠

龔張氏庠生龔經掄妻生於乾隆甲辰二十一年歸逾八  
年夫故僅遺一女乃與同祖亡兄經僕妻李氏同居  
共撫其子紹成遷居龍灣舅氏宅內矢志守節道光  
庚子建坊在邑城西北卒年六十九歲守節四十餘  
年

周朱氏周義之妻名元姑年十九適義二十二夫故無  
子翁姑俱老誓志苦守竭力奉養後十餘年卒世皆  
稱其節孝

楊李氏楊繼綸妻青年夫故守節三十餘年嘉慶丙午



歲學憲朱旌以節媿貞松匾額

李唐氏李隆選妻二十二歲夫故守節撫孤四十餘年而終

李鄧氏李隆迪妻二十九歲夫故守節撫孤現年八十有三

潘江氏儒士潘祚光之妻夫故時氏年二十九撫子廼謨成立年七十三卒學憲陳旌以禮彰節孝

潘唐氏潘學鳳妻乾隆四十三年于歸年半夫亡繼姪宗輝嘉慶二十三年旌

潘王氏潘祚廷妻守節三十九年茹苦含貞屢經荒歲監利縣志卷之十 人物節孝 三

不渝其志里黨咸稱之

朱穆氏朱家玉妻年二十歸五二十五歲玉故遺子聲連誓志守節撫孤以延宗祀現年七十五歲守節五十年

楊羅氏生員楊杞棟之妻年二十七夫亡守節二十七 年嘉慶元年旌

朱聶氏朱先璠妻年二十夫亡繼從子爲嗣甫生孫而嗣子亡又撫孫成立

朱陳氏朱哲新妻年二十八夫亡子幼歲大饑戚黨憂之而陳操作不輟茹苦守孤卒成其志



陳朱氏陳慕周妻年二十三而寡母家欲奪其志朱曰  
無子尙守况有子乎是夫固未亡而妾心已死也節  
不可奪

秦熊氏秦正琬妻年二十五而寡母家已陵憫女苦俟  
歸甯時欲奪其志女聞之遂絕不往

秦朱氏秦大鵬妻鄣氏大鵠妻俱年少而寡遺一子娣  
姒共鞠育之和睦無間

朱何氏朱桂洪妻年二十七夫亡守節四十餘年

朱徐氏朱朝洪妻年二十夫亡守節四十年言笑不苟  
惟侍姑哀痛時常作歡喜容以慰之

監利縣志

卷之十

人物節孝

五

朱孫氏朱品洪妻年十八夫亡守節三十餘年人罕見  
其言笑

鄒朱氏鄒祖琳妻年二十夫亡屏除服飾守節四十年  
無疾言遽色

鄒連氏鄒祖玠妻年二十四夫亡守節三十餘年卒

鄒秦氏鄒志道妻年二十三夫亡父母欲奪其志以死

自誓

李羅氏李鳳廷妻年十六夫亡遺腹生子以節終

李裴氏李鳳德妻年少夫亡以節終

呂唐氏呂天瑞妻年二十九夫亡事姑孝教子義治家



勤儉

譚劉氏譚成柯妻嘉慶十年旌

章游氏章德尙妻年十九夫亡姑欲奪其志不可服三年又奪之跪姑前願終身靡他繼從子爲夫後子尋歿姑積素忿謂其命實惡禍吾家迫使大歸婦痛哭請曰兒無所歸矣必如是是不嫁猶嫁也若陷於禽獸之行不如死死而復甦者再姑乃感悟自是不復言出矣復立嗣二子又亡繼從孫承夫祧苦節五十三年嗣孫成立

李蕭氏李華照妻年二十九夫亡撫子以節終

監利縣志

卷之十

人物節孝

三

李夏氏李國儒妻年二十三夫亡以節終

李易氏李國紀妻年二十九夫亡撫子成立事舅姑盡孝

李彭氏李忠懌妻年二十八夫亡撫子成立

李曾氏李炳茂妻年二十九夫亡守節四十餘年

李王氏李樸菴妻夫亡守節四十餘年符例請旌

張楊氏監生張繼志妻年二十五夫亡以節終

張胡氏張繼魁妻年二十四夫亡守節舉動皆以禮自持

龔鄭氏龔經能妻成婚一月夫亡以節終



廖宋氏廖士翟妻年二十六夫虛以節終

宋王氏宋經翼妻年二十二夫亡以節終

羅瞿氏羅先祺妻年二十九夫亡守節四十六年卒

羅姜氏羅明訓妻年十九夫亡以節終

李劉氏李正松妻年三十夫亡貧甚紡績以完其節

李羅氏李家禮妻年二十八夫亡撫節三十六年卒

王劉氏王家友妻年二十五夫亡守節三十八年卒

陳祝氏陳元相妻年二十夫亡守節五十餘年

陳鍾氏陳天人妻年二十八夫亡守節二十五年卒

張夏氏張長瑚妻年二十三夫亡守節五十年

監利縣志

卷之十

人物節孝

三

陳曾氏陳強國妻年二十八夫亡守節二十三年卒

吳張氏吳德傳妻年二十四夫亡撫子成立生孫十餘

以節終

胡陳氏胡履琬妻年十九夫亡守節五十餘年

彭匡氏彭貴璋妻年二十七夫亡家貧苦節三十八年

柳吳氏柳功譽妻年二十二夫亡貧甚撫遺孤不爲浮

議所奪鄰里稱賢子亦成立守節六十二年

柳鄭氏柳大楊妻年十九夫亡無子父母親戚皆勸之

再適鄭不可引刀自刺眾乃止繼從子爲嗣姑病癰

膿血沾褥躬親洗濯晝夜弗懈守節四十四年



黃蔡氏黃德仕妻年二十四夫亡事姑訓子守節三十四年

趙段氏武生趙承魁妻年二十五夫亡撫遺孤啟佑成立娶婦朱甫生子而啟佑亡朱育子奉姑其夫亡時婦亦與姑年若

鄒夏氏鄒純祖妻年十九夫亡撫遺孤守節五十年

李朱氏李承沆妻夫亡貧甚奉姑撫子或憫其難立朱曰畏難而去之曷貴乎人毀容苦節至老不衰

李熊氏李承訓妻訓導熊飛女也夫亡守節五十年

趙姚氏諸生趙光聖妻年未二十夫亡以節終

監利縣志

卷之十

人物節孝

三

趙李氏監生趙逢舜妻夫亡撫子以節終

趙陳氏趙陳策妻夫亡遺腹生子抱之泣曰天不墜爾宗使爾遠長我志不堅神其殛我苦節三十一年子亦成立

劉楊氏劉承經妻年二十夫亡守節六十年

黃郭氏黃正椿妻年二十夫亡遺孤亦殤苦節不變

何王氏何光建妻夫亡以節終

鄭張氏鄭士杰妻年二十九夫亡守節三十九年

連王氏連名舉妻年二十七夫亡守節三十一年

段唐氏段正瀕妻年二十八夫亡守節五十三年



唐黎氏唐必普妻年二十五夫亡守節六十一年

唐張氏唐祥鴻妻年二十八夫亡守節四十五年

朱段氏朱鶴珍妻年二十二夫亡守節四十九年卒

張唐氏張世玠妻年二十八夫亡以節終

李艾氏李存芳妻年二十四夫亡守節四十九年卒

賴胡氏賴長鐸妻年二十六夫亡守節五十餘年卒

王方氏王國麒妻年二十四夫亡守節四十六年卒

段杜氏段榮茂妻年二十八夫亡守節四十六年卒

連何氏連芳妻年十八夫亡守節五十二年卒

李周氏李世萬妻年二十二夫亡守節五十三年卒

監利縣志

卷之十

人物節孝

三

王鄒氏王昌隆妻年二十四夫亡貧甚常經日不舉火

里媪餽遺之苦節五十年卒

王戴氏王大望妻年二十夫亡守節六十一年卒

鄧文氏鄧金妻夫亡撫遺腹子守節五十五年卒

胥萬氏胥宗謨妻年二十四夫亡以節終

朱王氏監生朱世泰妻年二十一夫亡以節終

王蕭氏王宜國妻年十九夫亡以節終

王周氏王德巍妻年二十四夫亡撫遺孤二俱早歿又

撫遺孫以節終

王李氏王開楚妻少寡不惑於眾議以節終



羿胡氏生員拜金聲妻年二十六夫亡守節以終

朱羅氏朱士英妻年二十四夫亡守節以終

龔謝氏龔家英妻年二十五夫亡守節三十一年現年

五十七

朱袁氏朱士桂妻年二十一夫亡守節三十六年現年

五十六

姜李氏姜永成妻歸姜年餘而寡守節以終嘉慶二十

三年 旌

宋萬氏宋一瑾妻年二十三夫亡守節三十四年現年

五十六

監利縣志

卷之十

人物節孝

十四

魯黎氏魯壽山妻年二十四夫亡守節三十二年現年

五十六

李尹氏李應秀妻年二十七夫亡守節以終

龔張氏龔學輝妻年十九夫亡守節三十六年現年五

十四

張劉氏生員張其佃妻年二十五夫亡守節三十年現

年五十四

敖郭氏監生敖遇洛妻年二十六夫亡守節三十年現

年五十五

柳羅氏柳慶祐妻年二十八夫亡守節二十六年現年



郝何氏鄒德中妻年二十四而寡撫姪爲嗣守節以終  
陳王氏陳其福妻年二十九而寡生子甫歲繼姑在堂  
殘廢不能履氏覓食奉養守節十九年

陳萬氏陳能玘妻年二十九夫亡遺腹生子有孝撫之  
成立守節三十餘年

胡管氏胡齊迪妻年二十八而寡守節三十五年

王羅氏王永懷妻年二十二夫亡守節四十八年

胡張氏胡正江妻年二十夫亡撫子齊科貢入成均孫  
世鑑以縣丞候銓

胡楊氏胡正庠妻年二十四夫亡子齊望娶媳王氏年

監利縣志

卷之十

人物節孝

三

二十三亦失所天姑媳同守數十年閭閻遠播里黨  
稱之

胡楊氏胡正章妻年二十八夫故矢志守節族里以孝  
稱

趙劉氏趙榮堯妻年十九卽失所天遺子方二齡又遺  
腹三月生一子時舅姑存氏仰事俯畜毫無遺憾享  
壽八十餘無疾而終

革何氏革世梅妻年二十二夫亡遺子甫九月矢志撫  
孤守節以終

革溫氏革開茂妻年二十四夫亡遺子甫七月矢志撫



子守節以終

李段氏李士旦妻年二十九而寡守節四十一年

傅李氏傅松福妻年三十而寡矢志撫子守節以終

秦唐氏秦良璧妻年二十五而寡奉姑撫子守節以終

張秦氏張國相妻年二十九夫亡撫子昌宗艱苦備嘗

守節以終

徐田氏徐朝魁妻年二十八夫亡撫子文麒業儒年二

十餘亦早亡遺孫學聖子息楊氏矢志撫之同守節

以終

彭李氏彭光進妻年二十四夫亡撫嬰幼孝翁姑和妯

監利縣志

卷之十

人物節孝

美

娣勤婦功以授受自嚴病不延醫而卒

夏劉氏夏先貴妻年二十六夫亡守節四十五年

王朱氏王柏亭妻嘉慶十五年學使涂 題旌

王彭氏王柏明妻道光八年 旌

瞿龔氏瞿思義妻年二十夫亡守節五十一年道光二

年旌

潘唐氏潘宗理妻年十九夫亡撫遺腹子又殤繼從子

為夫後以節終

李龔氏李曰祥妻年二十一夫亡事姑撫子以節終

李彭氏李曰茂妻年二十四夫亡撫遺腹子成立



何楊氏監生何世縉妻年二十八夫亡守節

胡朱氏胡廷松妻年二十五夫亡苦節三十九年卒

柳瞿氏柳必衡妻年少而寡以節終

朱孫氏朱國萬妻年二十六夫亡守節三十六年卒

楊段氏楊文振妻年二十七夫亡守節五十五年卒

董朱氏董作貽妻年二十夫亡以節孝聞

吳戴氏吳啟仁妻年三十夫亡守節四十八年卒

戴劉氏戴自問妻年三十夫亡守節三十三年卒

吳何氏吳自考妻年二十九夫亡守節八十八年卒

張李氏張啟徵妻年二十四夫亡守節終身

監利縣志

卷之十

人物節孝

三

朱蕭氏朱教彥妻年二十二夫亡撫子紹晉長亦娶於

蕭又亡姑與婦共撫遺腹孫成立婦年終五十姑守

節六十餘年卒

段朱氏段世拔妻年二十八夫亡守節終身

何朱氏何任忠妻年二十二夫亡守節三十一年卒

何連氏何任恆妻年二十四夫亡守節四十六年卒

何胡氏何任楸妻年二十六夫亡守節三十八年卒

何方氏何任恕妻年二十五夫亡守節五十九年卒

王余氏王志楚妻年二十二夫亡守節三十四年卒

萬裴氏萬世顯妻年二十九夫亡守節五十年卒



顧游氏顧正文妻年二十六夫亡守節五十七年卒  
王譚氏王東宇妻年十八歸字生子先暉字亡氏年二  
十六苦節三十七年道光二十三年 旌孫成書邑  
廩貢

孫陶氏孫廷緒妻年二十六夫故奉姑以孝聞守節三  
十年道光五年 旌

朱胡氏朱履洪妻年十九夫亡撫孤朱燮補邑諸生守  
節以終道光六年 旌

張李氏張人耀妻年二十三夫亡守節立姪黻賢承祧  
補邑諸生

監利縣志

卷之十

人物節孝

三

李廖氏李同沆妻年三十明書義夫亡守節並工詩  
吳連氏吳學信妻年二十九夫亡生子國珍幼課讀有  
方遊泮食餼爲儒林望氏壽八十一道光八年 旌  
張楊氏張宗漢妻年二十九夫亡苦節現年九十三  
潘張氏潘世迪妻年二十四夫亡苦節四十年道光八  
年 旌

劉瞿氏劉振椿妻年二十四夫亡守節三十年

張曹氏張國棟妻年十九而寡苦節撫子道光八年  
旌

鄭張氏鄭昌御妻年二十二矢志自守學使題 旌



文常氏生員文綬之妻年二十三守節以終道光八年旌

李曾氏李尙膺妻年二十四夫亡遺腹生子守節以終岳黃氏岳懋楹妻年二十九夫亡守節三十年

郭龍氏郭朝琳妻適郭甫二載夫亡孝事翁姑撫子以雅成立苦節以終道光八年旌

熊謝氏熊啟名妻年二十一夫亡事姑撫子守節四十七年道光八年旌

胡姜氏胡以昶妻夫亡守節以終道光八年旌

張朱氏監生張學義妻年二十七而寡守節三十九年

監利縣志

卷之十

人物節孝

三

道光八年旌

張羅氏張學然妻年十九夫亡遺腹生子撫之成立守節五十一年

張王氏張惟恕妻年二十四夫亡孝事舅姑守節至八十九終子承志孫首寅邑庠生

瞿張氏瞿世雄妻年二十八守節以終學使鮑旌

常王氏監生常高第妻年二十四守節道光八年旌

常項氏常哲訓妻年二十一夫亡守節道光八年旌

潘曾氏潘祖岳妻年二十四夫亡遺腹生子啟緒守節

撫孤道光二十七年旌啟緒邑庠生



易彭氏易均緒妻年二十夫亡守節戶庭不輕出事姑  
至孝

易李氏易珍緒妻年二十五夫亡撫子姑嘗得奇疾晝  
夜護侍目不交睫宅復毀於火苦節以終

易嚴氏易仁緒妻年二十二而寡家貧無嗣夫弟欲奪  
其志嚴以死拒之

李劉氏李鳳閣妻年二十夫病刲股以進莫救無子僅  
一女誓以死守事舅姑至孝

王羅氏王開慧妻生子週歲而夫亡勤身節用撫子成  
立授室未久子又沒復繼從孫爲子後

監利縣志

卷之十

人物節孝

單

王羅氏諸生王澤州妻年二十一夫亡無子事舅姑盡  
孝撫嗣子成立

穆李氏穆德宏妻年二十四夫亡遺腹生子撫孤成立  
穆羅氏穆德新妻年二十七守節終身

馮杜氏馮光齊妻年二十六而寡家貧歲饑以節終  
趙董氏趙懋瑞妻年二十四夫亡誓不再醮

王吳氏王茂璠妻年二十六而寡家貧攜子乞食孝養  
舅姑無怨言

姚呂氏姚耀辰妻年二十五夫亡以節終

龔陳氏龔傳進妻年二十夫亡苦節四十年卒



呂高氏呂嗣元妻年二十而寡撫從子爲嗣事舅姑克盡婦道

羅李氏羅本盛妻年十九夫亡哭不敢高聲慮舅姑悲慟姑失明以舌吮姑目翳爲之消夫弟幼寒暖饑飽惟恐不周而自饜粗糲秋深猶着麻縞弟授室生子繼爲嗣

李劉氏李順富妻年二十三夫亡撫遺腹子事舅姑慈孝兼盡

李廬氏李復茂妻年二十夫亡撫子苦節三十餘年

李彭氏李子述妻年二十七而寡家貧多艱事姑以孝

監利縣志

卷之十

人物節孝

里

課子以讀

胡蕭氏胡以綽妻生子三月而夫亡撫子成立

周朱氏周之烈妻年二十八夫亡以節終

周劉氏貢生周學謙妻年三十夫亡訓子有方

周吳氏周學詩妻年二十夫亡以節終

廖朱氏廖士晦妻年二十夫亡以節終

宋朱氏宋守欽妻年二十一夫亡一子歲餘又殤舅姑亦相繼沒邑大水饑饉頻年有勸其無徒爲餓死者朱泣曰所以不死者夫嗣未定耳死豈足以懼我哉族人憫其節爲立嗣



胡劉氏胡鳴鳳妻年二十二夫亡守節事舅姑以孝聞  
江王氏江同興妻夫亡守節四十餘年卒

周王氏周元泰妻年二十九夫亡守節三十一年卒  
周李氏周光縉妻年二十七夫亡守節二十九年卒  
周游氏周大謨妻甫成婚而寡以節終

劉胡氏劉士豪妻年二十六夫亡守節四十四年卒

劉游氏劉士傑妻年二十夫亡守節三十年卒

劉胡氏劉道琛妻年十八夫亡守節三十七年 旌

謝張氏謝祖惠妻年二十一夫亡守節四十九年

謝劉氏謝祖恕妻年二十五夫亡守節五十八年卒

監利縣志

卷之十

人物節孝

聖

王謝氏王之棟妻年二十二夫亡守節六十四年卒

陳李氏陳天華妻年二十八夫亡撫子昌熾成立娶婦

王氏年十九昌熾又歿遺一嬰婦姑相依以節自完

姑卒年八十二婦亦五十一歲請 旌時尙存

鄒姜氏鄒祖珍妻年二十五夫亡守節五十餘年

馬解氏馬開序妻年二十八夫亡以節終

馬李氏馬昌德妻年二十一夫亡無子誓從死姑泣語

以已年老嗣未立汝死我不能活曷存我而圖夫

後之爲善乎乃不死繼從子爲嗣

熊高氏熊周頌妻年十九夫亡舅姑憫其少與母家謀



再醮高號泣請削髮爲尼乃止

董秦氏董文惠妻年二十三夫亡以節終

朱秦氏朱鴻先妻年二十五夫亡子幼後姑駱年邁多

病事姑撫子曲盡慈孝守節三十二年卒

熊胡氏熊啟明妻年二十一夫亡守節四十七年

王譚氏王承熾妻年二十七夫亡以節終

黃張氏黃大經妻夫亡以節終

王張氏諸生王濤妻年二十六夫亡以節終

王劉氏監生王士縉妻年二十八夫亡以節終

劉高氏劉厚德妻年二十八夫亡以節終

監利縣志

卷之十

人物節孝

三

張戴氏張錫昌妻年二十一夫亡以節終

萬郭氏萬宏拔妻年二十一夫亡守節六十年卒

郭游氏監生郭應璉妻年十九夫亡以節終

杜郭氏杜善運妻年二十夫亡以節終

萬高氏萬遠沼妻年二十夫亡以節終

董張氏董之祿妻年二十夫亡以節終

董陳氏董正瑚妻年二十九夫亡以節終

秦程氏秦家富妻年二十四夫亡守節三十八年子敏

善娶妻龔氏亦以節終

崔楊氏崔學海妻年二十六夫亡守節三十八年道光



八年 旌

周游氏貢生周乃文妻年二十七夫亡守節五十六年

夏劉氏夏先玉妻夫亡守節撫子德重現年八十餘歲

顧余氏顧應標妻年二十五夫亡守節四十七年

顧鄒氏顧昌緯妻年二十夫亡守節三十年

顧雷氏顧昌緒妻年二十一夫亡守節四十四年

李周氏李國儲妻年二十六夫亡家貧值荒歲拾薪易

米以供姑已屢糠粃姑亡閉門忍饑苦節終身

高鄧氏高士爵妻年三十士爵亡撫二子德桂德柱成

立德桂娶婦李德柱娶婦范甫有嗣而二子相繼歿

監利縣志

卷之十

人物節孝

器

娣姒皆承姑志姑先得旌兩婦後姑數十年卒

胡詹氏胡大琫妻年二十四夫亡撫子延師課讀歲雖

歉修脯必豐子亦成立咸豐九年 旌

傅周氏傅明亮妻年未及三十夫亡守節三十餘年

萬李氏萬家亨妻守節五十餘年子未及三十而亡又

與子婦楊撫孫成立

盛陳氏盛宗華妻邑大水宗華奉寡母攜妻就食湖南

病亡旅舍妻年二十七三子幼乞助扶夫櫬歸里姑

每語人曰吾婦心堅如金石以少寡居異鄉而人不

敢犯且共贊助之感其貞也姑卒辛苦營葬里黨稱



賢

朱張氏朱仲熙妻年二十三夫亡繼從子爲嗣以節終  
陳蔡氏陳宗欽妻年二十三無子夫病革謂曰養親繼  
嗣汝能爲我好爲之則我心安矣妻泣未及對而絕  
旣葬姑尋歿遺小姑二盡心教育厚嫁之爲夫繼嗣  
三次乃成立守節六十五年卒

胡巖氏胡勳盛妻年二十七夫亡守節繼從子爲嗣未  
幾成廢疾復繼從孫承子祧

姚王氏姚恪經妻年二十八夫亡以節終

朱孫氏朱昌潤妻年二十一夫亡守節二十八卒

監利縣志

卷之十

人物節孝

聖

易顏氏易華盛妻夫亡守節三十五年卒

鄧吳氏鄧 妻年二十五夫亡守節五十七年卒

鄧趙氏鄧士琳妻年十九夫亡守節四十二年

常劉氏常之訓妻年十九夫亡守節三十三年

陳劉氏陳永鳳妻年二十八夫亡以節終

潘蔡氏諸生潘鳴鳳妻賢而勤夫夜讀必從旁紡績以  
伴之雞鳴始寢耘田僅三四畝饗殮半資於紡績夫  
亡年二十三生平寡言笑及寡愈加謹飭如木偶人  
無子苦守四十六年

劉王氏劉大林妻年二十六夫亡撫子事姑孝姑沒哭



甚哀鄰姥曰彼痕猶在不念爾姑之杖爾背乎婦曰  
姑之杖我愛我也觀痕愈痛姑矣性樸素衣裳補紉  
百結而事翁必豐守節三十六年卒

郭王氏郭宏欽妻年二十九夫亡守節教子力學

郭鄭氏郭開昶妻年二十八夫亡以節終

陳趙氏陳士宏妻年十九生子甫八月夫亡守節三十  
七年

李吳氏李懋榮妻夫亡守節三十五年撫子尚謙成立  
捐從九品職咸豐十年 旌

王李氏王素安妻年二十三夫亡守節四十餘年

監利縣志

卷之十

人物節孝

吳

賀何氏賀肇英妻年二十八夫亡守節三十二年

陳楊氏陳宗鼎妻年二十二夫亡守節三十五年

陳劉氏陳宗嶽妻年二十三夫亡守節三十七年

楊顧氏楊士璉妻年二十六夫亡守節五十四年卒

楊顧氏楊有珣妻夫亡以節終

士璉媳

楊王氏楊成英妻年二十四夫亡守節三十一年有珣

媳咸豐十年 旌以代著懷清

王顧氏王傳憲妻年二十一夫亡守節三十八年

周雷氏周有德妻年二十三夫亡守節三十二年

王顧氏王傳道妻年十九夫亡守節三十四年



楊熊氏楊盛觀妻年二十一夫亡守節四十七年  
李彭氏李同昇妻年二十六夫亡守節三十八年  
彭王氏彭昌勝妻年二十一夫亡守節三十四年  
劉張氏劉士偉妻年二十七夫亡守節五十五年  
胡鄒氏胡煥芳妻年二十夫亡守節三十九年  
馮張氏馮培國妻年二十八夫亡守節咸豐十年 旌

現年七十四

孫楊氏孫善成妻年二十八夫亡守節三十餘年咸豐十年 旌

郭楊氏郭以仁妻夫亡以堂姪詞興承祀逾三月遺腹

監利縣志

卷之十

人物節孝

七

生子詞善氏撫育無二心奉姑以孝聞苦節三十三  
年

吳張氏吳必銳妻年二十七守節撫子成立生孫三後  
其孫媳張氏年十八而寡其孫女適朱燮道年二十  
燮道亡均繼志守貞咸豐九年 旌

朱鄒氏候補縣丞朱效先妻年二十五守節咸豐八年  
旌

王文氏王家黻妻年二十四守節咸豐九年 旌

文吳氏文祖珩妻年二十三守節咸豐九年 旌

朱鄭氏朱松洪妻年二十而寡咸豐十年 旌



宋潘氏朱化岐妻年三十夫亡守節咸豐五年 旌

何楊氏何遜悖妻夫亡同志守貞楊遺腹生子振英劉

撫育如已出楊亦無越分姑病數月不起劉侍奉不

懈楊亦克順承寡居四十餘年同 旌子振英例貢

王李氏王大學妻年二十八夫故撫子成立守節三十

四年咸豐五年 旌

羿朱氏羿欽選妻父應時無子選贅於其家完婚年餘

卽外出自此不歸氏苦守以待有勸其改適者誓死

不從後年七十五卒

崔吳氏崔國元繼室年二十三夫亡守節三十一年

監利縣志 卷之十 人物節孝 吳

張游氏張道高妻年二十五夫亡守節三十年

吳高氏吳靖忠妻年二十八夫亡守節五十三年

高李氏高世仁妻年二十六夫亡守節五十八年

鄒姜氏鄒士標妻學使題 旌建坊

易秦氏易方颺妻學使題 旌建坊

易揭氏易振盛妻年二十六夫亡無子襄姑理家事夫

弟授室生子承祧

魏尹氏魏光炳妻年二十五而寡事姑以孝姑病嘗割

股療疾

胡吳氏胡承璉妻年二十九夫亡守節五十八年咸豐



五年 旌

秦王氏秦昭炯妻年二十七夫亡守節三十三年咸豐

七年 旌

王李氏王壽安妻年二十三夫亡守節三十二年咸豐

十一年 旌

楊龔氏楊振棟妻年二十夫亡遺一子又歿繼夫弟子

為嗣生四孫子亡又撫諸孫成立

羅王氏羅典立妻年二十四夫亡守節三十四年

吳羅氏吳開璽妻年二十七夫亡撫孤守節五十五年

王劉氏王昌唐妻年二十八夫亡撫孤歲大荒艱苦度

監利縣志

卷之十

人物節孝

四九

日而課子讀書罔懈

劉吳氏劉道善妻年十九夫亡守節撫孤成立

劉段氏監生劉道安妻年二十三夫亡守節四十餘年

羅王氏羅茂錦妻年二十六夫亡以節終

陳王氏陳忠鐸妻年二十四夫亡守節五十七年卒

程胡氏程宗尙妻年二十一夫亡無子撫夫幼弟既授

室生子嗣夫後

吳黎氏吳世省妻年二十七夫亡守節四十三年

王汪氏王一漢妻年二十九夫亡守節二十三年

朱鄭氏國史館供事朱誠哲妻年二十夫亡守節符例



題 旌建坊

朱吳氏朱光浩妻年二十四夫亡誓從之死家人防範以救免繼從子為嗣題 旌建坊

朱文氏武生朱家準妻年二十八夫亡無嗣乃以從子承雙祧題 旌建坊

徐常氏徐世科妻年二十九夫亡撫子成立

朱張氏朱家鶴妻年二十九夫亡守節題 旌建坊

楊何氏楊文揚妻年二十四夫亡遺腹生子守節五十五年

楊何氏楊開前妻年二十九夫亡以節終

監利縣志 卷之十

人物節孝

五

朱李氏朱洪勳妻年二十九夫亡家貧紡績撫子子授室數年沒遺幼孫二李復撫育之

黃侯氏黃士春妻年二十四夫亡守節五十六年卒

劉楊氏劉宗斌妻年二十一夫亡屢欲身殉以救免毀容苦守足不踰闕同治四年 旌

李張氏李宗魁妻年二十一夫亡守節四十一年同治四年 旌

李聶氏李德俊妻夫亡撫子守節五十餘年同治四年 旌

劉梁氏劉厚勛繼妻年二十三夫亡以節終



殷李氏殷有貴妻年二十四夫亡守節三十年卒

萬朱氏萬世華妻年二十八夫亡以節終

何周氏何文偉妻年十九夫亡以節終

龍李氏龍有華妻年二十二夫亡守節二十五年卒

熊李氏熊得玉妻年二十一夫亡以節終

劉王氏劉光酉之妻年二十一守節四十三年而終

胡汪氏胡永邦之妻年二十八邦卒無子抱姪以承宗

祕茹苦者四十二年

張胡氏監生張茂椿之妻年二十九椿卒遺二子俱幼

氏敬奉翁姑撫養幼子艱苦備嘗里黨稱之

監利縣志

卷之十

人物節孝

五

艾吳氏艾書忠妻年二十夫亡守節四十五年

賀朱氏賀先熙妻年二十夫亡守節四十二年

王史氏王之璵妻年二十六夫亡守節四十二年同治

五年 旌

熊李氏熊開鑑妻年十七夫亡生子未週歲立志撫養

事翁姑尤孝順守節三十三年卒

彭劉氏彭毓鴻之妾年二十八夫亡矢志守節事嫡如

賓言笑不苟鄉黨賢之現年五十六

顧彭氏顧正新妻年二十夫亡守節三十九年

宋彭氏宋時昌妻年二十七而寡遺孤甫週歲又殤孝



事舅姑不出戶庭姑亡力勸舅續娶生二子助後姑  
撫叔成立以從子嗣夫後

柳廬氏柳必善妻夫亡孝事衰姑以節終

張陳氏張友濂妻夫亡氏年二十一生子甫七月撫養

成立現年五十三 旌匾巾幗完人

劉陳氏劉大迪妻二十一而寡撫姪光元成立氏六十

一歲以節終

劉羅氏劉明翰妻年二十九而寡撫子承湘成立守節

三十九年

張李氏張大林妻年二十六夫故守節五十七年

監利縣志

卷之十

人物節孝

三

夏龔氏府學增生夏宏琳妻年二十六夫故守節四十

三年學使王 旌

戴堯氏戴滔謨妻年二十九而寡撫子戴明補弟子員

撫遺腹子至匯成立守節三十一年

夏劉氏邑增生夏宏鈞妻年二十八而寡守節三十年

朱李氏朱光甲妻年二十五夫亡守節四十年

吳蕭氏吳聲香妻年二十六而寡撫子至忠國學現年

七十二

夏潘氏夏德璋妻年二十二夫故守節五十餘年

劉趙氏劉世建妻建亡守節三十餘年



張胡氏張家彬妻年二十三夫亡守節四十年

彭劉氏儒士彭明俊之妻江陵職員劉步雲之女夫亡

氏年二十八歲無子撫胞弟明倫之子忠恕為嗣事

祖母及公姑孝敬備至同里莫不欽服

劉曾氏儒士劉大勝之妻年二十八夫亡撫子光佑成

立守節四十二年

柴郭氏柴大徽妻于歸未三載而徽亡子甫週歲撫育

成立守節四十八年同治四年旌

劉唐氏劉宗憲妻年二十六夫亡苦節三十餘年同治

四年旌

監利縣志

卷之十

人物節孝

三

舒王氏舒為禮妻年二十八夫亡守節五十四年同治

四年旌

舒莊氏舒為祐妻年二十七夫亡守節五十一年同治

四年旌

劉楊氏劉大衣妻年二十四夫亡遺腹生子鳳來苦志

撫育守節三十六年

周柳氏周錫鈞妻年二十五夫亡守節現年八十四

周李氏周源璧妻年二十一夫亡苦守現年七十五

朱李氏朱懋庭妻年三十守節

朱徐氏朱年懋妻年三十守節同治 年旌



朱吳氏朱化法妻年三十守節

朱吳氏朱富國妻年二十八夫亡矢志守貞

朱瞿氏朱祖國妻年二十二守節

朱姚氏朱述國妻年三十守節

朱徐氏朱世貴妻年二十四守節

朱柳氏朱亮洪繼妻年二十八守節

朱龔氏朱秉鈞妻年二十五守節

朱李氏朱應洪妻年三十守節至八十七而卒

李顧氏李錦椿妻夫亡無子撫姪承祧家貧苦節

李鄒氏李同驤妻年二十夫亡矢志守節

監利縣志

卷之十

人物節孝

壽

吳羅氏吳道現妻年二十三守節壽八十六歲

張解氏張維聲妻年二十三守節

蔡常氏蔡學意妻于歸一載夫外出氏嗣姪爲兒紡績

度日守貞七十餘年而卒

張王氏張一蘇妻年二十五守節至八十一歲終

張楊氏張珍賢妻年二十二守節五十餘歲

李孫氏李同泰妻年二十七夫亡守節三十二年

高莊氏高琳先妻年二十五矢志守節三十餘年

謝金氏貢生謝國勳妻年二十守節

高龍氏高承昱妻年三十守節



李翁氏李尚瀆妻年二十夫所天生子甫兩月矢志守貞孝公姑和娣姒温恭勤儉鄉里稱賢

朱吳氏監生朱秉盛妻年二十六夫亡守節至八十卒餘

朱徐氏朱世陽妻年二十七夫亡守節邑候饒旌

曹程氏曹家貞妻年二十二生一女夫外出三十餘年氏自苦守勤紡績以爲活女出適倚壻家受養生平無怨言

呂唐氏呂永輝妻年二十九生子三夫亡守節四十

王朱氏王華泰妻年二十四夫亡守節同治十年旌

劉張氏劉繼虎妻年二十四夫亡守節三十六年

監利縣志

卷之十

人物節孝

五

李姜氏李廷試之妻 易戴氏易月盛之妻

瞿易氏瞿世英之妻 劉王氏劉振松之妻

張王氏張家瑤之妻 李楊氏李齊聲之妻

高余氏高大熾之妻 殷李氏殷有貴之妻

萬張氏萬長楹之妻 張楊氏張珍賢之妻

瞿李氏瞿明訓之妻 王龔氏王家偉之妻

夏潘氏夏德宏之妻 朱連氏朱肇問之妻

朱吳氏朱秉善之妻 萬吳氏監生萬國基之妻

萬王氏廩生萬士敏之妻 萬鄒氏萬本珩之妻

萬余氏諸生萬家甯之妻 吳伍氏吳應道之妻



萬何氏萬列成之妻

史董氏史純琦之妻

袁柳氏袁肇昌之妻

余程氏余國賢之妻

游陳氏游岱之妻

宋昇氏宋朝卿之妻

賀黃氏賀銘之妻

宋秦氏宋朝憲之妻

朱田氏朱大鷗之妻

宋熊氏宋啟珍之妻

陳余氏陳文浦之妻

王劉氏王學英之妻

黃萬氏庠生黃鍾之妻

王胡氏王先萬之妻

彭黃氏彭士璜之妻

周徐氏周德楹之妻

黃雷氏黃士述之妻

王余氏王一衢之妻

黃潘氏黃士爵之妻

高易氏高若山之妻

監利縣志

卷之十

人物節孝

美

李沈氏李懷鉞之妻

張林氏張正銓之妻

黃王氏黃學國之妻

胡楊氏胡維儒之妻

羅劉氏羅有縉之妻

黎氏監生黎希奉之妻

謝顏氏謝廷恩之妻

羅曹氏羅祚霖之妻

李楊氏李位泰之妻

胡夏氏胡志泰之妻

張何氏張傳仁之妻

吳李氏吳家傑之妻

雷胡氏雷遇奉之妻

柳李氏貢生柳德揚之妻

胡徐氏胡詩太之妻

雷繆氏雷鳴光之妻

游王氏游尙進之妻

李龔氏李國誥之妻

夏曾氏夏德傳之妻

鄒龔氏鄒士周之妻



舒楊氏舒春德之妻

趙李氏趙源順之妻

何顧氏何文學之妻

曾張氏曾泮之妻

宋劉氏宋一新之妻

瞿柳氏瞿思祿之妻

李張氏貢生李先桂之妻

艾張氏艾詩壽之妻

張唐氏張必仁之妻

徐王氏職員徐祐春之妻

唐趙氏唐成貴之妻

歐陽傅氏歐陽炬之妻

朱董氏朱懷邦之妻

杜楊氏杜如定之妻

鄭王氏鄭士清之妻

高杜氏高承嵩之妻

王劉氏王才倜之妻

朱黃氏朱紹漢之妻

宋朱氏宋世瑾之妻

楊蔡氏楊永琢之妻

監利縣志

卷之十

人物節孝

五

宋吳氏宋經悅之妻

吳張氏吳子亨之妻

吳朱氏吳家倜之妻

康劉氏康大典之妻

劉張氏劉世春之妻

金沈氏金用謹之妻

程黃氏程志榮之妻

沈劉氏沈明廉之妻

何朱氏何飛騰之妻

董王氏董士成之妻

朱何氏朱太洪之妻

易嚴氏易灼緒之妻

劉黃氏劉大科之妻

傅熊氏傅鳴琨之妻

劉柯氏劉柯之妻

瞿周氏崔思鼇之妻

劉張氏劉詩誥之妻

姜王氏姜承統之妻

冉李氏冉熊普之妻

胡楊氏胡舒大之妻



李陳氏李世光之妻

劉黨氏劉啟玉之妻

陳黎氏陳開桂之妻

李尹氏李映瑞之妻

邊湛氏邊濂之妻

曾夏氏曾濟世之妻

高李氏高朝琳之妻

楊連氏楊先泗之妻

譚呂氏譚先知之妻

王周氏王家彥之妻

張童氏張世紳之妻

鄒劉氏鄒敬菴之妻

邵萬氏邵本優之妻

王朱氏王才茂之妻

金廖氏金之輔之妻

程劉氏程大昌之妻

胡李氏胡友明之妻

韓李氏韓茲林之妻

李馮氏李能孝之妻

熊董氏熊祥道之妻

監利縣志

卷之十

人物節孝

妻

朱涂氏朱大成之妻

李張氏李士龍之妻

沈許氏沈啟恕之妻

顧黃氏顧開茂之妻

張唐氏張世訓之妻

張楊氏張韓文之妻

連羅氏連富勛之妻

趙劉氏趙紹梁之妻

羅丁氏羅希本之妻

吳程氏吳聲倫之妻

張漆氏張文義之妻

潘張氏潘卓安之妻

羅胡氏羅承善之妻

朱段氏朱在昌之妻

楊吳氏楊定位之妻

郭楊氏郭大順之妻

李王氏李滄國之妻

吳朱氏吳方漢之妻

楊任氏楊金蘭之妻

劉黃氏劉大智之妻



郭胡氏郭鳴梓之妻

劉朱氏劉廷範之妻

謝湛氏謝承復之妻

柳夏氏柳玉瑞之妻

李吳氏李文照之妻

道光十年  
題旌建坊

吳劉氏吳家銓之妻

蔣楊氏蔣秉禮之妻

鄧熊氏鄧光輝之妻

鄧魏氏鄧士璋之妻

呂周氏呂永振之妻

夏楊氏夏永禮之妻

裴賀氏裴復鼎之妻

余沈氏余家灼之妻

夏游氏夏昭耀之妻

王趙氏王介光之妻

傅楊氏傅之鑑之妻

吳段氏吳昌偉之妻

萬李氏萬國鑑之妻

段常氏段榮楚之妻

萬張氏萬家祺之妻

監利縣志

卷之十一

人物節考

五

許劉氏許伯璋之妻

周朱氏周顯岐之妻

趙胡氏趙成湘之妻

夏雷氏諸生夏德榮之妻

歐陽龔氏歐陽煌之妻

劉林氏劉集榮之妻

羅朱氏羅邦安之妻

周劉氏周學易之妻

朱項氏朱際勝之妻

劉孫氏劉之佐之妻

楊朱氏楊定郁之妻

胡潘氏胡國華之妻

文郭氏文儉之妻

李劉氏李敘行之妻

宋敬氏宋詞芳之妻

趙高氏趙正道之妻

羅朱氏羅正善之妻

王李氏王天哲之妻

邵李氏邵有聲之妻

莊萬氏莊在言之妻



蔡戴氏蔡學詩之妻

戴乾氏戴必顯之妻

王李氏王家賓之妻

李楊氏李士珍之妻

田章氏田 欽之妻

嚴張氏嚴昌榮之妻

王孫氏王正典之妻

謝何氏謝宗迪之妻

劉涂氏劉玉珩之妻

胡熊何氏監生胡以信之妻

章朱氏章 玉之妻

王羅氏王澤川之妻

潘李氏貢生潘世鳴之妻

夏潘氏夏德衢之妻

周王氏周光大之妻

羅陳氏羅有茂之妻

周李氏周光緒之妻

羅張氏羅復聖之妻

羅田氏羅勸善之妻

周邵氏周大廷之妻

監利縣志

卷之十

人物節孝

卒

羅朱氏羅慶琮之妻

杜楊氏杜有信之妻

傅瞿氏傅承望之妻

王李氏王純守之妻

劉曾氏劉書思之妻

王朱氏王純鎮之妻

姜范氏姜士軌之妻

李敖氏李尙元之妻

劉張氏劉書翰之妻

李王氏李尙志之妻

夏謝氏夏如章之妻

蕭武氏蕭之琳之妻

蕭熊氏蕭之璉之妻

常項氏常哲訓之妻

劉姜氏劉德光之妻

趙孫氏趙大英之妻

顏陸氏顏宗培之妻

董楊氏董 瑜之妻

鄧熊氏鄧錫芹之妻

黎 氏黎樹信之妻



周劉氏周義賢之妻

鄒胡氏鄒世葑之妻

楊張氏楊永釗之妻

陳姜氏陳世治之妻

劉胡氏劉天鑑之妻

季周氏季定江之妻

柳敖氏柳宗榮之妻

彭王氏彭貴邦之妻

廖董氏廖國元之妻

黃吳氏黃學倫之妻

郭廖氏郭壘之之妻

瞿徐氏瞿廣富之妻

黎張氏黎經玉之妻

傅范氏傅明訓之妻

李湛氏李廷拔之妻

吳羅氏吳家璣之妻

李吳氏李 彬之妻

萬吳氏萬長豐之妻

柳鄒氏柳大炳之妻

萬王氏萬長明之妻

監利縣志

卷之十

人物節孝

三

萬熊氏萬長松之妻

杜何氏杜有廷之妻

黃朱氏黃世華之妻

戴蔡氏戴 山之妻

楊汪氏楊振文之妻

李季氏李學校之妻

李劉氏李惟善之妻

李劉氏李學唐之妻

李劉氏李蒼林之妻

丁傅氏丁啟縉之妻

龔支氏龔經燦之妻

王熊氏王學才之妻

方雷氏方心懋之妻

江楊氏江貽柏之妻

陳柳氏陳 鎮之妻

劉岳氏劉仁同之妻

李龔氏李順綱之妻

李姜氏李文采之妻

夏王氏夏德進之妻

李蘇氏李昌柏之妻



王羅氏王功懋之妻

張楊氏張傳璧之妻

鄒王氏諸生鄒世槐之妻

曾劉氏曾茂世之妻

李王氏李光泗之妻

顧耿氏顧光炳之妻

黃雷氏黃學友之妻

曾黃氏曾文斗之妻

李劉氏李懋義之妻

瞿易氏瞿廣魁之妻

范楊氏范謀祺之妻

瞿吳氏瞿明璽之妻

范朱氏范詒貴之妻

秦朱氏秦昭禧之妻

寄居江陵

易顏氏易豐盛之妻

夏楊氏夏芳林之妻

楊陶氏監生楊際昌之妻

張胡氏張遵道之妻

謝蔡氏謝南嶽之妻

朱聶氏朱哲運之妻

監利縣志

卷之十

人物節孝

三

梅陳氏諸生梅承光之妻

張方氏張信然之妻

江李氏江樹三之妻

羿馮氏羿世榮之妻

江吳氏江樹模之妻

羅郭氏羅敏斯之妻

汪江氏汪傳訓之妻

梁胡氏梁世欽之妻

萬吳氏增生萬長源之妻

龔李氏龔經材之妻

周瞿氏周厚光之妻

熊徐氏熊定瑩之妻

湯謝氏湯前紹之妻

夏李氏夏德依之妻

夏劉氏夏國燦之妻

裴夏氏裴懋澍之妻

謝蕭氏謝盛敦之妻

林杜氏林定紹之妻

林李氏林定衡之妻

龔朱氏龔經序之妻



吳雷氏吳一菴之妻

李沈氏李清子之妻

羅劉氏羅銘善之妻

張楊氏張顯筠之妻

蔡胡氏庠生蔡忠涵之妻

朱裴氏朱昭喜之妻

柳吳氏柳大寬之妻

吳劉氏吳至均之妻

胡劉氏監生胡廷芳之妻

賀吳氏賀景韓之妻

劉李氏教諭劉依德之妻

張董氏張學谷之妻

楊彭氏貢生楊德煥之妻

張胡氏張學慧之妻

朱李氏朱秉義之妻

蔡郭氏蔡忠澧之妻

柳賀氏柳大聯之妻

劉傅氏劉謨海之妻

戴江氏戴欣悌之妻

柳余氏柳宗謨之妻

監利縣志

卷之十

人物節孝

三

劉胡氏劉昌釗之妻

謝王氏謝邦遠之妻

潘陳氏潘學連之妻

張陳氏張時盛之妻

吳龔氏吳至鑫之妻

潘胡氏潘祖琅之妻

方吳氏方守信之妻

劉熊氏劉賓儀之妻

劉龔氏劉宏運之妻

游廖氏庠生游昌建之妻

夏崔氏夏曰明之妻

朱郭氏朱家沆之妻

蕭楊氏蕭之瑾之妻

曾雙氏曾滋棟之妻

鄧張易氏貢生鄧銘之繼妻

湛熊氏湛芝之妻

雷曾氏雷良佐之妻

湛謝氏湛薰之妻

劉黎氏劉啟太之妻

嚴李氏庠生嚴思敬之妻



夏張氏夏宏禮之妻

鄭張氏職員鄭昌善之妻

王朱氏王宗銘之妻

湯胡氏湯位烈之妻

龔瞿氏龔寶光之妻

常梅氏常德達之妻

吳趙氏監生吳太澍之妻

鄒楊氏鄒士才之妻

劉曾氏劉書恩之妻

武羅氏武德亨之妻

武李氏武聲祖之妻

羅蔡氏羅大琳之妻

武劉氏武德元之妻

蕭李氏蕭國仁之妻

武周氏武德利之妻

張劉氏張宗源之妻

武周氏武勤孝之妻

李王氏諸生李光玉之妻

武楊氏武友元之妻

陳王氏陳以元之妻

監利縣志

卷之十

人物節孝

齒

歐陽吳氏歐陽意青之妻

羅姚氏羅有榮之妻

王黎氏王德炳之妻

羅萬氏羅謀善之妻

李王氏李元宗之妻

陳王氏陳昌熾之妻

黃蔡氏黃德仕之妻

彭徐氏彭世柱之妻

吳張氏吳德傳之妻

何陳氏何以修之妻

劉李氏劉書綬之妻

陳周氏陳修竹之妻

何張氏何以時之妻

董李氏董大明之妻

戈趙氏戈隆泰之妻

曾夏氏曾保祐之妻

萬趙氏萬長祚之妻

李朱氏李家典之妻

楊周氏楊傳先之妻

劉戴氏劉趙詩之妻



郭蕭氏郭士儒之妻

王龔陳氏王心恬之妻

謝鄧氏謝南佐之妻

彭歐陽氏彭大陸妻

彭戴氏彭大恂之妻

熊李氏熊德裕之妻

郭蕭氏郭文甲之妻

詹劉氏詹大元之妻

劉趙氏劉承謨之妻

劉秦氏劉啟敏之妻

賴王氏賴長登之妻

王朱氏王大槐之妻

章游氏章德尙之妻

越程氏越際德之妻

何姜氏何士瑜之妻

胡劉氏職員胡廷祀之妻

余宗氏余友駱之妻

王張氏王嘉鵬之妻

王劉汪氏廩生王名沂之妻

劉平氏劉為佐之妻

監利縣志

卷之十

人物節孝

奎

易陳氏易方鵬之妻

鄭曹氏鄭世璧之妻

王高氏王家鳳之妻

唐曾氏唐學義之妻

唐夏氏唐學榮之妻

蔡曾氏蔡士達之妻

戴蔡氏戴齊三之妻

王劉氏王后瀛之妻

沈徐氏沈啟泮之妻

沈高氏沈世勳之妻

王朱氏干總王定魁之妻

吳高氏吳靖忠之妻

高李氏高世仁之妻

龔胡氏龔寶瀆之妻

李王氏李思祖之妻

戴謝氏戴干松之妻

楊陳氏楊欽仁之妻

萬楊氏萬慶祥之妻

陳許氏陳緒亮之妻

李柳氏李金茂之妻



魏黎氏魏熾榮之妻

程胡氏程宗尙之妻

文張氏文開瑑之妻

楊張氏生員楊榮輔之妻

夏張氏夏開慧之妻

敖羅氏敖忠之妻

戴魏氏戴其章之妻

丁曾氏丁達璽之妻

吳龔氏吳聲昂之妻

吳胡氏吳學庠之妻

胡吳氏胡錫高之妻

吳周氏吳文銘之妻

劉張氏劉詩萬之妻

胡劉氏干總胡大勳之妻

王朱氏王敬達之妻

鄒鄧氏鄒耀釗之妻

蔡趙氏蔡厚純之妻

胡朱氏胡振熙之妻

梅龍氏梅霈璜繼妻

鄒夏氏鄒德善之妻

監利縣志

卷之十

人物節孝

癸

姜李氏姜承紀之妻

梁鄧氏梁世繹之妻

姚劉氏姚守貞之妻

胡李氏胡作舟之妻

羅何氏羅德潤之妻

鄒何氏鄒德中之妻

鄭朱氏鄭大世之妻

李劉氏李懋和之妻

黨胡氏黨文偉之妻

謝王氏謝先炳之妻

胡吳氏胡承連之妻

張李氏張文林之妻

游楊氏游昌銘之妻

呂潘氏呂天柱之妻

羅李氏羅培泰之妻

張朱氏張大翠之妻

鄒乾氏鄒宏椿之妻

鄒劉氏鄒儒升之妻

張侯氏張大翔之妻



李曾氏李聲越之妻

朱連氏朱肇閔之妻

張徐氏張光輔之妻

李周氏李允中之妻

陳曹氏陳良貴之妻

陳曹氏陳慕純之妻

胡李氏庠生胡振輝之妻

陳程氏陳昌華之妻

戴劉氏戴志衢之妻

胡吳氏監生胡振煒之妻

李氏李良均之妻

周楊氏周昌楚之妻

劉游氏劉後仁之妻

朱孫氏朱珍璋之妻

王劉氏王槐芳之妻

王秦氏王德湘之妻

劉胡氏劉世達之妻

雷劉氏雷良弼之妻

周楊氏周培源之妻

張李氏張宗謨之妻

監利縣志

卷之十

人物節孝

七

徐朱氏徐逢廷之妻

趙朱氏趙啟佑之妻

胡郭氏胡永釐之妻

張王氏張榮孝之妻

周朱氏周德源之妻

秦胡氏秦大祚之妻

趙段氏趙承魁之妻

萬熊氏萬謙同之妻

陳朱氏陳又升之妻

范高氏范祖銘之妻

潘鄧氏潘啟鼎之妻

楊周氏楊傳先之妻

鄒李氏鄒宗成之妻

馬潘氏馬近義之妻

朱項陳氏朱世名之妻

朱雷氏朱秉福之妻

朱王氏朱洪典之妻

朱符氏朱世瀉之妻

陳謹氏陳修道之妻

朱余氏朱莘國之妻



高連氏高士前之妻

王戴氏王宗銘之妻

姚羅氏姚本萬之妻

同治十一年旌

高杜氏高承嵩之妻

道光六年旌

李楊氏庠生李子煊之妻

李孫氏李忠標之妻

同治十一年旌

戴劉氏戴良佐之妻

秦鄧氏秦昭誠之妻

黃劉氏黃德仁之妻

范胡氏范宗華之妻

周鄭氏周明倫之妻

黃龔氏黃德泮之妻

胡任氏胡明祐之妻

周歐陽氏同州周贊廷之妾

吳趙氏生員吳鈞之妻

龔秦氏龔學準之妻

朱聶氏朱哲運之妻

李聶氏李厚俊之妻

張游氏張道高之妻

劉鄭氏劉賓祚之妻

監利縣志

卷之十

人物節孝

矣

易謝氏易方來之妻

袁唐氏袁前浩之妻

李宋氏李芳泮之妻

鄭胡氏鄭學德之妻

萬游氏萬慶瓏之妻

熊陳氏熊汝保之妻

黃張氏黃德冲之妻

劉趙氏劉大廷之妻

吳萬氏吳天池之妻

楊裴氏楊定彩之妻

夏王氏夏昭順之繼妻

黃劉氏黃道倬之妻

鄧王氏鄧振常之妻

黃呂氏黃德崇之妻

郭蕭氏郭御簡之妻

吳歐陽氏吳子槐之妻

蘇雷氏蘇開珍之妻

趙萬氏趙源文之妻



萬田氏萬慶華之妻

蘇朱氏蘇開照之妻

王李氏王 經之妻

王黎氏王德炳之妻

黃張氏黃德瑤之妻

貞烈

朱秦氏朱信才之妻性聰慧通經史遭元明之亂途遇兵欲害之秦斥曰朝廷大糧餉爾害人乎吾不知爾何國之賊也使其為元也則國家傾覆之日子臣戮

監利縣志

卷之十

人物貞烈

堯

力用命黽勉圖存之不暇矣若明也則自古弔伐之師秋毫無犯耕市不變三代之君無不如之賊輩不思養人者何心受人養者何為而日事擄掠禽獸其行欺已心敗人德乃壞至上大事耶賊殺之二子收其骸斂葬於楓樹巖家社西二里之遙其就死之地相去不遠故鄉人至今猶稱之

慈姑者有明諸生胡公恪女也崇禎癸未十二月流賊剽邑城大掠女被擄禁錮馮房厲聲罵賊賊偽官見之遂殺以全其貞其母王見賊至先投水死女死年



夏唐氏夏東山妻崇禎癸未闖賊至今家人願生者去  
自攜二子沉於池家人從死者六人越六日好義者  
出其屍於水埋之唐顏色如生

裴王氏諸生裴旗徵妻聞賊敗黨突過邑擄旗徵去王  
方抱嬰孩立河干候吉凶耗賊奄至自知必不免赴  
水死數月旗徵歸覓得其屍未朽禮葬之

陳余氏陳文浦妻流賊走岳州邑之濱岳者多受荼毒  
文浦母方病聞警命婦急走婦泣曰姑病若此何忍  
舍姑去脫不幸當待姑九泉耳賊至擄文浦殺母脅  
婦行婦罵不絕口截兩臂斷脰乃死

以上明季事

監利縣志

卷之十

人物貞烈

半

周蔣氏待衛周麟妻麟父士元爲總兵官從麟在都麟  
暴卒歛訖蔣自縊以殉

范女許字朱正年將昏正年卒女毅身之夫家守志父  
私與正年父商嫁女女挾刃前曰欲奪志兒當畢命  
此刃議遂止

張姑貞秀幼適劉待年未配無賴子某涎其美窺女室  
無人行強暴要之從女大呼眾至得免然終憤忿無  
以明清潔夜投池死明日屍出端坐如生鳴官置無  
賴子於法已獲 旌眾醵錢爲碑西門外哀其志也  
撰文者邑貢生劉其華越七十餘年石剝落且裂鄉



里致仕知縣龔經遠徵詩重製碑焉

羅女賢英羅廻芳女其夫雷生未嫁而生外出生不歸女不改志如是四十餘年女老矣生亦無耗母家夫族感女之行義助貲置產贍養終身

張女幼字陳世元世元兒時失出生死未可知女長守貞不嫁與其弟婦曾紡績爲活弟沒曾亦寡居伴女以老病終

希貞連女字賴氏子年十五子亡訃至女執議哭臨送葬養舅姑其母不允截髮毀容哀感行路兄希位親送之夫家以成其志

以上自乾隆時 旌

監利縣志

卷之十

人物貞烈

十一

李女長字王錫揆昏有期矣錫揆病沒女晝夜哭失聲誓適夫家父母勸撓之其姑賀亦詭云擇期禮迎屢託故女哀且恨曰姑門非萬里何假舟車且凶莫凶於夫喪諷吉胡爲者卽日從鄰姆徒步詣王氏撫靈大哭縞素終身立嗣爲夫後

徐女字張文達未昏而文達卒父議再字女不可適張氏矢守事姑孝撫嗣子如已出

以上嘉慶時 旌

唐孫氏武生唐正彪妻夫亡願捐軀同穴父母詣其家旦夕防護葬畢歸命女暫相送居數日女曰節婦不可依父母以居也當終守夫家乃送之歸卽投繯死



劉女劉集秀之姊幼字陸門陸子天女矢志不二嫁  
貞女楊二姑顧昌茂之聘室女年十六未及婚昌茂以  
瘵亡女聞之號泣請於母願詣顧氏事祖姑及舅姑  
執節終身母以女意達顧氏女顧氏甥也其翁卽女  
母舅哀女志未忍許女請益堅不則以死自誓母乃  
擇日具素車送女往顧氏女哀經入門哭昌茂靈畢  
展謁祖姑及舅姑自爾惟在祖姑側外親不得見其  
面祖姑年近九旬矣女晨昏溫清扶掖奉事雖盛夏  
隆冬不少懈其兄公茂才昌廷心敬之命已子隆貴  
爲之後女訓育勤劬撫之成立道光間里人狀其事

監利縣志

卷之十

人物貞烈

三

聞於學憲王題額獎之女後以疾卒咸豐間中丞胡  
文忠公復彙題請旌

劉女白昌緯聘妻也未昏昌緯亡女辭父母匍匐詣夫  
家成禮舅姑深憫之戚族有勸其改字者女涕泗鳴  
咽若無聞然言者不能畢其辭而去

顧女三姑幼字李同先先及父某均歿非命始年始十  
四慟不欲更適人絕飲食七日吐血死

以上道光時旌

李蔡氏州判拔貢李懋莘妻偕子祥泰祥鵬二女隨夫  
任廣西髮逆倡亂懋莘死於難蔡痛哭欲以身殉子  
女泣母前哀且畱母無如何給之曰汝母不死矣防



偶憐投環死同治五年三月十六日奉

諭御史張盛藻奏請將殉難之員建立專祠並其妻懇

恩 旌表建祠等語前署廣西龍英州同李懋莘於

咸豐年間在太平龍州地方打仗陣亡業經從優議

卹該員之妻蔡氏痛夫陣亡投環自盡節烈可嘉著

交部照例 旌表並準於湖北監利縣本籍自行建

立李懋莘及其妻蔡氏專祠以昭忠節欽此

劉貞英年十七未字父名經武甲寅之難經武以鄉團

禦賊被槍死或勸貞英他避不可方謀葬父賊虜至

擒女恐受汙怒罵不絕口亦死於賊賊退鄉人檢其

### 監利縣志

#### 卷之十

人物貞烈

三

尸裹衣悉線痕紛結糾蟠牢不可解女所自紉者

柳大姑年二十二矣字任昌未嫁而任昌卒毀容悲慟

誓從一終父母不許議改字大姑察得實卽引刀自

砍其頸未斃治百日愈聽往之任事舅姑盡禮偕發

姒彭撫孤子承雙祧食貧三十年無怨

蔡楊氏教諭蔡以儲繼室性溫淑頗明大義隨夫郎西

任賊至城陷以儲遇害楊躍身投泮池死以上咸豐時旌

王孫氏王仁興妻年二十夫亡竭貲盡貨其妝飾為夫

延僧懺悔薦冥福焉醮散自縊死夫靈石同治時旌

唐許氏唐定彪妻性慨爽明而能斷年二十七夫病已



禱神願以身代未果而夫病篤向許哭泣許笑曰君疑妾耶妾請先行執箕箒以迎君遂縊死

趙女劉世銓之聘室未昏而世銓沒女年十六悲號幾不欲生守貞父母家姑卒貧不能歛女具絞衾棺襚往歛之經營喪葬舅歿亦然

羅女字劉侃之孫某年十六而歿凶問至投繯以救免遂歸劉孝事寡姑

羅女字雷氏子子歿女聞訃慟哭幾絕矢靡他紡績自供

李女字范廷鶴廷鶴早歿女長之夫家孝事祖舅姑暨舅姑

監利縣志

卷之十

人物貞烈

善

劉女字王萬聲萬聲歿女奔喪不反貧甚勤女紅供舅姑饗殮舅姑歿辛苦營葬

貞兼烈傳者惟熊氏女女父名萬凱以女幼明慧知大義珍愛殊甚不苟於擇匹及笄有張甲爲少弟謀婚於女之舅舅以白父父欲自相攸甲以弟貌寢不諧飾其子往姻乃聯舅與父不知其僞也頃之甲居喪女父弔焉甲出弟以壻禮拜父審其貌非是招舅往證之亦非是父大怒將控於官女痛哭止其父曰女從一者也是可假孰不可假父休矣女願養父母爲



老女矣不聽兩家合訟有司以女必嫌其壻也陋者  
袒斷之甲弟女愀然作色曰嗟乎夫者女之家也而  
禽獸行若此官者民之天也而彼方且矜其魑魅伎  
倆天不可以戴家不可以歸吾何生為哉投河不死  
絕粒不死矚間雉經死 以上年代未詳

鄭貞女蕭之乾聘室

萬貞女萬鵬程聘室

王貞女李文會聘室

李女蘭貞李世高之女年二十未字高病女侍奉維殷  
及沒女以禮棺殮哀痛數日而卒誠貞且孝矣

王鄒氏職員王祥齡妻年十九歸齡甫六月齡亡氏即

監利縣志

卷之十

人物貞烈

妻

自經

蔡西姑蔡忠澤之女幼從父母僑寓昭文年及笄矣咸

豐十年粵賊陷昭文女恐被掠赴井死

蔡忠澤候選府經歷

李貞姑邑廩生李懋熊女字龔生紹煌將及期而生天  
恐不獲遂其志日飲井水數升祈速死父母懼許適  
夫家守志而後食乃因飲冷病痞猶勤針黹事孀姑  
無倦

游楊氏附貢候選同知游學祺之妾夫亡撫幼子以承  
夫嗣三歲而子歿氏哀號竟日以頭觸柱吐血數升  
而死



段李氏段振翹妻李有部之女于歸三載夫亡氏痛不欲生娣姒以遺腹解始節哀踰數月產一女又三年而女殤氏志決投環翰林院檢討潘紹經爲立傳

鄭朱氏朱 之女遭夫不良年二十餘值巳酉水災夫嫁之氏義不再辱臨遣之日投水死

劉貞女貢生劉鳴鳳之次女字朱生茂洪未婚而殤矢不二聘年五十載卒

朱貞女訓導朱世颺之女字謝生愛未嫁而愛亡甘貧守貞學使朱 旌以操勵冰霜

陳貞女幼字於符生生外出未歸女終身不嫁以待年

監利縣志

卷之十

人物貞烈

五

五十餘卒

劉貞女劉允泮之女字宋成國將及笄而成國亡女聞訃悲哀投環以殉

秦淨貞秦懷遠之女幼字夏生家傑未婚外出女盟心自守誓不二聘現存五十餘歲阨窮堪憫

### 貞壽異行

周蘇氏總兵官周士元妻當吳逆之變避地江陵貧甚



佐夫業菽乳久之士元從軍隸滇人溫都司伍籍都司愛其勇妻以女辭不得命貽蘇書令善自爲計父母亦助其改圖蘇曰無書來且守有書安往丈夫二妻者多矣我自能下之何害勤作如故士元以功得偏裨入覲便道歸家幾不復相識廉得其情遂相持而泣攜之任所溫亦以正夫人禮之事聞並受榮及官貴俱晉夫人子彬通永道麟侍衛松知州楷國子生皆溫出蘇待之若子以壽終康熙時人

張王氏張其位妻年少而寡貞操強堅壽逾百歲

黃道倬妻夫亡守節年九十六無疾終

監利縣志

卷之十

貞壽異行

七

王何氏監生王垂謨妻年二十八守節壽至九十五歲卒

朱陳氏舉人朱肇泰妾事大婦盡禮大婦病醫藥罔效

陳割股進之愈里黨稱賢

鄒連氏監生鄒志廉妻夫突邁奇疾醫以爲無生理連

割股投藥中以進一飲而愈

以上嘉慶年學冊

旌見邑

龔冷氏龔翼廷妻年二十六夫亡守遺孤卒年八十四

有孫五人皆著聲鄉里

劉聶氏諸生劉文湘妻壽至百歲

朱史氏監生朱世經妻世經病逾月百藥罔效史割股



以進病瘳

趙朱氏趙紹輝妻夫病篤禱神以身代割股療之愈  
熊杜氏監生熊南海妻夫病危割股救之不數日痊  
吳龍氏吳化妻性溫惠樂善不倦造渡本邑荆江尺八  
口以便行人又南港橋廢獨修之壽至百歲

朱連氏舉人朱先茂之妻姑病割右股療姑旋愈夫病  
亦然子材哲成進士入翰林官福建知府屢受

榮封五世同堂年九十四歲

朱胡氏朱修衡妻年二十八夫亡性貞淑而才事舅姑  
孝訓子義方持家若幹健男子償負逋數百緡家落

監利縣志

卷之十

貞壽異行

夫

復振戚黨有困乏者貲助無吝色子達補博士弟子  
員遐邇咸稱爲女中豪傑

以上咸豐年 旌見邑學冊暨採訪冊

王李氏王良鴻妻夫病危篤氣垂絕李引刀割臂上肉  
羹哺之瘳

鄒張氏鄒志輔妻年二十八夫病篤屢以誨子紹書香  
爲意誌其言督子正德就傅成明經年八十四健尙  
存

劉黃氏劉啟桓妻于歸時桓已病及亡黃年始十八旣  
葬斷指供其夫之靈矢志無他有偷兒入室捲總幄



榮爐去誤取指已審其誤曰此節婦物傷節婦心遂并將貯指器深夜扣劉之門爇旃檀懸彩爆若爲謹奉還謝無禮者然頑鈍靡廉恥莫如偷兒猶爲感格况良民乎鄉里合詞上其狀觀察以下獎勉之

以上同治年 旌據採訪冊

朱李氏太學生朱世延妻翁姑與延同時卒氏經營三喪盡哀盡禮矢志撫孤成立壽至八十三以終

彭朱氏明經彭澤祖妻年二十五而寡子其修補諸生早亡娶婦程同姑守遺孫成立朱年九十二卒

楊歐陽氏楊君採妻夫坐事謫戍邊氏誓死從行攜二

監利縣志

卷之十

貞壽異行

夷

子往夫死負骸骨步行數千里以二子歸

胡萬氏胡江源妻嘗割股療姑病夫卒子甫二歲撫之成立卒年九十餘

廖歐陽氏廖世創妻年二十五夫亡撫二子舅憐婦少勸他適婦引錐刺左目明志日遂瞽子之焯娶母之兄女爲室年二十二之焯疾革妻對夫盡剪其髮姑壽九十而卒婦亦存年七十四

羅楊氏羅志成妻年二十七夫亡事舅姑撫子成立壽九十餘

劉羅氏劉正胡妻孝事舅姑曾割股以愈姑病夫病復



然亦脫然愈

常氏

妻年二十二夫斃於虎子僅數月守節七十四年四世同堂年九十六猶存

熊胡氏熊本烈妻見夫病危篤悲泣禱神剖左股丸藥以進啜之卽甦數日全愈

熊郭氏熊輝楚妻剖股療夫夫病愈

楊周氏楊棟祚妻祖姑李年近百齡朝夕事奉維謹子子銘歲貢生束髮受書卽教養兼至氏現年八旬行不曳杖疆健愈常

曾王氏曾惟郁妻年二十八夫亡守節六十八年年九

監利縣志

卷之十

貞壽異行

卒

十六卒媳王氏斯舉妻年三十亦守節六十四年年九十四卒一門雙節並獲高壽邑人榮之

尹李氏尹天祚妻年二十夫亡守節七十九年人稱爲百歲壽母

潘裴氏潘飾菴之妻夫亡氏年二十八歲守節六十四年子啟賢職員孫國寶邑西庠曾孫之柏元孫傳繩五世同堂現年九十二歲

左劉氏左以仁妻姑老病劇氏剖股烹以餉姑姑病愈事聞邑侯獎以懿孝回春匾額

朱劉氏朱建洪妻兩次割股救姑學使王旌以誠孝



一可欽

朱湯氏朱洪玖妻爲姑病篤割股以進立愈

朱徐氏朱應洪妻爲夫病篤割股以療卽愈

吳劉氏吳學璋妻璋病劇氏割股療之立瘥

吳朱氏太學生吳士達妻壽九十四歲

王齊氏王學貴妻生平言笑不苟壽百歲

朱張氏朱秉祥妻操作勤勞老而不倦壽九十六歲

謝鄭氏監生謝文元妻壽九十六歲終子五長懋監生

壽九十六次德監生壽八十二三湛恩邑庠生四愍

監生壽八十三五荷恩貢生壽八十學憲楊旌以

監利縣志

卷之十

貞壽異行

全

萱榮五代

朱劉氏朱秉亮妻持身端莊壽九十五歲

朱周氏朱班洪妻性溫和守禮法壽九十八歲

朱何氏朱世鵬妻壽九十五歲

吳氏吳應諫之女字王門父母病割股以進病俱瘥

朱龍氏縣丞朱家樞妻姑邁奇病夫外出氏割股以進

陳徐氏優生陳登瀛妻姑病氏割股以進

吳張氏吳鏗妻事姑孝嘗割股療姑疾

潘胡氏潘昌和妻事舅姑以孝聞姑有疾割股療之立

愈舅病亦然



連何氏連家樁妻奉事孀姑克盡婦道姑病篤氏割股作藥以奉姑服之愈

乾白氏乾東漢妻姑病氏割股療之愈

劉金氏劉存慢妻佐夫奉姑姑病氏割股療之愈姑壽至八十三而終

姜張氏姜元公妻姑病篤醫藥罔效氏割股以進愈

游楊氏游昌銘妻事姑以孝聞姑病割股以療寢食鹽濯身任其事歷十餘年無少懈

易巖氏諸生易經緯妻事翁姑至孝姑病危經緯禱於祠持刀將自割股妻止之曰是非人子所宜君肉卽

監利縣志

卷之十

貞壽異行

全

母肉也如能愈疾妾請代奪夫刀割股以進

朱周氏縣丞朱家樁妻樁病連月不愈割左股愈之數年夫宦遊姑病篤割右股以進亦愈

常朱氏常棟材妻姑病晝夜侍奉割股療之族眾欲聞於官氏曰以姑病而獲名於心何安事遂寢

馬瞿氏馬昌道妻姑病篤割股療之病乃瘳

夏范氏夏宏宗妻姑有痼疾割臂血飲之宿疾頓消一

龔張氏泗會縣知縣陞用同知龔啟正妻江陵兵部侍

郎張可前之女壽高百歲旌表建坊在考棚東圍

牆外今圮基址獻入考棚計長廣五月二尺橫廣二尺五寸



補遺

高緒璜為生母黃割股療病

朱沃然庠生朱韓之子繼母不慈任其剝折而事之益孝母亦化而為慈鄉里稱為大孝

朱尹任為父病革嘗糞割股以療之

朱世相為嗣母余割股療病

段振恕為生母劉病割股烹以進

段榮顯為生母馬病割肝以療之

朱秉為父病割肝以進

程清禮父大和染禁口痢瀉瀉血液掇取咽之又痔出

監利縣志

卷之十

貞壽異行

全

禮以舌舐之痔愈同里教諭朱啟堂以其事聞學使

王旌

高承榮為生母舒割股療病

胡仕鑑候選縣丞母周卧病經年鑑割股以進病即愈

胡齊順為嗣父病篤割股以療之

革家璠農民也性至孝為母病革割股逆湯以進母病

頓痊

吳壘幼年性孝順其父兩次沉痾不起壘兩割股療之

吳琮為親割股療病至今稱孝

吳天需事親至孝宅心忠厚長子丁綸庠次子緝均成



朱鴻任字伊勝壽百有二歲

尹璚生於康熙四十年辛巳卒於嘉慶八年癸亥年百

有二歲妻劉氏同庚卒於嘉慶十年乙丑壽百有四

歲五世同堂 欽賜文林郎妻賜孀人

吳伯宜畱心典墳好學不倦年九十三卒

朱化潤字伯澤生於明萬曆三十二年甲辰卒於國

朝康熙四十八年壽百有七歲

朱化鼎字元吉生於明天啟五年卒於國朝雍正六

年壽百有四歲

黃天楨康熙時人以孝聞祀忠義孝弟祠

監利縣志

卷之十

貞壽異行

平四